

Aposi!

Jisas mönö wä pön dub nöbö piaku ñiŋ agap apim rim mönö aku

Luk Tiopilas nugwo iswob kai kitöŋa

¹ Nöböhöd Tiopilas. Ni nagö mönö höd kai kitma aku, Jisas nugwo yöx pön höm, dib röxön mabö ila niŋön midip duön, agap apim rön, mönö kai kai yad nölon aku, nagö köp agniŋ aku kai kitma. ² Mai, God nuŋ Jisas pön mögörib adöx yöd röul adö kau sö pön wöluöŋa. Ji nuŋ adöx yöd röul adö kau sö wöluba röŋ mag aku, nuŋ rimin Inöm Leia nuŋ mönö nuŋwa pön dub nöbö yad niŋöŋ nöbö akuyöbö ñigö yad nö ri aböŋa. Mönö aku magaliŋ höd kai kitön nagö nölim maku. ³ Jisas wöroxöŋa ji höbkal öbilön, wop akuyöbö padokwo padök paŋyöbö i höuöiliö hö pin du adokwebö mij bö (40) mibil yöra wop miŋa wöxnö niŋön, mönö nuŋwa pön dub nöbö nuŋ bla pisan midön, God nöbö mö pön nugwidix midib mönö aku ñigö yad nölmida. Almidmin, niŋ mämäg niŋa keir nugumin nuŋ kömö midöŋa. ⁴ Makwam wöroxön öbilön, mögörib döul il ki midmid wop mibil yöra, wop i nöbö nuŋ piaku pisan ap nim girön yadöŋa, “Ni ñigö höd yadim mag akuyöbö, Acö na ap kai ñigö nöinö, röŋ aku,

Jerusalem yörük ör midön pöx mijöña. ⁵ Jon röbö pal nölib nöbö aku hör nöbö mö ñigö röbö akwör pal nölmida, j+ wop mösör hö duañ, Inöm Leia nuñ hön ñigö pal nöion+ñö,” röña.

Jisas nuñ mögörib adöx yöd röul adö kau sö wöluöña

⁶ Makwam wop i Jisas nuñ nöbö nuñ piaku midim mibil yöra wöxnö ñigmin, ñiñ nugwo yadmä, “Nöbö Dib, nagö weik kin ana midañ, an Isrel nöbö mö mögörib an k+ iswob an keir nugwidix midön, mögörib bli nugwidix mijn+ñönö ä?” rima. ⁷ Aliö rim+n, Jisas ñigö yadöña, “Wop kai cön aku, Acö rib nuñwa keir yöx nugwön yad ñigöña; ap ñiñ yöi. ⁸ Makwam Inöm Leia nuñ ñigö han, ñiñ ölsö mag aku pön, duön Jerusalem nöbö mö, Judia nöbö mö, Sameria nöbö mö, nöbö mö mögörib adadö piaku piaku magalig, ni agap apim r+l mönö aku pön duön nöbö mö akuyöbö yad nöion+ñö,” röña.

⁹ Jisas aliö rön, nöbö nuñ bla nugugu midim nugugirön, God nuñ Jisas adöx sö pön wolum+n nugugirön, mijöi wab i hön nugwo yuö aböña.

¹⁰ Makwam nuñ wolum+döña, ñiñ laxiö adöx sö nugugu midim nugugirön, wop akwör nöbö wölj lei yömim hogwa hö ñigö pisanj öbil gi midmä. ¹¹ Nöbö hogw aku yadmä, “Nöbö Galili yöbö kiyöbö, ñiñ pödpöd rim+n laxiö adöx sö nugugu midöi? Ñiñ nugugu midin nugugirön, God nuñ rim+n, Jisas nugwo pön mögörib adöx

yöd röul adö kau sö pön wölu mag akuyöbö, mai nuñ keir höuöil aliar alip hön+ñö,” r+mä.

Judas wöröxm+ñ nugug+rön Mataias yör nuñwa pöña

¹² Olip P+id sö m+dmä aku rëbëxön Jerusalem höuöil dumä. Ödöi m+x+l yöi, Olip P+ida Jerusalem womiöx; Juda nöbö mö ñ+ñ God höjöpaliþ wop aku r+g r+ip yön+idöi mag akuyöbö.* ¹³ Jerusalem duön, ram höl+m+þ ñ+ña uröp+ñön, ram möl b+l sebö möla dumä. Nöbö m+dim akuyöbö: Pita, Jon, Jems, Edru, Pilip, Tomas, Batolomiu, Matiu, Alpias ha nuñwa Jems, Saimon Selot, Jems ha nuñwa Judas. ¹⁴ Ñ+ñ öim öim mögum rön, God höjöpalm+dmä. Jisas nuöm Maria, Jisas p+gn+ñ nöbö bla, mö bli p+sañ öim alm+dmä.

¹⁵ Makwam wop mib+l yöraku, nöbö mö padokwo padök möm+id so höuöiliö möm+id sö (120) hö mögum r+m nugug+rön, Pita öb+lön ñ+gö yadöña, ¹⁶ “Haul nöbö mölöu nöbö nugwi. Inöm Leia nuñ maduar ör Depid nugwo r+byöx nölm+ñ, Judas Jisas nugwo höuöu cön aku höd nugwön kai kitm+ñ, r+g yadöñ yadöñ mag akuyöbö akwör röña. ¹⁷ Jisas nöbö Judas aku p+m+ñ, an p+sañ m+idön, mabö nuñ aku n+giö n+gön r+m+idöl+ñö,” röña.

¹⁸ Judas nuñ Jisas nugwo höuöu rön, r+g pöñ aku rag duön, mögöriþ i wobön, m+diþ duön, wop pañyöbö i gup+ñ pal wödm+ñ, wöt nuñwa b+rm+ñ, höbwaba magaliþ kul r+ röp+nm+ñ wöröxöña.

1:12: Luk 24:50-53 * **1:12:** kilomita pañyöbö iör aliö **1:13:** Mat 10:2-4 **1:16:** Sam 41:9 **1:18:** Mat 27:3-8

19 Aliö wöröxim, Jerusalem nöbö mö magalig nugwön, mögörib wobön wöröxön aku iba Akeldama me rimä. Akeldama yadim mönö il aku, “Haña pinön Mögörib,” me rön yadmä.

20 Pita yadöña, “Depid maduar ör God Mönö rib Sam mönö um bli kai kitön yadöña, ‘Ram nuñwa yöja akwör midan;

Nöbö mö bli ram nuñwa du midölin,’ me röña.

Depid mönö i piönö yadöña,

‘Mabö nuñ aku nöbö i pañ,’ me röña.

21 Aliö rön aku, nöbö an keir i nugwön pininja. An Nöbö Dib Jisas pisan yön midöl aku, nöbö an pisan öim yönmid nöbö i nugwön pininja. 22 Nöbö an pisan öim yönön, Jon nuñ Jisas röbö pal nölön aku nugwön, midip duön, Jisas wöröxön öblön adöx yöd röul adö kau sö dumin nugwön nöbö i nugwön pininja. Nöbö akuyöbö pininj aku, Nöbö Dib Jisas wöröxön öblön mönö aku yad nöl ri aböninjö,” röña.

23 Pita aliö rimin, Mataias Josep yöjö nöbö hogwa yad nigmä. Josep wop bli ib nuñwa i Basabas, i Jastas, me rimidmä. 24-25 Nöbö hogw aku nigö aliö yad nigön, God höjopalön yadmä, “Nöbö Dib, Judas höd ri gwogwam rön wöröxön, nuñ midib yöra duön makwam, yö nuñwa yön pöninjö, rön, nöbö mös hogwa ki yad nigöla. Makwam, nagö nöbö mö magalig ribyöx nugwön, rig röi mag akuyöbö nugulö makwam, an nagö yad nugumidöla, nañ keir nöbö maku, me rañ, an nugwön pininjö,” rimä. 26 Aliö rön, nöbö hogw

aku rɪp ñiña pugul pɪm, Mataias iba wölmɪn, Jisas mönö wä pön dub nöbö akuyöbö agɪp sö pɪsan nɪgiö nɪgɪm, iswob nöbö akuyöbö möl sö nɪgöŋa.

2

Inöm Leia höŋa

¹ Nöbö mö Jisas nugw pim bla, Pedikos wop dib aku weik, me rön, hö ram möl panyöbö i mɪdmä. ² Aliö mɪdɪm nugugɪrön, rɪba gɪgɪ diba adöx yöd röul adö kau sebö rön, hödal röxg hön, ram möl yuadö römɪd mɪdim yöra höŋa. ³ Makwam wop akwör nugumɪn, rɪn pin röxgɪb ap aku hön, paxdörɪm paŋ paŋ nuöm nɪgön, nöbö mö yöcmac paŋ paŋ rol sö du mɪdöŋa. ⁴ Du mɪdmɪn nugugɪrön, Inöm Leia hön, inöm ñigö yuö kwo aja wölöŋa nugwön ñiŋ mönö yöbö adö hörɪrör yadmä.

⁵ Makwam wop aku, Juda nöbö mö bla, ñiŋ mögörɪb pia pia möl hörɪrör hön, Jerusalem mögum rɪmɪdmä. Nöbö mö piaku ñiŋ God Mönö rɪg yadöŋ mag akwör nugwön rɪmɪdmä. ⁶ Gɪgɪ dib aku rɪmɪdöŋ nugwön, pödpöd rɪmɪdö, rön, nöbö mö mɪga akwör rɪmgör ram aku hön nugumɪn, mönö yöbö adö hörɪrör ödöriar yadmɪdmä. ⁷ Ñiŋ nugwön aiö waiö rön yadmä, “Nöbö mö bilɪk magalɪg Galili yöbö. ⁸ Makwaim pödiö mönö yöbö ana hörɪrör rɪg yadöl mag akuyöbö ödöriar yadmɪdöia nugumɪdöl? ⁹ An bli Padia, bli Midia, bli Ilam, bli Mesopotemia, bli Judia, bli Kapadosia, bli Podas, bli Esia, ¹⁰ bli Prijia,

2:1: Lep 23:15-21; Diut 16:9-11
16:17; Apos 4:31; 10:44-46; 19:6

2:3: Mat 3:11

2:4: Mak

bli Pampilia, bli Ijip, bli mögöriþ Libia, Sairini taun kwol piaku, bli Rom yöbö höla. ¹¹ (Nöbö mö Rom yöbö höi aku, bli Juda nöbö mö ödöriö, bli Juda nöbö mö yöi jþ mai Juda nöbö mö riþ röi mag akuyöbö röia.) Bli Krit, bli Arebia yöbö höla. Makwam an nugumþdmþn nugugiþrön, mönö yöbö ana hörþrör riþ yadöl aliar ödöriar yadön, God nuþ mag keiryöbö rö, rön, ib nuþwa yadþm þil sö dumþda, nugumþdölþñö,” riþmä. ¹² Aliö rön, riþ mþga yöþ nugu giþrön, bli bli yad nugum bli bli yad nugwön yadmä, “Mag höra riþþd aku pödpöd riþa riþþdö,” rön, riþ mþga yöþ nugumä.

¹³ Nöbö mö bli piöñö ñþñ ñþlön nþg yadmä, “Aku röbö wain mþga nþmön u þilön yadmþdöiþñö,” riþmä.

Pita mönö yad nölöþa

¹⁴ Makwam Pita nuþ Jisas mönö wä pön dub nöbö akuyöbö agþp sö þisaþ öþþlön, ajmöla aj halön, nöbö mö mþga akwör mþdmä akuyöbö ñþgö yadöþa, “Ñþñ Juda nöbö mö an aipam, ñþñ nöbö mö Jerusalem yöriþ hölþm mþdim bla aipam, yöriþ agö magþm riþþd aku nþ ñþgö mönö yadþba riþþdþl kþ nugw ri aböña. ¹⁵ Ñþñ bli yadmþdöia, ‘Nöbö pik röbö wain mþga nþmön u þilön yadmþdöiþñö,’ röi aku, jþ ñþñ röbö wain nþmön u þilöli. Weik naiö yöudöñdöñ ör wöl mag akwör pal. ¹⁶ Makwam mönö yöbö hörþrör yadmþdöia nugumþdöi kþ, God mönö yadþb nöbö Joel maduar ör yadön kai kitöñ mag akuyöbö akwör riþþd maku pal. Nuþ mönö aku kai kitön yadöþa,

- 17 ‘God yada, “Wop maiyöbö aku,
 ñigö nöbö mö akuyöbö magalig Inöm na
 abna.
 Halöu ha ñiη bla God Mönö maga ñigö nöbö mö
 yad nöiöña.
 Ha nöbö ñiη bla r+ba nugwöña.
 Nöbö dib ñiη bla in+mö nugwöña.
- 18 Wop aku, mabö na r+ nöli+ nöbö mö ni bla,
 nöbö bla aipam mö bla aipam,
 ñigö Inöm na abmön, mönö wä na aku nöbö
 mö akuyöbö yad nöiöña.
- 19 Ni adöx yöd röul adö kau sö ap keiryöbö röli+ba
 akuyöbö bli rön,
 mögöri+ rol il ki ap nugub nugwöli+ba
 keiryöbö bli c+na.
 Paskwolö p+lon, r+n yönön, r+n haub autaut
 diba rön cöna.
- 20 Naiö mila aben;
 röuna paskwolö piöna.
 Alm+dan, mai wop aku wop keiryöbö wöxnö
 ñigöna.
 Nöbö Diba mil mag wä keiryöbö ali+g höna.
- 21 Makwam nöbö mö yön yön, Nöbö Diba ni kömö
 paη, me rön, yad nugwöñ bla,
 ñigö kömö pön+ηö,” röηa.
- 22 Pita nuη Joel kai kitöη mönö aku yad pörön
 yadöηa, “Ñiη Isrel nöbö mö, mönö yad+ba ri+mi+d+i
 ki nugw ri aböña. Jisas nöbö Nasaret yöbö
 aku nöbö hör yöi; God nuη keir nugwo yad
 abm+n höηa. Ha na aku agal abmön, ap röli+ba
 akuyöbö m+ga akwör rön, ap nugub nugwöli+ba
 m+ga akwör rön cön mib+i ñigö yöroku nugwön,

nöbö aku God nuṅ keir yad abm+in höṅ aku nugw+in, me rön, nugwo yad abm+in höṅa. Jisas nuṅ ap röli+bä akuyöbö mib+il ñi+ṅa rön aku, ñi+ṅ keir mödö nugwöia. ²³ God nuṅ ñi+ṅ ri+g cöñ mag akuyöbö höd nugwön, Jisas nugwo p+ imag rol ñi+gö aku ni+gm+in, ñi+ṅ nugwo pön du nöbö mö ap kib mag gwogwo röi akuyöbö nöli+m, nugwo bi+ katlö watlö höñ sö p+il pal ni+g+m wöroxöṅa. ²⁴ Nuṅ mi+ ödöriö öli+ṅ höb diba pön wöroxöṅ aku, ji+ aṅadö nöbäpö hogw möl yöra mi+dön, li+du p+in pal dubä maga ni+gölöṅ. God ri+m+in nuṅ höbkal öbi+löṅa. ²⁵ Depid nuṅ maduar ör Jisas nugwo mönö kai kitön yadöṅa,

‘Ni+ nugula, Nöbö Diba ni+ pi+saṅ öim öim mi+da.

Nuṅ imag mi+ri+x na adö mi+d aku mi+, ni+ ipöxöin.

²⁶ Almi+n, höbwab madmag na yauaba; ni+ wahax pön wä rö ri+mi+dla.

Mi+xi+ñ na wöroxöna ji+ ni+ wahax pön ri+b wä yöx nugu gi+rön ipöxöinöm.

²⁷ Pöd raṅ? Nagö ni+ nöbäpö hogw möla röböxöinö.

Nagö Nöbö Lei nagö röböxaṅ, mi+xi+ñ nuṅwa li+du p+in pal dueni+m.

²⁸ Nagö ni+ kömö mi+d+ib ödöi aku yabumö.

Ni+ nagö pi+saṅ mi+dön, mi+ ödöriö wahax pi+mi+ji+nö,’ rö,” röṅa.

²⁹ Pita Depid yadöṅ mönö aku yad pöron yadöṅa, “Haul nöbö mölöu nöbö, ni+ ñi+gö mönö ödöriar yadmön, nugw ri aböña. Nöso maduebö Depid wörox+im hogw p+lim ulöm möla mi+da;

ulöm möl aku weik an kwo algör nugwöla.
 30 Makwam Depid nuḡ God mönö yadɪb nöbö mɪdmɪd makwam nuḡ nugwöḡa, God maduar ör mönö yad nɪgön yadöḡa, ‘Nagö ha yöxön yöxɪp duön yöx nɪgöñ ha i nuḡ yör nagö pön, kiḡ mɪjönɪḡö,’ röḡa. 31 Depid ap mai rɪg cön aku nugwön, Mesaia aku* nuḡ wöröxön öbiönɪḡö, rön, yadöḡa, ‘Nugwo nöbäpö hogw möla röböxölöḡ. Mɪxɪñ nuḡwa lidu pɪn pal duölöḡ,’ me röḡa.

32 “Wopik God rɪmɪn, Jisas nuḡ öbɪlön kömö mɪda. Nuḡ kömö mɪd aku an magalɪg mämäg ana keir nugwöla. 33 God Jisas nugwo pön du imag mɪrɪx nuḡwa adö nɪgöḡa. Nɪgön, nuḡ Inöm Leia nöinö, rön yadöḡ aku, Jisas nugwo nölmɪn, nuḡ piönö anɪḡ nölmɪn, hön gɪgɪ diba rɪmɪn, an mönö hörɪrör yadmɪdöl kɪ nugumɪdöia. 34 Makwam Depid mönö yadöḡ aku, nuḡ keir yadölöḡ. Depid nuḡ mögörɪb il kɪ mɪdön, adöx yöd röul adö kau sö duölöḡ. Makwam nuḡ yadöḡa, ‘Nöbö Diba nuḡ Nöbö Dib na aku nugwo yadöḡa, “Imag mɪrɪx na adö römɪd gɪ mɪjɪnö;

35 nɪ rɪmön kwolmal nagö bla, wöktaitö möl nagö piaku mɪjöñɪḡö,” rö,’ röḡa.

36 “Makwam, ñɪḡ Isrel nöbö mö magalɪg nugw ri aböña: Jisas nöbö bɪ katlö watlö höñ sö pɪl pal nɪgɪm wöröxöḡ Nöbö akwör, God rɪmɪn Nöbö Dib

2:30: 2Sam 7:12; Sam 89:3-4; 132:11 **2:31:** Sam 16:10

* **2:31:** Grik mönö “Krais” aipam, Hibru mönö “Mesaia” aipam ila paḡyöbö iör mɪda: “God yad nɪgöḡ **2:33:** Apos 5:32; 7:55-56

2:34: Sam 110:1 **2:36:** Apos 5:30-31

ödöriö mɪda. Nunɟwör Mesaia öim pöx mɪdmɪdöl aku maku,” me röŋa.

³⁷ Pita mönö aku yadmɪn, nöbö mö mɪdim akuyöbö nugumɪn aiöuñ rɪm duöŋa. Almɪdmɪn, ñɪŋ Pita aipam, Jisas mönö wä pön dub nöbö bla aipam, yad nugwön yadmä, “Makwam, haul nöbö, an weik pödpöd rɪŋö?” rɪmä.

³⁸ Aliö rɪmɪn, Pita yadöŋa, “Ñɪŋ paŋ paŋ magalɪg mɪdöi akuyöbö, ap kib mag gwogwo röi aku, pödpöd rɪmɪn aliö alölɪŋö, rön, röböxön, Jisas Kraiss nugw pön, röbö yaxöña. Almɪdɪŋ, God ap kib mag gwogwo röi aku nugwön röböxön, Inöm Leia ñɪgö nöiöna. ³⁹ God maduar ör yadöŋa, ‘Inöm na ñɪgö Isrel nöbö mö nölon, halöu ha ñɪŋa yöx pön höñ bla nölon, nöbö mö mögöriɪb pad bla aipam nölon cɪnö,’ röŋa. Makwam, an nugwöla, God nöbö mö yön yön höŋ, me cön akuyöbö, ñɪgö magalɪg Inöm Leia nöiönɪŋö,” röŋa. ⁴⁰ Pita ñɪgö uliöxön, mönö mɪga akwör yadön yadöŋa, “Nöbö mö wopik mɪdöi bli amnör rɪ gwogwam röi mag akuyöbö röböxön mɪd ri aböña. Nöi mɪjön aku, öliŋ höb diba pöñɪŋe,” röŋa. ⁴¹ Nöbö mö mɪga akwör Pita mönö yadöŋ aku nugwön, Jisas Kraiss nugw pön, röbö palmä. Wop mɪd akwör, nöbö mö tri tausan (3000) akuyöbö Jisas Kraiss nugw pön, Jisas nöbö mö nunɟwa adöi pɪsaŋ ñɪgiö ñɪgön mɪdmä.

⁴² Makwam, ñɪŋ öim öim hön, Jisas mönö wä pön dub nöbö bla pɪsaŋ paŋör mɪdön, God Mönö yad nölmɪdöi aku nugw ri abnɪŋö, rön, yadɪp

wöhö gîrön, bred pî gîlîxön pañör nîm gîrön, God höjöpäl gîrön mîdmîdmä.

Jisas nöbö mö nuñ bla rîg rîmîdöi mag akuyöbö

⁴³ God nuñ Jisas mönö wä pön dub nöbö bla ñîgö ölsö nölmîn, ap rôlîbä akuyöbö mîga akwör rön, ap nugub nugwölîbä mîga akwör rön rîm, nöbö mö bla nugwön, aiö waiö rîmä. ⁴⁴ Nöbö mö Jisas nugw pim bla pañör mîdön, nöbö mö ap mîdölön bla, bli ap amnör nuöm ñîg nölmä. ⁴⁵ Mөгörîb ap blaku kwo algör sîm rön, rîg pön, nöbö mö ap mîdölön bla nuöm ñîg nölmä. ⁴⁶ Ñîñ öim öim, wop pañ pañ, God höjöpälîb rama du mögum rîmîdmä. Ram ñîñ piaku kwo algör du mögum rön, bred pî gîlîxön, nuö nuö madmag ñîg gîrön, wahax pî gîrön, ap pañör nîm gîr mîdmîdmä. ⁴⁷ Makwam nöbö mö mîdim akuyöbö magalîg, Jisas nugw pim nöbö mö ñîgö nugumîn, wä rôña. Öim öim, wop pañ pañ, Nöbö Diba nuñ nöbö mö bli aipam kömö pîmîn, ñîñ Jisas nugw pön, hö Jisas nöbö mö nuñwa hödyöbö piaku pîsan ñîgiö ñîgön pañör mîdmîdmä.

3

Nöbö yödpîlö gwogwo rön aku, Pita rîmîn, kömö ñîgöña

¹⁻³ Nuö nuöm yöx pön hem wop akwör yödpîlö gwogwo rön nöbö î, nugwo wop pañ pañ öim öim pön hön, God höjöpälîb rama ubalîj îl, Ubalîj Kîtîb Wä, me röi aku, pedöx pedöxiö yöra ñîg gîm römîd gî mîdmîda. Mîd gîrön, nöbö mö God

höjöpaliḅ rama ram möl yuadö duba hö dumidöi piaku, ñiḅ riḅ ap ni bli nöine, rön, sö ri ḅir midmida.

Makwam wop i, Pita Jon yöḅö naiö pikwo riḅ piḅöḅ mag aku, God höjöpaliḅ mag aku, God höjöpaliḅa hö padixmḅn nugugirön, nöbö yödpilö gwogwo röḅ aku ñigö nöbö hogwa nugwön yadöḅa, “Ni riḅ bli nöi,” röḅa. ⁴ Aliö riḅmḅn, ñiḅ nöbö hogwa nugwo tar riö nugugu midön, Pita yadöḅa, “An nöbö hogwa nugwö!” röḅa. ⁵ Yadöḅa, ni ap i nöliḅa midöiḅö, rön, nöbö hogwa nugugu midmḅn nugugirön, ⁶ Pita yadöḅa, “Riḅ silpa, riḅ gol aku ni midöl, ji ap ni paḅyöbö i mid aku nagö nöina. Jisas Krais nöbö Nasaret yöbö aku, ib nuḅwa urön nagö yadmida, ‘Öbil duö!’ ⁷ Pita aliö rön, imag mḅriḅ nugwo adö pön, pi pabil nölmḅn nugugirön, mag akwör yödpilö aipam, yödpilö kwola aipam wä röḅa. ⁸ Wä riḅmḅn, riḅḅör öbil du ḅirön, höx höx wöd ḅirön, God nugwo ri ablaḅe ri ḅirön, ñiḅ nöbö hogwa piḅaḅ God höjöpaliḅ rama ram möl yuadö duöḅa. ⁹ God nugwo ri ablaḅe rön, röb ḅirön yönmidöḅ aku, nöbö mö midim akuyöbö nugwön, ¹⁰ nöbö yödpilö gwogwo öim hön, God höjöpaliḅ rama ubaliḅ il, Ubalij Kitḅ Wä, me röi aku, pedöḅ pedöxiö yöra römid ḅi midön, riḅ ap bla sö ri midmid nöbö aku, pödpöd rön yöda ödöriö röb ḅir hömidö, rön, riḅ mḅga yöx nugwön aiö waiö riḅmä.

Pita mönö yad nölöḅa

11 Nöbö aku nuṅ God höjöpaliḅ rama riṅadö bö, Solomon Ram Bötö, me röi möl aku miḁdön, Pita Jon yöṅö nöbö hogwa mibiḁl niḅ giḁm miḁmiḁ nugugiṛön, nöbö mö magaliḅ aiö waiö riḅ giṛön ipaliḅ hömä. 12 Nöbö mö hömiḁmiḁn, Pita nuṅ nugwön yadöṅa, “Isrel nöbö mö kiṅyöbö, ñiṅ pödpöd riḁmiḁn riḁ miḅga yöxön aniṅ nöbö hogwa riö nugugu miḁdöi? ‘Ñiṅ nöbö hogwa nöbö öliḁsö, nöbö wä miḁdön riḁmiḁmiḁn, nöbö ki ödöia yön ri abmiḁdö,’ rön, riḁ aku yöx nugumiḁdöi ä? Aku wöhö. 13 Ebrahim, Aisak, Jekop, nöso maduebö an bla höjöpalmiḁdim God akwör nuṅ keir riḁmiḁn, mabö riḅ nöliḁbö nöbö nuṅwa Jisas öbiḁliḁmiḁn, nöbö mö bla nugwön, nuṅ mil mag wä keiryöbö aliḅ miḁdö, rön, nugwöia. Ñiṅ Jisas nugw pölim. Pailot nuṅ Jisas yau abnö röṅa, jiḅ ñiṅ keir yadön yadmä, nugwo pön du biḁ katlö watlö um sö piḁl pal niḅgiṅ me riḁmä. 14 Jisas nuṅ Nöbö Lei; nuṅ Nöbö Kömö Wä öim öim God riḅ yad mag akwör ra. Makwam ñiṅ yadmä, Jisas nuṅ nöbö nugub an yöi; nöbäpö piḁliḁmiḁd nöbö aku aniṅ yau abö, riḁmä. 15 Al giṛön, Nöbö kömö miḁdiḁ maga nöliḁ aku nugwo piḁl pal niḅgmä. Makwam God riḁmiḁn, nuṅ öbiḁlöṅ aku, an mämäg ana keir nugwön yad nöliḁmiḁdöla. 16 Nöbö yödpöliḁ gwogwo öim nugumiḁdöi nöbö ki, weik kömö niḅgmäniḁ nugwöia. Jisas öliḁsö nuṅwa riḁmiḁn mönö, kömö niḅga. An Jisas nugw pön, ib nuṅwa yadmiḁn, Jisas nuṅ riḁmiḁn, aṅadö kömö niḅga.

17 “Makwam nöböhöd möhöd niḁ pik. Ñiṅ keir aipam, nöbö dib ñiṅ bla aipam, ua aliḅ miḁdön,

Jisas nugwo mag akuyöbö almä. ¹⁸ Makwam God nuṅ mönö nuṅwa yadib nöbö bla ñigö maduar ör rıbyöx nölmın yadmä, ‘Mai God Mesaia nuṅwa mı öliṅ höb diba pön wöröxönıṅö,’ rımä aku, rıg yadim mag akwör rımä. ¹⁹ Makwam, ap kib mag gwogwo röi aku, pödpöd rımın aliö alölıṅö, rön, röböxön, höbkal God nugwo höṅ, nuṅ ap kib mag gwogwo röi pıx aku örıx aböna. Aliö alıṅ, Nöbö Diba nuṅ inöm ñigö yuö kwo ölisö nuṅwa nölon, ²⁰ Krais ñigö maduar ör yad nıgöṅ Krais aku yad aböna. Krais aku Jisas maku. ²¹ God nuṅ maduar ör yadmın, mönö yadib nöbö lei nuṅ bla rıg yadim mag akuyöbö, Jisas nuṅ mögörib adöx yöd röul adö kau sö rıg mıd akwör mıdın nugugırön, God ap magalıg iswob rı nıg ri abön wop aku höna. ²² Mosıs yadöṅa, ‘Mai Nöbö Dib God ñıṅa, nuṅ mönö yadib nöbö nı röxgıb, il ñıṅa keir nöbö i yad aböna. Nuṅ hön, mönö yajön aku magalıg nugw ri aböña. ²³ Nöbö mö mönö nuṅwa peñ akuyöbö, nöbö mö nuṅwa mıdeñım; ñıṅ aṅadö rıṅadö bö duön wöröxöñıṅö,’ röṅa.

²⁴ “God mönö yadib nöbö Samuel aipam, God mönö yadib nöbö mai hem bla aipam magalıg ap wopik wöxnö nıgmıda nugumıdöl aku mödö höd yad nölmä. ²⁵ God maduar ör nöhöniṅ maduebö ñıṅa mönö yad nıgöṅ aku, ñıṅ keir ap ame pımıdöi aku maku. God nöso Ebrahim nugwo cınö, rön, mönö yad nıgöṅa. Mönö yad nıgön yadöṅa, ‘Halöu ha nagö yöxın, ñıṅ yöxıp höuöilmel rön yöxöñ bla, nöbö i mıdön aku nuṅ raṅ, nöbö mö akuyöbö magalıg wahax

pim+jõñ+ñö,' røña. ²⁶ God nuñ Mabö Rî Nölib Nöbö nuñwa Jisas mögöriþ il kî agal aböñ aku, ñ+gö me røn, höd agal abm+in höña. Isrel nöbö mö ap kib mag gwogwo röi aku, pödpöd r+m+in aliö alöli+ñö, røn, röböxön m+id ri abiñ, me røn, ñ+gö Isrel nöbö mö kiyöbö höd agal abm+in hö," røña.

4

Pita Jon yöhö ñ+gö mönö diba yadmä

¹ Pita Jon yöhö nöbö mö ñ+gö mönö yad nölm+idm+in nugug+røn, God ap höjöpäl ur nölib nöbö bla aipam, God höjöpäl+ib rama nugwid+x m+idm+idöi nöbö bla yöj nöbö ñ+ñ aku aipam, Sadiusi nöbö bla aipam, hön mönö yadm+idmä aku audiöx nugumä. ² Jisas wöröxön öb+löñ mag akuyöbö, nöbö mö Jisas nugw pöñ akuyöbö ñ+ñ kwo algör wöröxön öbiöñ mönö aku, pödpöd r+m+in yad nölm+idöiñö, r+m+in, ölisö wölöña. ³ Makwam, ñ+ñ Pita Jon yöhö pî cîcî ñ+gön, wopik höxi guröñ mag kî wöhö, lañ mönö diba yajn+ñö, røn, ñ+gö nöbö hogwa pön du nag ñ+gmä. ⁴ Makwam Pita Jon nöbö hogwa mönö wä aku yad nölm+idm+in, nöbö mö nugwön, nöbö mö m+iga mönö wä aku nugw p+mä. Makwam, nöbö mö Jisas nugw pim bla akuyöbö paip tausan (5000) duöña.

⁵ Makwam löum+in, Juda nöbö dib mögöriþ aku nugwid+x m+idm+idmä bla aipam, mönö pî nuöm ñ+g+þ nöbö bla aipam, lo mönö yad nöliþ nöbö bla aipam, Jerusalem piaku hö mögum r+mä. ⁶ God ap höjöpäl ur nöliþ nöbö dib ödöriö Anas

Kaiapas yöjö, yam ñiŋ ada Jon Aleksada yöjö, nöbö yam ñiŋ ada bli kwo aipam hön, mibɪl yöroku mɪdmä. ⁷ Ñiŋ mögum rön yadmɪn, Pita Jon yöjö nöbö hogwa yöliŋ pön hö mibɪl yöroku niŋim, ñiŋ nöbö hogwa yad nugwön yadmä, “Nöbö yödpɪlö gwogwo rön aku pödpöd rɪmɪdmɪn kömö niŋ? Ölsö pikai yöbö pön, ib kai urön, aliö röiŋö?” rɪmä. ⁸ Aliö rɪmɪn, Inöm Leia nuŋ du Pita yuö kwo aja wölmɪn nugugɪrön, nuŋ yadöŋa, “Ñiŋ Juda nöbö dib aipam, mönö pɪ nuöm niŋib nöbö aipam, mönö yadmɪdɪl kɪ nugwi. ⁹ Nöbö liblib rɪbä yödpɪlö gwogwo rön aku rɪmɪdmɪn kömö niŋöŋ aku nugwön, ‘Ñiŋ pödpöd rɪmɪdmɪn kömö niŋö?’ rön, aniŋ mönö diba yadmɪdöiŋ ä? ¹⁰ Makwam, ñiŋ mönö yadɪba rɪmɪdɪl kɪ nugw ri aböña. Isrel nöbö mö bla magalɪg algör nugw ri abiŋ. Jisas Krais nöbö Nasaret yöbö ib nuŋ akwör nugw pön, ib nuŋwa yadmɪn, nuŋ rɪmɪn, nöbö kɪ nugwo aŋadö kömö niŋmɪn, yön ri abmɪda nugwöia. Ñiŋ Jisas Krais nugwo bɪ katlö watlö höñ sö pɪl pal niŋmä, jɪ God rɪmɪn höbkal öbilöŋa. ¹¹ Jisas nugwo rɪbyöx nugwön, God Mönö rɪb i kai kitön yadmä,

Ñiŋ ram urɪb nöbö piaku, rɪg mɪxɪl i, aku rɪg gwogwo, me rön, röböx aku,
wopik ram padö mibɪl yöbö bö pɪn nöl gɪ mɪdö,’ rɪmä.

¹² God nuŋ Jisas ib nuŋ akwör aniŋ yadöŋa nugwön Jisas nuŋwör aniŋ kömö pɪb maga ra. Mögöriɪb il kɪ nöbö hör i aniŋ kömö pɪb maga

mɪdɔl, mɪ wɔhɔ,” rɔŋa.

¹³ Pita Jon nɔbɔ hogwa ɔbɪlɔn ipɔxɔlim; amɪn ɔdɔriɔ akwɔr yadmɪn, nɔbɔ dib piaku nugwɔn aiɔ waiɔ rɔn yadmä, “Nɔbɔ hogw kɪ ñɪŋ skul pɔlim aku, jɪ ñɪŋ Jisas pɪsɪŋ mɪdɔn mag akuyɔbɔ alɔɪŋɔ,” rɪmä. ¹⁴ Nɔbɔ yɔdpɪlɔ gwogwo rɔŋa rɪm kɔmɔ ñɪgɔŋ aku mibɪl ñɪŋ yɔraku mɪdmɪn nugugɪrɔn, ñɪŋ nɔbɔ hogwa mɔnɔ yadɪb maga mɪdɔlɔŋ. ¹⁵ Makwam, ñɪŋ yadmä, “Kansol ram kɪ rɪŋadɔ bɔ du mɪjne,” rɪmä. Rɪŋɔ bɔ du mɪdɪm nugugɪrɔn, ñɪŋ keir yad nugwob nugwob rɔn yadmä, ¹⁶ “Nɔbɔ hogwa kɪ an pɔdpɔd cɪnɪŋ? Ñɪŋ ap rɔlɪbä akuyɔbɔ aku rɪm, Jerusalem nɔbɔ mɔ magalɪg mɔdɔ nugwɔia. Makwam, ñɪŋ nɔbɔ hogwa ap rɔlɪbä akuyɔbɔ i rɔlɔɪŋɔ rɔn yadɪba mɪdɔl. ¹⁷ Jɪ ñɪŋ duɔn, mɔnɔ aku nɔbɔ mɔ rɪgwoŋ bli yadɪŋ, ñɪŋ algɔr nugubä maga ra. Alɪg mɪd aku, an ñɪŋ nɔbɔ hogwa mɔnɔ ɔlɪsɔ yadɔn jajnɪŋa, ‘Jisas ib nuŋwa mai nɔbɔ mɔ bli yad nɔlmɪjeñ, mɪ wɔhɔ,’ cɪnɪŋɔ,” rɪmä.

¹⁸ Aliɔ rɔn, nɔbɔ hogwa yadɪm hɔmɪn yadmä, “Jisas ib aku mai urmɪjeñ; nɔbɔ mɔ bli Jisas mɔnɔ aku yad nɔlmɪjeñ, mɪ wɔhɔ,” rɪmä. ¹⁹ Aliɔ rɪmɪn, Pita Jon yɔŋɔ ñɪŋ painɔ yadmä, “An God mɔnɔ nuŋ aku rɔbɔxɔn, mɔnɔ ñɪŋ aku pɪŋ, God nugwo wä cɔnɪŋɔnɔ wɔhɔ? Ñɪŋ keir nugwi. ²⁰ Makwam Jisas agap bɪlɪm rɔŋ, agɔ mɔnɔ bɪlɪm yadɔŋ aku, an nɔbɔ mɔ akuyɔbɔ ñɪgɔ yad nɔlɔn rɔbɔxɪb maga mɪdɔlɔ,” rɪmä.

²¹⁻²² Aliɔ rɪmɪdmɪn, Kansol nɔbɔ dib piaku rɪb ñɪŋa keir yɔx nugwɔn, ‘Nɔbɔ kɪ kɪm padokwo

padök pañyöbö i höuöiliö hö pɪn du adokwebö mɪj bö (40) mɪdön, wopik kömö nɪg kɪ, nöbö mö bla nugwön magalɪg God nugwo ri ablaŋe rɪmɪdöia. An nöbö hogw kɪ ñɪgö ap i rɪmɪjnɪŋ aku, nöbö mö kɪyöbö ölsö röjõñɪŋö,' rön, ñɪŋ nöbö hogwa hör mönö ölsö yadön, yad abɪm röu dumä.

Nöbö mö Jisas nugw pim piaku God höjöpalmä

²³ Pita Jon ñɪgö nöbö hogwa aliö yad rɪŋö bö abɪm, ñɪŋ du Jisas nöbö mö nuŋ akuyöbö ñɪgö nugwön, God ap höjöpəl ur nölb nöbö dib bla aipam, mönö pɪ nuöm nɪgɪb nöbö bla aipam, agö mönöm yadim aku ñɪgö yad nölmä. ²⁴ Yad nölmɪdmɪn, ñɪŋ nugwön magalɪg God höjöpəlön yadmä, “Naŋ Nöbö Dib pañyöbö mɪdlö. Naŋ adöx yöd röul adö kau sö rɪ nɪgön, mögöriɪb il kɪ rɪ nɪgön, ban yuö diba rɪ nɪgön, ap agap apɪm mɪd piaku magalɪg rɪ nɪgön, rɪ nɪgmö. ²⁵ Maduar ör naŋ rɪman, Inöm Leia nuŋ nöso ana Depid nugwo rɪbyöx nölmɪn, mönö nagö aku yadön yadöŋa, ‘Juda nöbö mö yöi piaku ñɪŋ pödpöd rɪmɪn ölsö rödöi?

Nöbö mö piaku pödpöd rɪmɪn rɪbyöx nugw ri abön wöhö,
mönö adö pañyöbö i yad nɪgön höuöu rɪbi röxg yadöi?

²⁶ Kiŋ mögöriɪb hörɪrör nugwidɪx mɪdöi piaku aipam,
gapman nöbö dib mögöriɪb hörɪrör nugwidɪx mɪdöi piaku aipam,
mönö adö pañyöbö i yad nɪgön yadöia,

“God Nöbö Diba p+saŋ, Mesaia nuŋwa p+saŋ, an ñ+gö p+saŋ nuö nuö pin+ŋö,” röiŋö, röŋa.

²⁷ Kiŋ Herod aipam, gapman nöbö dib Podias Pailot aipam, Juda nöbö mö yöi akuyöbö bli aipam, Isrel nöbö mö bil+ik yöbö bli aipam, Jerusalem yöri+k hön, Mabö Ri Nöli+b Nöbö lei naŋ aku Jisas, Mesaia yad n+gmö akwör, mönö paŋyöbö i yad ödör n+gmä. ²⁸ Makwam nagö Nöbö öli+sö höd ri+b naŋa keir yöx nugwön yadmö, Krai+s nugwo al aliö cöñ+ŋö, ri+mö makwam, ñ+gö ri+b maga n+göŋa; hör aku öli+sö ñ+ŋa m+idölöx. ²⁹ Nöbö Dib, weik an+ŋ mönö öli+sö gwogwo ödöriö yadm+idöi aku, nagö ri+byöx nugwö. Naŋ an+ŋ mabö ri+ nöli+b nöbö mö naŋ bla nugwid+x m+idön, öli+sö nagö an+ŋ nölaŋ, an ipöxöi+n+ŋ; m+i usüsör rön mönö nagö nöbö mö piaku ñ+gö wöxnö yad nöi+n+ŋa. ³⁰ Nöbö mö ap ri+ piaku, nagö raŋ, an Mabö Ri Nöli+b Nöbö lei nagö Jisas ib nuŋwa uri+ŋ, ñ+gö kömö n+gaŋ. Nagö raŋ, an Jisas ib nuŋwa yad+ŋ, ap röli+bä akuyöbö bli, ap nugub nugwöli+bä akuyöbö bli ri+ŋö,” ri+mä.

³¹ Makwam ñ+ŋ God nugwo aliö höjöpälön ri+ gi+r m+id+m nugugi+rön, ram m+idmä aku m+imön röxg pi+m+ŋ, Inöm Leia nuŋ hö yuö ñ+ŋ kwo aja wölm+ŋ ipöxölim; ñ+ŋ m+i usüsör rön God Mönö aku yad nölmä.

Jisas nöbö mö nuŋwa ap nuöm n+g nöli ri abmä

³² Makwam nöbö mö Jisas nugw pim piaku, mönö paŋyöbö i yad ödör n+gön, ri+b paŋyöbö

4:27: Mat 27:1-2; Luk 23:7-11; Apos 3:13

4:28: Apos 2:23

4:29: Epes 6:19 **4:32:** Apos 2:44

yöxön, ap ñiη ap agapim midöη piaku, ap ñiη nigio pañör ör midmïn, ap anör, me rön, nugwölim. ³³ Jisas mönö wä pön dub nöbö piaku, nöbö mö akuyöbö ñigö mönö ususör r+ yadön yadmïdmä, “Jisas nugwo pïl pal nigim, wöröxön öbïlmïn, mämäga ana keir nugwo nugwölïηö,” rïmä. Aliö rïmidmïn, God ñigö magalig mi ödöriö uliöxön pï ri abmïda. ³⁴ Nöbö mö i ap i met wölöη. Nöbö mö mögöriþ mönö ram bli midöη piaku, sim r+ rig pön, ³⁵ Jisas mönö wä pön dub nöbö bla ñigö nölmïdmä. Ñiη piöηö pön, nöbö mö ap midölöη akuyöbö ñigö nuöm nig nölmïdmä.

³⁶ Makwam nöbö Lipai ila yöxip duön yöxim nöbö i ib nuηwa Josep. Mögöriþ nuηwa Saipras yöbö. Nöbö aku nuη nöbö mö bli ñigö mönö höimöliö yadön yad nöli ri abmïn, ñiη nugwön wahax pön rþ wä yöx nugu gör midmidöi makwam, Jisas mönö wä pön dub nöbö bla ib nuηwa Banabas me rïmä. ³⁷ Josep mögöriþ nuηwa i yadmïn, nöbö mö bli wobim nugugirön rig aku rag hö Jisas mönö wä pön dub nöbö akuyöbö ñigö nölöηa.

5

Ananias mönöbö hogwa inakmönö hörmä

¹ Makwam mönöbö wab i midmä. Nöböniηa iba Ananias, möniη nuηwa iba Sapaira. Mönöbö hogwa ñiη mögöriþ ñiη i yadmïn wobmä.

² Wobmïn, Ananias nuη rig aku adöi ñiη keir nuöm nig nigön, adöi pön du Jisas mönö wä

pön dub nöbö bla ñigö nölöŋa. Mönŋa aipam nugwöŋa.

³ Makwam Ananaias riŋ aku aliö rag hö nölmŋn, Pita yadöŋa, “Ananaias, Seten nagö riŋba nölmŋn, naŋ inakmönö hörön yadlö, ‘Mögörŋb woböi riŋa magaliŋ pön höl ki,’ riŋlö. Naŋ anŋ mönö inakmönö höirö aku, Inöm Leia nugwo kwo algör inakmönö höirö. Mögörŋb woböi aku riŋ adöi umadön hölö. ⁴ Mögörŋb aku, mögörŋb nagö. Siŋ ciŋnöb, siŋ riŋlax; röböxnöb, röböxlax. Makwam mögörŋb siŋ riŋman, riŋ wobmä aku, magaliŋ pön hönöb, magaliŋ pön hölax; bli ör pön hönöb, bli ör pön hölax; magaliŋ ram nagö yöraku röböx hönöb, röböx hölax. Aku mönö midölöx. Ji naŋ inakmönö höirö aku, anör inakmönö höröiö; God nugwo kwo algör ör inakmönö höirö. Naŋ pödpöd riŋmŋn mag akuyöbö ailö?” röŋa.

⁵ Pita aliö riŋmŋn, Ananaias nugwön mag akwör hö piŋ miŋgrö bö palön aŋadö wöröxöŋa. Almŋn nugugiŋrön, nöbö mö bla alöŋ mag aku nugwön, ölölö riŋmŋn ipöxmä. ⁶ Ha nöbö bla hön, nöbäpö högi mŋŋ aku ñapŋap uñ wobön, pön du hogw piŋlmä.

⁷⁻⁸ Makwam mönŋa nuŋ nöböniŋ nuŋwa wöröxiŋ pön du hogw piŋlim aku nugwölöŋ. Nuŋ hör metyöbö mag i midön hömŋn, Pita nugwo yadöŋa, “Mögörŋb ñiŋ mönöbö aku siŋ riŋ, riŋ aliö akwör woböi ä?” röŋa.

Aliö riŋmŋn, mönŋa yadöŋa, “Woböi riŋ aku rag hö maku pal,” röŋa.

⁹ Aliö rîmîñ, Pita nugwo yadöŋa, “Ñîñ mönöbö rama pödpöd rîmîñ mönö pañyöbö i yad ödör ñîgön alöi? Nöbö Diba Inöm nuñwa inakmönö höröi aku nugwenîñö, rön, akuyöbö alöi ä? Nugwö! Nöböñanñ wöröxmîñ, pön du hogw pîlöi nöbö bla mîdöi ubalîj il yörîk. Nagö kwo algör pîrag duba rîmîdöiñö,” röŋa.

¹⁰ Aliö rîmîñ nugugîrön, mag mîd akwör, Pita yödpîlö il yöra pîñ mîgrö bö palön wöröxöŋa. Nöböñîñ nugwo pön du hogw pîlim ha nöbö rogw aku hön, möñîññ algör ör mödö aŋadö wöröxöŋ aku nugwön, nugwo pön du nöböñîñ nugwo hogw pîlim yöra pedöx pedöxiö hogw pîlmä.

¹¹ Krai nugw pim nöbö mö bla aipam, nöbö mö bla aipam, ap rîg röŋ aku nugwön, magalîg ölölö rîmîñ ipöxmä.

Ap röliñbä akuyöbö bli hörîrör rîmä

¹² Jisas mönö wä pön dub nöbö akuyöbö möl sö ap röliñbä akuyöbö mîga akwör nöbö mö mîdim mibîl yöra ku rîmîdmä. Makwam nöbö mö God Mönö nugwön Krai nugw pim bla, magalîg hö mögum rîmîdmä God höjöpaliñb rama rîñadö bö “Solomon Ram Bötö” me röi möl aku. ¹³ Nöbö mö piaku bli, Krai nugw pim nöbö mö akuyöbö ñîgö nugumîñ wä röŋa, jî Krai nöbö mö nuñ mîdöi piaku, an pödpödiö du ñîñ pîsañ mögum cîñîñö, rön, ipöxmä. ¹⁴ Makwam öim öim nöbö mö yonñyöbö mîga akwör, Nöbö Diba nugw pön, nöbö mö hödyöbö piaku pîsañ hö ñîgiö ñîgön pañör mögum rîmîdmä. ¹⁵ Jerusalem nöbö mö, Jisas mönö wä pön dub nöbö bla rîmä akuyöbö

nugwön, nöbö mö wöj p+lm+dim bla pön hö ödöi diba pedöx pedöxiö n+gön, köp malö malö yöd n+gön yadmä, “Pita hö duañ, naiö inaua nuñwa ñ+gö palañ, kömö n+gan,” me r+mä. ¹⁶ Nöbö mö hör mögöri+b Jerusalem il yöra m+dim bla, akuyöbö algör nöbö mö ap röñ bla aipam, nöbö mö ragwo as al+g m+dim bla aipam pön hömä. Pön höm+dm+n, ñ+gö r+m, magal+g kömö n+göñja.

Jisas mönö wä pön dub nöbö bla ñ+gö r+ gwogwam rön nag n+gmä

¹⁷ Alm+dm+n, God ap höjöpäl ur nöli+b nöbö dib ödöriö aku aipam, nöbö nugub nuñwa Sadiusi nöbö bla aipam, ñ+iñ ap röli+bä akuyöbö aliö r+iñ ib ana p+n diön+iñö, rön, Jisas mönö wä pön dub nöbö bla ñ+gö nugum+n öli+sö wölöñja. ¹⁸ Ñ+gö öli+sö wölm+n, Jisas mönö wä pön dub nöbö bla ñ+iñ p+ c+c+ n+gön, pön hön gapman adö ñ+gö nölm+n, nag n+gmä. ¹⁹ Nag n+gmä aku, j+ wop akwör p+xmag yuö bö, Nöbö Diba ejol i yad abm+n, hön ubali+ja rödon, ñ+gö yöli+ñ pön r+iñö bö dumä. ²⁰ R+iñö bö pön duön ejola yadöñja, “Ñ+iñ God höjöpäl+b rama du g+rön, nöbö mö bla ñ+gö, God ran öim öim m+i+jöñ mönö mag wä aku magal+g yad nöli ri abne,” röñja.

²¹ Aliö r+m+n, ruö löum+n nugug+rön, ñ+iñ God höjöpäl+b rama duön, ejola yadöñ mag akuyöbö, ñ+iñ ila n+gön nöbö mö bla ñ+gö mönö mag wä aku yad nölmä. Aliö yad nölm+n nugug+rön, God ap höjöpäl ur nöli+b nöbö dib ödöriö aku aipam, nöbö nugub nuñ bla aipam höm+n, mönö p+ nuöm

nigib nöbö bla ñigö magalig wö rimin, hö Kansol diba mögum rim, God höjopalib rama nugwidix midib nöbö bla yad abön yadmä, “Jisas mönö wä pön dub nöbö bla nag nigöl aku weik du yölin pön höne,” rimä. ²² Aliö rimin, God höjopalib rama nugwidix midib nöbö bla klabis ram aku duön nugumın, Jisas mönö wä pön dub nöbö bla midölim. Ñin höuöil hön yadmä, ²³ “An du nugumın, ubalija rig wöl göi akwör midmin, nugwidix midib nöbö bla algör ör ubalij il aku nugugu midöi aku, jı an uba rödon, ram möl yuadö wölu nugumın, nöbö i mi midölö,” rimä. ²⁴ Aliö rimin, God höjopalib rama nugwidix midöi nöbö bla nöbö dib ñin aku aipam, God ap höjopal ur nölib nöbö dib bla aipam, mönö aku nugwön, aliö al aku pödpöd cöninö, rön, rib miga akwör yöx nugumä.

²⁵ Aliö rib miga yöx nugw midim nugugırön, nöbö i hön ñigö yadöna, “Nöbö nag nigim bla, ñin du God höjopalib rama mid girön, nöbö mö mönö yad nölmidöinö,” röna. ²⁶ Aliö rimin, God höjopalib rama nugwidix midib nöbö diba, nöbö nuñ bli ñigö yölinön, Jisas mönö wä pön dub nöbö rama pıba dumä. Duön, Jerusalem nöbö mö kıyöbö anin rig röd paiöñinö, rön, ñigö yadyöxön rölim; tar yölin pön hömä.

²⁷ Jisas mönö wä pön dub nöbö bla ñigö tar yölin pön Kansol hö mögum ri midim mibıl yöra pön höm, God ap höjopal ur nölib nöbö dib ödöriö aku ñigö yadöna, ²⁸ “Ñigö, Jisas mönö mag aku yad nölmıjeñinö, rön, mönö ölsö yadön yadöla

aku, ji yad wöhö nugwön röböxöla. Ñiḡ du Jerusalem nöbö mö ñiḡö magaliḡ Jisas mönö mag aku yad nöḡ ḡiḡrön, anör yad höimöuön yadmidiöia, ‘Ñiḡör Jisas nugwo piḡ pal niḡöiḡö,’ riḡmidöiḡö,” röḡa.

²⁹ Aliö riḡmidmḡn, Pita Jisas mönö wä pön dub nöbö bli piḡsaḡ yadmä, “Nöbö mö mönö yadöi aku pöiniḡ; God mönö nuḡ akwör piḡniḡa! ³⁰ Jisas nugwo biḡ höñ sö piḡ pal niḡiḡm wöröxön aku, ji nöso auso nöbö höjöpalmidim God akwör riḡmḡn, höbkal öbiḡlöḡa. ³¹ Öbiḡlmḡn, God nuḡ riḡmḡn, wölu möḡöriḡb adöx yöd röul adö kau sö yöḡaku duön, God imag mḡriḡx nuḡ adö mḡda. Makwam an nugumḡn, nuḡwör Kiḡ midön, aniḡ kömö pöna. Nuḡ aniḡ Isrel nöbö mö uliöxön, ap kib mag ḡwogwo röḡ aku, pödpöd riḡmḡn aliö alöliḡö, röḡn, röböxiḡ, nuḡ nugwön ap ḡwogwo röḡ aku röböxön, aniḡ kömö pöna. ³² God riḡ aku, an mämäḡ ana keir nugwön, riḡmḡj möḡ ana keir audiöx nugwön, nöbö mö bla ñiḡö yad nöḡmidöla. Nöbö mö God mönö nuḡwa nugw pön riḡḡ yad mag akwör riḡmḡjöñ akuyöbö, God nuḡ Inöm Leia ñiḡö nöḡön, nuḡ ñiḡö kwo algör mönö wä aku yad nöḡ ri abön raḡ nugwöñiḡö,” riḡmä.

³³ Jisas mönö wä pön dub nöbö bla aliö riḡmidmḡn, mönö piḡ nuöm niḡiḡb nöbö hö möḡum riḡ midim yöḡaku öḡisö rödön yadmä, “Ñiḡ mḡ aḡadö piḡ pal niḡniḡö,” riḡmä. ³⁴ Aliö riḡmḡn mönö, miḡiḡ yöḡaku nöbö i midöḡa, ib nuḡwa Gameliel. Nuḡ Perisi nöbö, lo mönö yad nöḡiḡb nöbö ñiḡa

i. Juda n**ö**b**ö** m**ö** magal**ig** nugwo nugum**in** w**ä** r**im**id**ö**na. N**ö**b**ö** aku **ö**b**il**ön yad**ö**na, “N**ö**b**ö** rogw k**i** ñ**ig**ö yad**in** r**in**ö b**ö** r**ö**u du**ñ**. N**i** ñ**ig**ö m**ön**ö i yad n**ö**in**ö**,” r**ö**na. Ali**ö** r**im**in, n**ö**b**ö** adaku yad r**in**ö b**ö** ab**m**ä. ³⁵ N**ö**b**ö** adaku yad r**in**ö b**ö** ab**im** nugug**ir**ön, Gameliel nu**ñ** n**ö**b**ö** Kansol bla ñ**ig**ö yad**ö**na, “Isrel n**ö**b**ö** ruai, ñ**in** n**ö**b**ö** pik ñ**ig**ö ag**ö** mag**im** r**iba** r**im**id**ö**i aku, r**ib**y**ö**x nugw r**i** ab**ö**ña. ³⁶ Ñ**in** nugw**ö**ia, h**öd** Tudas, n**i** n**ö**b**ö** dib me r**ön** yad**m**in, m**ön**ö nu**ñ**wa yad**m**id aku n**ö**b**ö** m**ö** m**ig**a akw**ör**, po hadred akuy**ö**b**ö**, nugw p**im**ä. J**i** mai n**ö**b**ö** bli nugwo p**il** pal n**ig** g**im**, n**ö**b**ö** m**ö** m**ön**ö nugwo nugw p**im**id**im** bla yau h**ör**ir**ör** dum p**ör**öna. ³⁷ Makwam mai, ib ana pim wop aku, alg**ör** Judas n**ö**b**ö** Galili y**ö**b**ö** aku yad**ö**na, ‘An gapman bla p**isa**ñ nu**ö** nu**ö** r**ön**, ñ**in** r**ib**x abn**in**ö,’ r**ö**na. Ali**ö** r**im**in, n**ö**b**ö** m**ö** m**ig**a akw**ör** m**ön**ö nugwo p**ön**, **ö**b**il** gapman p**isa**ñ nu**ö** nu**ö** p**ilm**ä. J**i** m**id**ip du**ön**, n**ö**b**ö** aku nugwo alg**ör** p**il** pal n**ig** g**im**, n**ö**b**ö** m**ö** m**ön**ö nugwo nugw p**im**id**im** bla yau h**ör**ir**ör** dum p**ör**öna. ³⁸ Makwam m**i**, n**i** ñ**ig**ö yad**m**id**la**, n**ö**b**ö** m**ön**ö d**iba** yad**m**id**öl** k**iy**ö**b**ö ñ**in** r**i** gwogwam r**im**ije**ñ**. Ñ**ig**ö h**ör** yad ab**in** du**ñ**. R**ib** ñ**in** keira y**ö**x nugw**ön** r**öi** aku, du dib r**ö**x**ön**in**ö**n**ö** w**öh**ö r**ön** nugw**in** p**in** di**ö**na. ³⁹ J**i** God nu**ñ** yad**m**in r**öi** aku, ñ**in** n**ö**b**ö** Kansol ap i r**ib**ä maga n**igen**. Ñ**in** r**i** gwogwam c**ö**ñ aku, n**ö**b**ö** piaku p**isa**ñ nu**ö** nu**ö** p**e**ñ; God p**isa**ñ nu**ö** nu**ö** p**ö**ñ**in**ö,” r**ö**na.

⁴⁰ Gameliel ali**ö** r**im**in, n**ö**b**ö** Kansol bla r**ig** yad**ö**ñ akuy**ö**b**ö** nugw**ön**, Jisas m**ön**ö w**ä** p**ön** dub

nöbö bla ñigö yadm+n höm+n, naga pi ñigö uplöp palc+x bac+x r+ palön, “Jisas mönö mag aku mai yad nölm+jeñ, m+ wöhö,” rön, ñigö yad ab+m dumä.

⁴¹ Makwam Jisas mönö wä pön dub nöbö bla, an+ñ pödpöd r+m+n aliö alöiñö, rön, nugwölim. God an+ñ Jisas nöbö nuñwa ödöriö, me rön, r+m, an mag akuyöbö alöiñö, rön, Jisas nugwo ri ablañe rön, Kansol dib aku röböxön dumä.

⁴² Duön, öim öim God höjöpal+ñ rama r+ñö yöraku duön, ram ram piaku duön, Jisas nuñ Krai, me rön, mönö wä aku yad nölm+dmä.

6

Ap nuöm ñig nöliñ nöbö akuyöbö m+ñ sö yad ñigmä

¹ M+dm+ñ duön, nöbö mö Jisas nugw pim bla, m+ga magöri r+ g+ m+dmä. Makwam Juda nöbö mö Grik mönö nugwim akuyöbö, Juda nöbö mö Juda mönö yöbö nugwim akuyöbö ñigö yadyöxön yadmä, “Lap wösrö ñ+ñ akuyöbö ñigö r+g, ap mag, ap bla nuöm ñ+g nöli ri aböia, j+ lap wösrö an bla ñigö ap nuöm ñ+g nöli ri abölöiñö,” r+mä. ² Aliö r+m+dm+n, Jisas mönö wä pön dub nöbö akuyöbö möli sö piaku nugwön, nöbö mö Jisas nugw pim bla magal+g wö r+m+n höm+n yadmä, “Haul nöbö mölöu nöbö. An God Mönö yad nölöli mönö aku röböxön, nöbö mö akuyöbö ñigö ap nuöm ñ+g nöiñ+ñ aku, wä ren+m. ³ Makwam, ñ+ñ nöbö akuyöbö m+ñ sö hölu nugwön yad+ñ, an ñ+ñ mabö aku yad ñ+g+ñ, mabö aku cöña. Makwam God

Inöma ñigö aja wölön rɪb wä nöl nöbö piakwör nugwön yad nigõña. ⁴ An piõñö God höjõpal gırön, nöbö mö akuyöbö ñigö God Mönö aku yad nöl gırön mijnñö,” rımä.

⁵ Mönö yadmıdim aku nugumın, ñigö magalıg wä rımın, nöbö akuyöbö mij sö yad nigmä. Nöbö piaku i Stipen. Stipen nuñ God nugw pı gö nigön rımidõña. Inöm Leia nugwo aja wöl gı mıdmıda. I Pilip, i Prokoras, i Naikena, i Timon, i Pamenas, i Nikolas. Nikolas nuñ taun dib Adiok yöbö. Nuñ höd Juda nöbö yöi aku, jı mai Juda nöbö mö rıbyöx nugwım akuyöbö nugw põña. Makwam mai nuñ Jisas nugw põña. ⁶ Nöbö mij sö piaku yad nigön, ñigö pön Jisas mönö wä pön dub nöbö bla mıdim yöra pön höm, ñıñ God höjõpalön, imaga yöcmac ñigö rol sö nigmä.

⁷ Makwam ñıñ God Mönö yad nölmın, dumın nugugırön, Jerusalem nöbö mö mıga akwör Jisas nugw pımä. God ap höjõpal ur nölıb nöbö bla mıga akwör Jisas mönö wä aku nugwön nugw pımä.

Stipen nugwo mönö diba yadmä

⁸ God nuñ Stipen nugwo pı ri abön, ölısö nuñwa nugwo nölmın, Stipen nuñ ap rölıbä piaku, ap nugub nugwölıbä piaku, mıga akwör nöbö mö mıdim mibıl yöra rımidõña. ⁹ Makwam Juda nöbö mö mögöriıb hör hör piakuyöbö bli hön Juda mögum rıb ram i hön, God höjõpalmıdmä; Juda mögum rıb ram aku, “Weik Nag Mıdölöl Ram” me rımidmä. Juda nöbö piaku, bli Sairini taun yöbö, bli taun dib Aleksadria yöbö, bli Silisia

Propins yöbö, bli Esia Propins yöbö. Ñiṅ Stipen rön akuyöbö nugwön, ususör rön nugwo mönō nuō nuō yadmā aku, ¹⁰ jī God Inōma nuṅ Stipen nugwo rīb wā mīda nōlmīn nugugīrōn, Juda nōbö bla nugwo mönō kai yadmā aku, rībyōx nugw ri abōn painō algör ör mönō wā mīd akwör yadmīn, nugwo painō yadīb maga nīgölōṅ.

¹¹ Jī ñiṅ Stipen nugwo yad wöhō nugwön, du nōbö inakmönō hörīb bli ñīgō tar yad ri abmīn, ñiṅ hōn yadmā, “An nugwōla, nōbö kī nuṅ Mosīs mönō kai kītōṅ aku yad hōimōuōn, God nugwo yad hōimōuōn rō,” rīmā.

¹² Ñiṅ inakmönō aku hörmīdmīn, nōbö mö hör piaku nīgōn, mönō pī nuōm nīgīb nōbö bla nīgōn, lo mönō yad nōlīb nōbö bla nīgōn, hōbwab ñīgō aku gwogwo rīmīn, Stipen nugwo mönō diba yadība pōn, Juda Kansol diba mīdim piaku pōn dumā. ¹³ Pōn duōn, nōbö inakmönō hörīb bli alīg pōn hōm, ñiṅ yadmā, “An nugumīn, nōbö kī öim öim God hōjōpalīb ram lei kī aipam yad mönō nīgōn, Mosīs lo mönō kai kītōṅ aku aipam yad mönō nīgōn ra. ¹⁴ Makwam nuṅ mönō i yadmīn nugwōl aku yada, ‘Jisas nōbö Nasaret yöbö aku, mai God hōjōpalīb ram kī hajal abōna. Jisas nuṅ raṅ, Mosīs anīṅ yad nōlōṅ mönō adaku rōbōxōn, mönō yonyöbö pōn mai dinīṅö,’ rō,” rīmā.

¹⁵ Makwam Juda Kansol diba mīdim nōbö bla, Stipen nugwo riō cīx nugugu mīdōn nugumīn, haṅaj māmāg yuō nuṅ adaku ejol haṅaj māmāg yuō rōxg nīgōṅa.

7

Stipen Juda Kansol nöbö dib bla ñigö Kraiss mönö wä aku yad nölöŋa

¹ Ñiŋ mönö inakmönö aku hörim, God ap höjöpäl ur nölib nöbö dib ödöriö aku Stipen nugwo yadöŋa, “Mönö nagö yadöi aku mi yadöiŋönö inakmönö höröi?” röŋa.

² Aliö rimin, Stipen yadöŋa, “Acö nöböhöd nöbö, nugwi! Nöso maduebö ana Ebrahim maduar ör taun dib Haran duölöŋ mag aku, mögörib Mesopotemia midöŋ mag aku, God mil wä keiryöbö aliŋ mid aku nugwo yadöŋa, ³ ‘Mögörib nagö kî rüböxön, nöbö mö nagö bla rüböxön, mögörib hör i ni nagö yabun aku duö,’ röŋa.

⁴ “Aliö rimin, Ebrahim mögörib dib Kaldia midmid yöroku rüböxön, taun dib Haran du midmida. Mai Ebrahim nuö wöroxim, God nuŋ yadmın, Ebrahim nuŋ hö mögörib ñiŋ midöi yörik midmida. ⁵ Wop aku God nuŋ Ebrahim nugwo mögörib möl i yadölöŋ. Hön hör ör midmida. Wop aku Ebrahim ha i yöxölöŋ; hör ör midmida. Ji God nuŋ Ebrahim nugwo yadöŋa, ‘Mai mögörib kî nagö pinö. Halöu ha nagö yöx pön haŋ yöx pön höŋ diön piaku, mögörib kî algör ör pön mijöñiŋö,’ röŋa. ⁶ Makwam God mönö i yadön yadöŋa, ‘Halöu ha nagö yöx pön haŋ yöx pön höŋ diön piaku, du nöbö mö hör mögörib piaku midiŋ, ñigö magaliŋ nag niŋön, mi ri gwogwam rön, nag mabö röxg yad niŋ

giŋ ri+midŋ nugugi+rön, ki+m akuyöbö po hadred (400) yöñöna. ⁷ Makwam nöbö mö ñigö almijöñ akuyöbö, ni piönö painö ñigö ri gwogwam c+na. Nöbö mö naŋ bla, mögöri+b aku röböxön, hö ni höjöpälön ri gör mijöñ mögöri+b ki,' me röŋa. ⁸ Makwam God nuŋ Ebrahim nugwo mönö ölsö ma i yad nigön yadöŋa, 'Halöu ha nagö yöx pön haŋ yöx pön höŋ diön piaku, ñigö nugwid+x mijin makwam, ha kiai hañkapa ri+l uña ödöriŋ,' me röŋa. God aliö ri+m+n, mai Ebrahim ha nuŋwa Aisak nugwo yöx pön hön, wop akuyöbö mij sö midön, wop amñax+b aku ha aku nugwo ri+l uña ödöroŋa. Aisak piönö Jekop nugwo yöx pön höŋa. Jekop nuŋ piönö ha akuyöbö möl sö yöx pön höŋ makwam, an Isrel nöbö mö ila hör+rör midöla.

⁹ "Nöso maduebö an piaku, nöbö höd adö bla piŋniŋ ñiŋa Josep ri+b gwogwo yöx nugum+n, ölsö wölm+n, nugwo pön nöbö adö bli nölm+n, nugwo wobön pön mögöri+b Ijip dumä. Pön dum+n, mid ri abölöŋ, ji God nuŋ Josep röböxölöŋ. ¹⁰ Ömörö diba Josep nugwo hömidöŋ aku, God nuŋ nugwön Josep nugwo nugwid+x mid ri abmidöŋa. God nuŋ Josep nugwo ri+b wä nölon ri+m+n, Ijip Kiŋ Pero, nöbö Josep ki nuŋ ri+byöx nugw ri abön rö, rön, nugwo yad nigm+n, mögöri+b Ijip aipam, ram ap nuŋ bla magaliŋ aipam nugwid+x midm+da.

¹¹ "Mai wop i kiö dib ödöriö aku, mögöri+b Ijip aipam, mögöri+b an Kenan ki aipam höm, nöso an mögöri+b Kenan ki midim bla, ap maga

hölu nugum+in, ap mag n+im+ib i midölm+in, r+ib diba yöxmä. ¹² Makwam nuö ñ+in Jekop mönö i nugwöña, ap mag m+iga mögöri+ib Ijip midöña. Makwam nugwön ha nuñ bla ñ+igö yadm+in, ap mag wob+iba Ijip dumä. ¹³ Du wob pön hön, n+im pörön, iswob wob+iba dumä. Dum+in, p+ign+in Josep ñ+igö yadöña, ‘Nöböhöd nöbö, ñ+in n+ yön+m+m me rön nugwöinönö? N+ haul ñ+in Josep ör,’ me röña. Aliö rim+in, Ijip Kiñ Pero mönö aku nugwön yadöña, ‘Aku Josep haul nöbö nuñ bil+m e!’ röña. ¹⁴ Josep piönö, acö na Jekop, nöbö mö nuñ bla p+isañ yadkap höñ, me rön, mönö yad abm+in, nuö Jekop nöbö mö padokwo padök mös pañ höüiliö hö wölu inösu sö (75) pön p+isañ dumä. ¹⁵ Nuö Jekop aliö alön, mögöri+ib Ijip du midön, wöröxöña. Mid+p duön, nöso nöbö piaku magal+ig wöröx pörmä. ¹⁶ Makwam mai ha ñ+in bla nuö yöd bla hölu rag duön, taun dib Sekem hogw p+ilmä. Nöbäpö hogwaj aku, nöso maduebö Ebrahim, Hemor ha nuñ bla ñ+igö r+ig i nölön woböña.

¹⁷ “Makwam God Ebrahim nugwo höd r+ig c+inö, rön, mönö r+ig yad n+igöñ akuyöbö r+iba rön röñ makwam, nöbö mö an Isrel mögöri+ib Ijip midim akuyöbö, halöu ha yöx+p duön yöx+p höüilmel rön, nöbö mö m+iga midmä. ¹⁸ Nöbö mö an Isrel m+iga akwör midim wop aku, mögöri+ib Ijip aku kiñ yon+yöbö wöxnö n+igöña. Kiñ yon+yöbö aku nöso Josep nugwo nugwölön makwam, ¹⁹ nöbö mö an

7:13: Jen 45:1-4,16 **7:14:** Jen 45:9-11; 46:27 **7:15:** Jen 46:1-7; 49:33 **7:16:** Jen 23:2-20; 33:19; Jos 24:32 **7:17:** Eks 1:7-8 **7:19:** Eks 1:11-22

bla ri gwogwam ödöriö rön, mönö ölisö yadmïn, halöu ha ñiη bla yöx pön hön, riηadö pi blaku abim, ñiη keir midön wöröxmïdmä. ²⁰ Aliö almä aku, ji wop mibil yöroku, mönöbö hogwi ha wä midöy yöx pön hön, ib nuηwa Mosïs me rimä. Ha aku nugwo röun mös paη ram möl piaku umad gim midmïda. ²¹ Mai ha kiai aku nugwo pön du riηadö bö nigim, Pero halöu nuη aku hön, nugwo nugwön, rag du ha ni, me rön, rig urmïdöηa. ²² Nuη mag akuyöbö alön rig urim, Mosïs nuη dib röxmïn, Ijip nöbö mö ñiη agap apim rimïdim aku, nugwo yad nöl ri abmä. Nuη mönö ölisö yadön, mabö usüsör rön rimïdöηa.

²³ “Makwam Mosïs kim nuη akuyöbö padokwo padök paηyöbö i höuöiliö hö pin du adokwebö mij bö (40) yönmin, ni du nöbö mö ni Isrel pia nugwön hönö, röηa. ²⁴ Makwam du nugumin, Ijip nöbö hö Isrel nöbö i nugwo mi göj palmïdöηa. Mosïs nugwön, Isrel nöbö aku nugwo kömö pön, Ijip nöbö aku nugwo aηadö pil pal nigim wöröxöηa. ²⁵ Makwam Mosïs rib nuηwa yöx nugwöηa, ‘Nöbö mö ni Isrel yajöña, “God Mosïs nugwo riba nölmïn, hön anη pi asix abmïn, mid ri aböñiηö,” cöñiηö,’ rön riηbyöx nugwöηa, ji ñiη rib aku yöx nugwölim. ²⁶ Makwam löumin Mosïs duön nugumin, Isrel nöbö mös nuö pilmïdmä. Almïdmïn nugwön yadöηa, ‘Nöbö mig, ñiη hödpiη hogwa midöia; nuö pilmïdöi aku röböxi!’ röηa.

²⁷ “Aliö rimïn, nöbö i nöbö i nugwo palmïdöη aku, Mosïs nugwo pigöür pikwo abön yadöηa,

‘Nagö yönim yadmın, nöbö diba mıdön, anıñ mönö pı nuöm nıgıb nöbö akuyöbö nugwidıx mıdlö?’ ²⁸ Nagö idöm Ijip nöbö aku pıl pal nıgmö aku, weik nı piönö pıl pal nıgıba rımıdlanö ä?’ röña. ²⁹ Aliö rımın, Mosıs nöbö pıl pal nıgıl aku nugwöıñö, rön, bör du mögörib Midian duön, nöbö hör i röxg mıdmıda. Wop mibıl yöraku, nuñ mö pön, ha mös yöx pön höña. ³⁰ Al gırön hör ör mıdmın kım padokwo padök pañyöbö i höüöılıö hö pın du adokwebö mij bö (40) yönöña. Mai wop i Sainai pıda il bö mögörib rıg kap yöra mıdön nugumın, ejol i hön, bı wab pañyöbö i pina nıgmıdön mibıl yöra wöxnö nıgmın nugwöña. ³¹ Almıdmın Mosıs nugwön, ap aku pödpöd rımıdö, rön, du il yöra nugumın nugugırön, Nöbö Diba yadöña, ³² ‘Nöhönıñ maduebö Ebrahim, Aisak, Jekop, God ñıña nı mıdlö,’ röña. Aliö rımın, Mosıs, aku Nöbö Diba akwör yadmıdö, rön, ipöxön gıl gıl rön, ubılön mämäga nugwölöñ.

³³ “Makwam Nöbö Diba Mosıs nugwo yadöña, ‘Mögörib lei ki hö mıdlö aku, yamsö uñ nagö wab aku pı rödü. ³⁴ Ijip nöbö mö bla, Isrel nöbö mö na mögörib Ijip mıdöi akuyöbö ñıgö mı rı gwogwam röi aku nı nugula. Ñıñ imön rımıdöi aku audiöx nugwön, hön ñıgö pı asıx abıba höla. Makwam, nagö höbkal Ijip duö,’ röña.

³⁵ “Isrel nöbö mö höd Mosıs nugwo yadmä, ‘Nagö yön yadmın, nöbö diba mıdön, anıñ mönö pı nuöm nıgıb nöbö akuyöbö nugwidıx mıdlö?’ rımä. Jı mai, God ejol nuñwa yad abmın hön,

7:28: Eks 2:14

7:29: Eks 2:21-22; 18:3-4

7:30: Eks 3:1-10

7:35: Eks 2:14

rɪn yɔn pina nɪgmɪdɔŋ mibɪl aku Mosɪs nugwo wɔxnɔ nɪgmɪn, God nuŋ keir Mosɪs nugwo nɔbɔ dib ñɪŋa mɪdɔn ñɪgɔ kɔmɔ paŋ, me rɔn, yad abɔŋa. ³⁶ Mosɪs Ijip duɔn, ap rɔlɪbɔ akuyɔbɔ bli piaku rɔn, nɔbɔ mɔ nuŋ Isrel bla ñɪgɔ pɔn ban yuɔ dib ‘Paskwolɔ’ me rɔi aku duɔn, ap rɔlɪbɔ akuyɔbɔ bli piaku rɔn, mai Isrel nɔbɔ mɔ yɔlɪŋ pɔn du mɔgɔrɪb rɪg kap mibɪl piaku duɔn, ap rɔlɪbɔ akuyɔbɔ bli piaku rɪ gɪrɔn mɪdmɪda. Al gɪr mɪdɪm mɪdɪm, kɪm akuyɔbɔ padokwo padɔk paŋyɔbɔ i hɔuɔilɔ hɔ pɪn du adokwebɔ mɪj bɔ (40) yɔnɔŋa.

³⁷ “Mosɪs nuŋwɔr nɔbɔ mɔ Isrel ñɪgɔ yadɔŋa, ‘God nuŋ, mɔnɔ nuŋwa yadɪb nɔbɔ i, ha ñɪŋa keir nɔbɔ nɪ rɔxgɪb i, yad aban, ñɪgɔ hɔnɪŋɔ,’ rɔŋa. ³⁸ Mosɪs nuŋ mɔgɔrɪb rɪg kap mibɪl piaku mɪdɔŋa; nuŋ nɔso auso an bla pɪsaŋ mɪdɔŋa; Sainai Pɪd piaku ejol i hɔn Mosɪs nugwo mɔnɔ yad nɔlɔŋa. Mosɪs mɔnɔ aku pɔn an Isrel nɔbɔ mɔ yad nɔiɔnɪŋɔ, rɔn, God nuŋ mɔnɔ kɔmɔ aku Mosɪs nugwo nɔlɔŋa.

³⁹ “Mosɪs mɔnɔ kɔmɔ aku yad nɔlɔŋ aku, jɪ nɔso an bla mɔnɔ aku pɔlim. Ñɪŋ Mosɪs nugwo yad mɔnɔ nɪgɔn, hɔuɔil Ijip duŋɔ, rɔn, rɪb aku yɔxmɔ. ⁴⁰ Ñɪŋ Mosɪs pɪgnɪŋ Eron nugwo yadmɔ, ‘Nɔbɔ nagɔ Mosɪs anɪŋ Ijip yɔbɔ pɔn hɔ aku, nugwo agapɪm rɪ aku an nugwɔlɔl. Makwam, nagɔ anɪŋ ap god akuyɔbɔ bli ran, nɔbɔ an bli god rɪmɪjɪnɔ piaku pɪrag hɔd duŋ, an mai duŋɔ,’ rɪmɔ. ⁴¹ Wop akwɔr, god inakmɔnɔ hɔn kau ha i rɔxg rɪ nɪgɔn,

yöur ap bla pal rag hö höjöpäl ur nölmä. Ñiñ imag ñiña keir ri+mä ap aku nugwön, aku god an, me rön, wahax pi girön ap diba ur nim+mä.
 42 Alm+dm+n, God ñigö röböxön yadöña, ‘Alöi aku, naiö, rön, gupö ap bla amnör höjöpälön mid+iñ,’ me röña. Wop aku ñiñ ap piakwör höjöpalm+dim aku mi, God mönö yad+ib nöbö i God Mönö ri+b i kai kitön yadöña,
 ‘Isrel nöbö mö.

Ñiñ höd ki+m padokwo padök pañyöbö i höuöiliö hö pi+n du adokwebö mij bö (40) mögöri+b ri+g kap mibi+l piaku yönmi+dim wop aku,

hön kau hön sipsip ap bla pal ni höjöpäl ur nölm+idölim.

43 Ñiñ hör ap inakmönö mös ñiñ keir ri ni+gim aku nugwo ap pal höjöpäl ur nölm gir midmi+dmä.

Ap aku, i Molok me ri+mi+dmä;

i gupö röxg ri ni+gön, Repan me ri+mi+dmä.

Ap god inakmönö hogw akwör,

ap uñ rama ur rag yön girön, höjöpäl ur nölm gir midmi+dmä.

Ri midmi+idöi aku, ni ñigö yad abmön,

du nag mijöñ taun dib Babilon sinan adokwöik,’ me röña.

44 “Nöso nöbö an bla mögöri+b ri+g kap mibi+l piaku midim wop aku ap uñ rama pi+rag yönmi+dmä.

Ap uñ ram aku midöñ aku nugwön, God an pi+san midö, rön nugumi+dmä. Ap uñ ram aku, God mönö ri+g yadöñ mag akwör ur ni+g gi+m midöña.

45 Mai nöso nöbö an bla ñiñ ap uñ ram aku Josua

nöso nöbö an bla ñiŋ nölmin pima. Mai, ñiŋ ap uñ ram aku pön hö midmin nugugirön, God nuŋ nöbö mö mögöriþ yörik midim bla höju aböŋa. Ap uñ ram aku midön, midip duön, mai Depid yöx pön hömä. ⁴⁶ Nöso Depid, God nugumin wä röŋ nöbö aku, nuŋ God nugwo yad nugwön yadöŋa, ‘Nagö yöwö ran, ni ram nagö wä i ri nigmon, nagö God Jekop höd höjopalön rig rimid akuyöbö, ram aku mijnaŋö,’ röŋa. ⁴⁷ Aliö rimin, God nuŋ yöwö rölöŋ. Mai Solomon nuŋ God höjopalib rama ur nigöŋa.

⁴⁸ “Makwam God mi bil möx sö mid Nöbö aku, nöbö mö imaga pön ur nigöñ ram bla midenim. God mönö yadib nöbö i mönö aku yadön yadöŋa,

⁴⁹ “Nöbö Diba nuŋ yada,

“Mögöriþ adöx yöd röul adö kau sö yöra

hogw rol kin na aku rola römid gi midön,

mögöriþ il ki yödpilo na röb gi midla.

Ni agö ramim ur nigin, ni hölimmijn?

Ni ram möl kai aŋöi nigin?

⁵⁰ Ap bla magalig imag na keir ri nigöiodö?” rö,
röŋa.

⁵¹ “An keir nugw ri abölinö, rön, ap kib mag gwogwo akwör rön, God Mönö yöxölöi. Nöhönin nöbö rig rimidöi mag akwör röia. Inöm Leia nuŋ ñigö rib wä nölmin nugwöyixa, ji öim wöhö röia. ⁵² Nöhönin nöbö bla, God mönö yadib nöbö bla ñigö magalig ri ajö nigmä. God mönö yadib nöbö maduebö piaku, ‘God Mabö Ri Nölþ Nöbö Wä Ödöriö aku höninö,’ rimä. Ji nöhönin nöbö

7:46: 2Sam 7:1-16

7:47: 1Kin 6:1-38

7:49: Ais 66:1-2

7:51: Ais 63:10

7:52: Mat 23:31

piaku ñiŋ nübö piaku algör ör pîl pal niŋmä. Makwam weik God Mabö Ri Nölb Nübö Wä Ödöriö aku höm, ñiŋ nugwo mönömim nugwön pîl pal niŋmä. ⁵³ God lo mönö nuŋ aku, ejol nuŋ akuyöbö ñigö yad abmin pön höm pimä, ji riŋ yad akuyöbö nugwön rölöiŋö,” röŋa.

Stipen nugwo riŋ röd pal niŋmä

⁵⁴ Stipen mönö aku yadmin nugugirön, ñigö ölsö diba ödöriö wölmän, ajmaga öbix giŋ yuön ölsö rödmä. ⁵⁵ Makwam Inöm Leia nuŋ Stipen aja wöl gi midmin nugugirön, nuŋ laxiö pisö nugwön adöx yöd röul adö kau sö yöraku nugwöŋa, God mil mag wä keiryöbö nuŋwa midöŋa nugwön Jisas nuŋ God imag mirix adö öbil gi midöŋa. ⁵⁶ Stipen nugwön yadöŋa, “Nugwi! Ni nugumidla, adöx yöd röul adö kau sö yöraku uba röd gi mida. Nübö Ha nuŋ aku God imag mirix adö öbil gi midö!” röŋa.

⁵⁷ Stipen aliö rimän, rimij möl ñiŋ aku inŋsö pidixön, rib pia magaliŋ öbilön, mönö bölölö rön mönö diba yadön, ipaliŋ du nuŋ midöŋ yöra dumä. ⁵⁸ Nugwo pi cici niŋgön, pön dumid pön dumid taun dib aku riŋadö bö pön dumä. Nübö nugwo inakmönö hörim bla ölsö rödön, wölij mxiŋ ñiŋ bla pi rödön, ha nübö Sol midöŋ il yöra abim, nuŋ nugwidix midmin nugugirön, ñiŋ Stipen nugwo riŋ röd palmä. ⁵⁹ Nugwo aliö palim nugugirön, Stipen Nübö Dib nugwo wö ri yadön yadöŋa, “Nübö Dib Jisas, inöm na pö,” röŋa. ⁶⁰ Aliö rön, höxmax yuön, wö diba ri yadön

yadöŋa, “Nöbö Dib! Nɪ pɪl pal nɪgmɪdöi kɪ, ap kib mag gwogwo rɪmɪdöi aku nugwön röböxö,” röŋa. Aliö rɪ gɪrön wöröxöŋa.

8

¹ Stipen nugwo rɪg röd pal nɪgim wop aku, Sol il yöra mɪdön, päja yadön wobiö lero röŋa.

Jisas nöbö mö nuŋwa ñɪgö rɪbɪx abɪm, malö malö dumä

Wop akwör, Jerusalem ada ila nɪgön, nöbö mö Jisas nugw pɪmɪdim bla ñɪgö mɪ ödöriö rɪ gwogwam rɪmɪdmä. Almɪdmɪn, nöbö mö Jisas nugw pɪmɪdim bla ñɪŋ magalɪg bör mögöriɪb Judia piaku aipam, mögöriɪb Sameria piaku aipam, malö malö dumä. Makwam Jisas mönö wä pön dub nöbö akuyöbö möl sö piaku ñɪŋör Jerusalem mɪdmä. ² Makwam God Mönö rɪg yad mag akwör rɪmɪdöi nöbö bli, Stipen nugwo mɪ ögwö yöxön, mɪ göj imön, nöbäpö högia pön du hogw pɪlmä. ³ Sol nuŋ piöŋö, nöbö mö Jisas nugw pɪmɪdöi bla rɪ gwogwam ödöriö cɪnö, rön, ram ram rɪ gɪrön, nöbö mö piaku ñɪgö amnör pön pɪxɪp du nag nɪgmɪdöŋa.

Pilip mögöriɪb Sameria duön mönö yad nölöŋa

⁴ Nöbö mö Jisas nugw pɪmɪdim bla bör du mögöriɪb hör piaku piaku mɪdmä. Makwam piaku du mɪdön, Jisas mönö wä aku pön du nöbö mö piaku ñɪgö yad nölmɪdmä. ⁵⁻⁶ Nöbö nagö Pilip nuŋ kwo algör du taun dib i mögöriɪb Sameria yuadö mɪdön, nöbö mö piaku ñɪgö, Mesaia höŋ mönö wä aku yad nölöŋa. Pilip mönö yadöŋ aku

aipam, ap röl+ä akuyöbö röḡ aku aipam nugwön, mönö nuḡ r+ḡ yadöḡ akuyöbö r+m+j pal nugw ri abmä. ⁷ Pilip nuḡ nöbö mö ragwo as aliḡ m+dim piaku m+ga akwör r+m+n, ap piaku aiö rön röu dumä. Nuḡ nöbö mö iḡ wajmag po r+m+n lid p+löḡ bla m+ga akwör aipam, nöbö mö yödp+lö kakabail um n+ḡöḡ bla m+ga akwör aipam, ñ+ḡö r+m+n kömö n+ḡöḡa. ⁸ Alm+n nugug+rön, nöbö mö taun aku höl+mm+dim akuyöbö magaliḡ m+ ödöriö wahax p+mä.

⁹ Makwam taun dib aku nöbö i höl+m m+dm+da, ib nuḡwa Saimon. Nuḡ k+j rön, ap röl+ä akuyöbö bli r+m+n, Sameria nöbö mö bla magaliḡ r+b m+ga ödöriö yöx nugum+dmä. N+ m+ nöbö diba m+dlö, r+m+döḡa. ¹⁰ Saimon nuḡ akuyöbö alm+dm+n, nöbö mö ib m+döḡ piaku aipam, nöbö mö ib m+dölöḡ piaku aipam, Saimon mönö r+ḡ yadöḡ akuyöbö nugwön yadmä, “Nöbö k+ nuḡ god ‘Ölisö Dib’ me röl akwör,” me r+mä. ¹¹ Ap röl+ä akuyöbö piaku öim r+m+döḡa nugwön nöbö mö bla r+b m+ga yöxön, mönö r+ḡ yadm+döḡ akwör nugum+dmä. ¹² Makwam mai Pilip hön, God nöbö mö pön ram nuḡwa adöx yöd röul adö kau sö yöra nugwid+x m+d+ib mönö wä aku aipam, Jisas Kraiss mönö wä nuḡwa aipam, yad nölm+n, nöbö mö bla ñ+iḡ mönö nuḡwa nugw pön, röbö palmä. ¹³ Saimon nuḡ keir algör ör Jisas nugw pön röbö palöḡa. Pilip dum+n, Saimon nugwo mai dum+n nugug+rön, Pilip ap röl+ä r+m+döḡ akuyöbö nugwön, Saimon nuḡ aiö waiö röḡa.

¹⁴ Jisas mönö wä pön dub nöbö bla Jerusalem m+d+m nugug+rön, ñ+ḡö mönö i yadmä, “Sameria

nöbö mö God Mönö nugw pöiñö,” rımä. Ñiñ mönö aku nugwön, Pita Jon ñigö nöbö hogwa yad abim, mögörib Sameria dumä. ¹⁵⁻¹⁷ Duön nugumın, nöbö mö piaku Jisas nugw pim, Nöbö Dib Jisas iba yadön ñigö röbö pal nölmä, jı Inöm Leia nuñ ñigö hölöñ. Makwam, Pita Jon nöbö hogwa, Inöm Leia nuñ ñigö hañ, me rön, höjöpälön, imaga yöcmac ñigö rol sö nigim, Inöm Leia nuñ ñigö pañ pañ höña.

¹⁸ Nöbö hogwa imaga yöcmac ñigö rol sö nigim, God nuñ Inöm Leia nöbö mö piaku ñigö nölöñ aku, Saimon nugwön, ni kwo algör ör cinö, rön, ñigö nöbö hogwa rig yabuön yadöña, ¹⁹ “Rig ki pön, ni ölsö aku nöliñ, ni nöbö mö kai kai imag na yöcmac ñigö rol sö nigmön, ñiñ kwo algör ör Inöm Leia pöñiñö,” röña.

²⁰ Aliö rimın, Pita yadöña, “God ap wä nuñwa hör nöł aku, pödpöd rimın rig wobıba rimıdlö? Rig aku nagö keir pısañ lıdiöna! ²¹ Mabö an röł aku nagö pısañ röinö wöhö. Höbwab rib madmag nagö nugw pimıdlö aku, God nugumın wä röł. ²² Ap kib mag gwogwo cinö, rön, ribyöx nugulö adaku röböxön, God höjöpalmıjın aku, rib gwogwo yöx nugulö aku nugwön röböxbä maga rö,” röña. ²³ Ni nugula, ap wä ñiñ piaku ap ni aliö aliğ mıdöx, me rön, rib gwogwo yöx nugwön, ap kib mag gwogwo rıman dumıda. Makwam, nagö ap kib mag gwogwo rib mag aku, nag mabö rib nöbö röxğ mıdlö.

²⁴ Aliö rimın, Saimon yadöña, “Ñiñ nöbö hogwa Nöbö Diba nugwo höjöpaliñ, ap ni rib maga rö,

rön yadmıdöi aku rölaŋ,” me röŋa.

²⁵ Makwam Pita Jon yöŋö, Jisas ñıgö nöbö hogwa agap apım röŋ mönö aku aipam, Nöbö Dib mönö wä aku aipam, nöbö mö bla ñıgö yad nöl pörön, höuöil Jerusalem duba, ödöi um piaku du gırön, mögörüb Sameria mibıl yöra ram yöj lıgıg agrö mıga akwör nöbö mö piaku ñıgö Jisas mönö wä aku yad nöl gırön dumä.

Pilip nuŋ nöbö İtiopia yöbö i nugwo Jisas mönö wä aku yad nölöŋa

²⁶ Makwam Nöbö Diba ejol i hön Pilip nugwo yadöŋa, “Jerusalem yöbö taun dib Gasa duöi ödöi mıxıl aku duö,” röŋa. ²⁷ Aliö rımın, Pilip ödöi yadöŋ mıxıl aku duön nugumın, nöbö dib i, hön hos pıxıp pön du yönıd ap waba rol sö römıdön, ödöi mıxıl aku dumıdöŋa. Nöbö aku nuŋ kwın Kadaki, mögörüb dib İtiopia nugwidıx mıdöŋ mö aku nugwo mabö rı gırön, rıg nuŋwa nugwidıx mıdmıda. Nuŋ Jerusalem God höjöpalıb ram aku duön höjöpál gırön mıd pörön, ²⁸ höbkal mögörüb İtiopia duön, God Mönö rıb Aisaia kai kıtöŋ aku pön, mämäg nıg nugu gırön dumıdöŋa.

²⁹ Makwam God İnöma Pilip nugwo yadöŋa, “Hos ap waba pıxıp pön dumıd kwo du il höñ yöra duön, nöbö aku pısaŋ duö,” röŋa.

³⁰ God İnöma rıg yadöŋ mag akwör, Pilip ipalıp il höñ yöra duön nugumın, nöbö İtiopia yöbö aku, God mönö yadıb nöbö Aisaia God Mönö rıba kai kıtöŋ aku, mämäg nıg nugu gırön dumıdöŋa. Pilip nugwön yadöŋa, “Naŋ köp mämäg nıg nugu gırön dumıdlö aku, mönö il aku aliö rö, rön, nugumıdlanö wöhö?” röŋa.

³¹ Aliö rîmîñ, nuñ yadöña, “Nöbö mö bli nî yad nöliñ nugwön aku yajîñö,” röña. Aliö rön Pilip nugwo yadöña, “Wöl rol yörîk römîdan an pîsan dunö,” röña. Aliö rîmîñ, Pilip du rol yöra römîdöña.

³² Nöbö aku God Mönö rîba Aisaia kai kîtöñ aku mämäg nîg nugumîdöña. Mönö aku aliö mîda: “Nuñ hön sipsip yöliñ pön du pîl pal nîgöi mag akuyöbö rîg mîdöña.

Hön sipsip ha panö waxmîñ, aiö röl mag akuyöbö,

nuñ algör ör mönö i yadölöñ.

³³ Ap gwogwo i rölöñ aku, jî nugwo inakmönö hörön, rî gwogwam rîmä.

Nugwo anadö pîl pal nîgîm wöröxöñ makwam, mai agö nöböm röxg mîdön,

‘Al aliö rîmîdö,’ cönîñö?” röña.

³⁴ Nöbö dib Itiopia yöbö aku mönö aku nugwön, Pilip nugwo yadöña, “Mönö yadmîd kî, God mönö yadîb nöbö aku nuñ keir yadmîdönö nöbö hör i yadmîdö?” röña. ³⁵ Aliö rîmîñ, Pilip God Mönö rîba mämäg nîg nugwöi akwör ila nîgön yadîp duön duön, Jisas mönö wä aku yad nöl ri aböña.

³⁶ Makwam aliö mönö pîp du gîrön nugumîñ rëbö i mîdöña. Nöbö aku Pilip nugwo yadöña, “Rëbö mîd kî nî rëbö pal nöinanö ö?” röña.

³⁷ Aliö rîmîñ, Pilip yadöña, “Nañ Kraïs nugwo höbwab rîb madmag na mî ödöriö nugw pîlö, rîmîjîñö aku, nî nagö rëbö pal nöinö,” röña. Aliö rîmîñ, nöbö aku painö yadöña, “Jisas Kraïs nuñ God Ha nuñwa mîd aku, nî nugw pîlö,” röña.

³⁸ Aliö rîmîñ, hön hos ap pîxîp pön du yönîb rola römîdön hömîdim aku, hos aku aliğ ödöi yöraku nîğön, rëbö yuö duön, Pilip nöbö aku nugwo rëbö pal nölöña. ³⁹ Al gîrön rëbö pal nölön, rîb yöraku hömîñ nugugîrön, rîb pia Nöbö Dib Inöm nuñwa Pilip nugwo pön, hör möl i pön dumîñ nugugîrön, nöbö dib aku nugwo nugwölöñ. Nuñ piönö mî ödöriö wahax pî gîrön ödöi aku duöña. ⁴⁰ Makwam Nöbö Dib Inöm nuñwa Pilip nugwo pön du mögöriñ Asotas nîgmîñ, nöbö mö mögöriñ piaku taun hörîrör mîdim akuyöbö ñîgö magaliğ Jisas mönö wä aku yad nölîp dumîd dumîd, taun dib Sisaria uröpîñöña.

9

Sol Jisas nugw pöña

¹ Sol nuñ Nöbö Dib mönö wä nugw pön mai dumîdim nöbö mö akuyöbö ñîgö pîl pal nîgîñö, rön, öim mî usüsör rîmîdöña. Wop i nuñ du God ap höjöpâl ur nölîb nöbö dib ödöriö aku nugwo yadöña, ² “Nî köp bli kai kît nölân, nî pön du Juda mögum rîb ram hörîrör mîd taun dib Damaskas duön, ñîgö nöina. Köp aku kai kîtön yajîñö, ‘Taun dib Damaskas yöraku, ñîñ nöbö mö Jisas nugw pöi bli Juda mögum rîb ram bla mîjön aku, Sol nugwo yadîñ, ñîgö nag nîğön, Jerusalem pön han,’ me rön, kai kîtö,” röña. ³ Sol köp aku pön, Damaskas igöp igöp rîmîñ nugugîrön, rîb pia adöx yöd röul adö kau sebö mil maga nugwo aböña. ⁴ Sol hön hos rol sö bokwîr pîm pîñ mîgrö bö bîrmîñ nugugîrön,

mönö i nugwo yadöŋa, “Sol, Sol, ni pödöpöd rîmîŋ öim rî gwogwam rîmîdlö?” röŋa. ⁵ Aliö rîmîŋ, Sol yadöŋa, “Nöbö Dib, nagö yönîmîm?” röŋa.

Aliö rîmîŋ, yadöŋa, “Ni Jisas, ni öim rî gwogwam rîmîdlö akwör yadmîdla. ⁶ Makwam nagö öbîlön, Damaskas duön, nöbö i hön nagö mönö yajön akuyöbö nugwön rane,” röŋa.

⁷ Makwam nöbö Sol pîsaŋ hem bla mönö mag akwör nugwön, nöbö ma aku nugwölön, rîb diba yöxön mönö bli yadölim. ⁸ Makwam Sol öbîlön mämäga ix nugwöŋa, mämäg nuŋwa aŋadö we wölöŋa. Almîŋ, nöbö nuŋ pîsaŋ hem bla inpîlö nuŋwa pön, inröb Damaskas dumä. ⁹ Nugwo aliö mämäga we wölmîŋ, röbö ap mag ap bla nîmölön, wop mös paŋ hör ör mîdöŋa.

¹⁰ Jisas nugw pöŋ nöbö i Damaskas mîdöŋa, ib nuŋwa Ananias. Nöbö aku nuŋ rîba nugwöŋa, Nöbö Dib nugwo yadöŋa, “Ananias!” röŋa.

Nöbö Diba aliö rîmîŋ, Ananias yadöŋa, “Nöbö Dib, ni mîdlö,” röŋa. ¹¹⁻¹² Aliö rîmîŋ, Nöbö Diba yadöŋa, “Sol taun dib Tasas yöbö nöbö aku, God höjöpäl gîrön, rîba nugwa, nöbö Ananias me röi aku nugwo du pî nugumîdmîŋ, mämäg nuŋwa we wölöŋ aku ix nugwa. Nuŋ weik ni höjöpäl gîr mîd Judas ram aku. Makwam, nagö ödöi ‘Ödöriö’ me röi aku duön, Judas ram aku uröpînön ñîgö yadaŋ, ‘Sol nugwo nuguba hömîdlö,’ rane,” röŋa.

¹³ Nöbö Diba aliö rîmîŋ, Ananias yadöŋa, “Nöbö Dib. Ni nugula nöbö mö mîga yadöia, ‘Nöbö Sol aku Jerusalem nagö adö mîdöi nöbö mö akuyöbö ñîgö öim mî rî gwogwam rö,’ röia.

¹⁴ Nuŋ weik Damaskas kî hö aku, God ap höjöpäl

ur nöl+ɓ nōbö dib bla köp bli nugwo nōlm+ɓ, nōbö mö yōn yōn ib nagō yadm+ɓ bɪl sō diōn akuyōbö, ñ+gō nag ñ+g+ɓ, rōn, hō,” rōŋa.

¹⁵ Ananias aliō r+ɓ+ɓ, Nōbö Diba nugwo yadōŋa, “Duō! Nōbö aku mabō bli ñ+ keir nugwo yad ñ+gla. Nuŋ mōnō wā na aku Isrel nōbö mö bla ñ+gō yad nōlōn, Isrel nōbö mö yōi bla ñ+gō yad nōlōn, kiŋ bla ñ+gō yad nōlōn, cōna. ¹⁶ Makwam nuŋ öliŋ hōb diba pōn, ömōrō diba p+ g+rōn, mabō na aku cōna. Aliō alaŋ mōnō ñ+ keir nugwo yad nöl ri abnō,” rōŋa.

¹⁷ Nōbö Diba aliō r+ɓ+ɓ, Ananias dum+ɓ, Sol m+ɓ+ɓ ram aku uröp+ɓ, ram möl yuadō duōn, Sol nugwo yöcmac rol sō imaga ñ+gōn yadōŋa, “Nōböhōd Sol. Nōbö Dib Jisas nagō ödōi mibɪl yöra hōman wōxnō ñ+g+ɓ nugumō aku, ñ+ yad abm+ɓ hōl m+ɓ. Nagō māmāg naŋ iswob ix nugwan, Inöm Leia nuŋ hō yuō nagō bö aja wōlaŋ, me rōn, ñ+ yad ab+ɓ hōl gö,” rōŋa. ¹⁸ Ananias aliō r+ɓ+ɓ nugug+rōn, ap hogwai wab rōxg+ɓ Sol māmāg nugwo pōrōb m+ɓ+ɓ aku, lɪl r+ p+ɓ+ɓ nugug+rōn, r+ɓ pia māmāga ix nugwōŋa. Māmāga nugwōn, öbɪl duōn, rōbö palōŋa. ¹⁹ Sol ap ñ+mōn öli+sō pōŋa.

Sol Damaskas nōbö mö bla ñ+gō Jisas mōnō wā aku yad nōlōŋa

Makwam Sol nuŋ wop bli nōbö mö Jisas nugw pim piaku p+ɓ+ɓ Damaskas m+ɓ g+rōn, ²⁰ Juda mögum r+ɓ ram bla yōnōn, Jisas nuŋ God Ha nuŋwa m+ɓ mōnō wā aku nōbö mö piaku ñ+gō yad

nölöŋa. ²¹ Nuŋ aliö yad nölm+dm+n nugug+rön, ñiŋ nugwön aiö waiö rön yadmä, “Nöbö k+ m+, Jerusalem nöbö mö Jisas nugw pöi piaku ñ+gö r+ gwogwam r+m+d nöbö aku! Weik nöbö mö bli kwo nag n+g pön du, nöbö God höjöpäl ur nöli+b nöbö dib bla ñ+gö nöinö, rön, hö,” r+mä. ²² Makwam Sol Jisas mönö wä aku yad nöli+p duön, Jisas nuŋwör Mesaia aku mönö paxdöriö yadm+n, Juda nöbö Damaskas höli+mm+dim bla mönö i painö yadib maga midölöŋ.

²³ Makwam mai midip duön, Juda ada hö mögum rön, mönö paŋyöbö i yad ödör n+gön yadmä, “Sol nugwo p+l pal n+gn+ŋö,” r+mä.

²⁴ Makwam mönö yadim aku, nöbö i nugwön Sol yad nölöŋa. Taun dib aku, maduar ör r+g kul wob gwogwäbö rim makwam, ubali+j uhöm+döi piaku, Sol nugwo p+l pal n+g+ŋö, rön, mil p+xmag yuö bö lig+n n+gm+dmä. ²⁵ Alm+dmä nugwön Sol nöbö nuŋ bla p+xmag yuö mibi+l kwo nugwo yogw möl dib i piöxön, nag wabi+lön, pön kul mokwac möla r+ŋö bö abön naga p+xiö röböxiö r+m+n p+n du m+grö bö p+nön duöŋa.

Sol Jerusalem du midöŋa

²⁶ Sol Jerusalem duön, nöbö mö Jisas adö midim piaku p+saŋ mi+j+nö, r+m+döŋ aku, j+ ñiŋ nugwön, nöbö k+ Jisas nöbö nuŋ i yöi, aniŋ p+l pal n+g+ba hö, rön, ipöxmä. ²⁷ Alm+dm+n, Banabas nuŋ Sol nugwo pön Jisas mönö wä pön dub nöbö bla midim yöra pön duön, ñ+gö yadöŋa, “Nöbö k+ nugwo nugwön ipöxm+jeñ. Wop i taun dib

9:21: Apos 8:3

9:22: Apos 18:28

9:25: 2Kor 11:32-33

9:26: Gal 1:17-19

9:27: 1Kor 9:1

Damaskas du gırön, ödöi mibıl yöra duön, Nöbö Diba nugwo nugumın, nugwo mönö bli yadöŋa. Mai du Damaskas nöbö mö ñıgö ipöxölön, Jisas mönö wä aku amın ödöriö akwör yad nölö,” röŋa. ²⁸ Banabas aliö rımın, Sol nugwo pım, ñıgö pısaŋ Jerusalem mıdön, taun dib aku yuadö yönön, Jisas mönö wä aku amın ödöriö akwör yad nölmıdöŋa. ²⁹ Makwam Juda nöbö Grik mönö nugwım piaku nugwo pısaŋ mönö nuö nuö yadıp duön, nugwo pıl pal nıgnıŋö, rön, rıb aku yöxmä. ³⁰ Makwam nöbö Jisas nugw pım bli mönö aku nugwön, nugwo yöliŋ pön du taun dib Sisaria duön abım, taun dib Tasas duöŋa.

³¹ Wop mibıl yöraku, mögöriıb Judia, Galili, Sameria piaku, nöbö mö Jisas nugw pım bla mıd ri abmıdmä. İnöm Leia nuŋ ñıgö nugwidıx mıd ri abön, ölısö nölmın nugugırön, ñıŋ usüsör rön, Nöbö Diba nugwo rıbyöx nugu gırön mıdön, nöbö mö bli aipam Jisas mönö wä aku yad nölmın, ñıŋ kwo algör ör Jisas nugw pımä.

Pita Inias nugwo rımın öbıl duöŋa

³² Pita mögöriıb hörırör akuyöbö rıp yön gırön, nöbö mö Jisas nugw pım piaku ñıgö nugw yönmıdöŋa. Aliö nugw yönön, wop i, nöbö mö Jisas nugw pım piaku ñıgö nugunö, rön, ram yöj liglig agrö Lida duöŋa. ³³ Mögöriıb aku nöbö i mıdöŋa, ib nuŋwa Inias. Makwam inŋ wajmag nuŋ bla lid pılmın, yör nuŋ mıd akwör hölım gı mıdım kım akuyöbö amñaxıb sö yönöŋa. ³⁴ Pita nöbö aku nugwo yadöŋa, “Inias. Ap nagö rı aku Jisas raŋ kömö nıgöna. Öbılön, yör nagö aku yöd ri abö,” röŋa. Aliö rımın nugugırön, mag mıd

akwör Inias nugwo kömö nɨgmɨn öbɨlöŋa. ³⁵ Inias öbɨlön alɨp yömɨdöŋa nugugɨrön, ram yøj lɨglɨg agrö Lida nöbö mö piaku aipam, mögöriɨb Seron nöbö mö piaku aipam nugwo nugwön, Nöbö Diba nugwo nugw pɨmä.

Tabita wöröxöŋa, Pita rɨmɨn, öbɨlöŋa

³⁶ Makwam Pita ram yøj lɨglɨg agrö Lida aku mɨdmɨn nugugɨrön, mö Jisas nugw pöŋ i wöröxöŋa igöp taun dib Jopa yöraku. Mö aku ib nuŋwa Tabita. Makwam Grik mönö yadön nugwo Dokas me rɨmɨdöia. Nuŋ nöbö mö piaku ñɨgö nugwidɨx mɨd ri abön, nöbö mö lɨblɨb röŋ akuyöbö mabö rɨ nölmɨdöŋa. ³⁷ Mö aku nugwo ap rɨmɨn mödö wöröxɨm, nugwo röbö pal nölon nöbäpö högia pön wölu ram möl bɨl yöbö sö nɨgmä. ³⁸ Jisas nöbö mö nuŋwa Jopa mɨdim piaku mönö i nugumɨn, Pita hö mɨdöŋa ram yøj lɨglɨg agrö Lida aku. Lida taun dib Jopa il yöra mɨdöŋa, nugwön ñɨŋ nöbö mös ñɨgö yad abɨm, Pita mɨdöŋ yöraku duön mönö ölsö yadön yadmä, “Nagö an pɨsaŋ yadkap han duŋö,” rɨmä. ³⁹ Aliö rɨmɨn, Pita ñɨgö nöbö hogwa pɨsaŋ Jopa uröpɨnmɨn nugugɨrön, nugwo yöliŋ pön Tabita wöröxɨm pön du nɨgim ram möl bɨl yöbö sö wölumä. Yöliŋ pön wölumɨn nugugɨrön, mö wösrö hö mɨdim piaku, mö wöröxöŋ aku höd kömö mɨdmɨd aku, wöliŋ mɨxɨl wöliŋ bli ñɨgö hör nölmɨd piaku, Pita nugwo yabuön, im gɨr mɨdmä.

⁴⁰ Pita nöbö mö hö mɨdim piaku ñɨgö yad rɨŋö bö abön, höxmax yuön, God höjöpəl gɨrön, höuöiliö, nöbäpö högia nugu gɨrön yadöŋa, “Tabita, öbɨlö!” röŋa. Aliö rɨmɨn, Tabita mämäga

ix Pita nugwo nugwön öbɪl römɪdöŋa. ⁴¹ Pita imag wab nuŋwa pön, pɪ pabɪl nölön, mö wösrö piaku aipam, nöbö mö Jisas nugw pim piaku aipam, ñɪgö magalɪg wö rɪm hömɪdmɪn yadöŋa, “Tabita mɪk,” me röŋa. ⁴² Makwam Pita almɪdmɪn, mönö aku Jopa nöbö mö magalɪg nugwön, nöbö mö mɪga akwör Nöbö Diba nugw pɪmä. ⁴³ Makwam Pita nuŋ taun dib Jopa aku, nöbö hön kau uñ mabö rɪmɪd nöbö i pɪsaŋ wop bli uplöp mɪdmɪdöia. Nöbö aku ib nuŋwa Saimon.

10

Ejol i hön Konilias nugwo mönö yadöŋa

¹ Makwam ami nöbö piaku ñɪgö nugwidɪx mɪdmɪd nöbö dib i taun dib Sisaria mɪdmɪda. Ib nuŋwa Konilias. Ami nöbö nuŋ nugwidɪx mɪdmɪdöŋ piaku ñɪgö “Itali Ami Nöbö” me rɪmɪdmä. ² Nöbö dib Konilias aku pɪsaŋ, nöbö mö ram nuŋ piaku pɪsaŋ, God nugw pɪmä. Juda nöbö mö ap ñɪŋ bli mɪdmɪdöl aku, Konilias nuŋ rɪg ap bla amnɪmab nölmɪdöŋa. Makwam nuŋ God nugwo öim höjöpalmɪdöŋa. ³ Wop i naiö pikwo röŋ mag aku, Konilias nuŋ rɪba nugwöŋa, God ejol i hön yadöŋa, “Konilias!” röŋa. ⁴ Aliö rɪmɪn, Konilias ipöxön nugwo riö nugugu mɪdön yadöŋa, “Nöbö Dib, nɪ agamö rɪmɪdlaŋö?” röŋa.

Aliö rɪmɪn, ejol aku nugwo yadöŋa, “Nagö God höjöpälön, nöbö mö lɪblɪb rɪ piaku ñɪgö ap amnɪmab nölön rɪlö aku, God nuŋ wä rɪm nagö uplöpöl. ⁵ Nagö nöbö bli yadaŋ, ñɪŋ du taun dib Jopa duön, nöbö Saimon Pita me röi aku nugwo yadɪŋ haŋ. ⁶ Nuŋ Saimon, nöbö hön kau uñ mabö

rî aku pîsanj mîd ban yuö dib pö yöraku,” me rönja.

⁷ Ejol mönö aku yadön dumîn nugugîrön, Konilias mabö nugwo rî nölmiðim nöbö hogwa aipam, God nugw pön ami nöbö i aipam yadmîn hömîn, ⁸ ñîgö ejol aku mönö agap apîm yadönj aku yad nöl ri abön yad abmîn, Jopa duba dumä.

⁹ Ñîj dumîd dumîd ödöi mibîl yöra hölimîmä. Löumîn dumîd dumîd, naiö mibîl yörkisö mag aku, Jopa igöp igöp rîmä. Mag aku Pita nuj God höjöpaliþa wölu mîdönja ram cölöbö sö. ¹⁰ God höjöpali gîr mîdmîn nugugîrön, nugwo kiö dib ödöriö pîlönja. Makwam nöbö mö bla ap maga urmîdîm nugugîrön, Pita nuj rîba nugwönja. ¹¹ Pita nuj rîba nugwön nugumîn, adöx yöd röul adö kau sö möla rödîm, yogw dib i ñöxîb mîxîl mös mös kwol adöi adöi wabîl gî mîdönj mibîl yöra ku pisö pîn pîn mîgrö il bö pînönja. ¹² Yogw möl bö, hön, urap, döuyö, kas, yöur ap hörîrör piaku magalið mîdönja. ¹³ Mönö i piönjö nugwo yadönja, “Pita, nañ öbîlön ap nîmîb piabö pal nîmö,” rönja.

¹⁴ Aliö rîmîn, Pita painjö yadönja, “Nöbö Dib. Mî wöhö! Pödöpöd rîmîn nîmanö, rön yadlö? An Juda nöbö mö ap mödön röul piaku ap bli mî nîmmîdöiö,” rönja.

¹⁵ Aliö rîmîn, mönö aku iswob yadönja, “Ap agap apîm God ap nîmîb, me rî piaku, ap mödîb me rön yadmîjînö,” rönja.

¹⁶ Alönj aku, wop mös pañ rönja. Mai ap yogw dib aku höuöil adöx yöd röul adö kau sö duönja.

17 Almin, Pita rɪba nugul aku pödpöd cönɪñö, rön, rɪb mɪga yöx nugugu mɪdmɪn nugugɪrön, Konilias nöbö yad abmɪn nugwo yadɪba hem nöbö rogw aku ödöi il yöra höröpɪnmä.

18 Höröpɪn gɪrön yadmä, “Nöbö Saimon Pita yöraku mɪdönö ö?” rɪmä.

19 Pita rɪba nugwa aku rɪbyöx nugu gɪr mɪdmɪn nugugɪrön, God Inöma nugwo yadöŋa, “Nagö nugwö! Nöbö mös paŋ nagö hölu nugup hömɪdöia. 20 Makwam, naŋ öbɪlön yöraku pibö pɪn duö. Nɪ keir ñɪŋ yad abmön hömɪdöia. Makwam, haŋ pɪsaŋ duŋö, rɪmɪdɪŋ mönö, rɪb mɪga yöx nugumɪjɪnö, pɪsaŋ duö,” röŋa.

21 God Inöma aliö rɪmɪn, Pita yör bö pɪn duön nöbö piaku ñɪgö yadöŋa, “Hölup hömɪdöi nöbö aku nɪ mɪk pal. Nɪ mönö i yadɪba höiŋönö?” röŋa.

22 Aliö rɪmɪn, yadmä, “Nöbö dib Konilias, ami nöbö piaku ñɪgö nugwidɪx mɪd nöbö dib aku anɪŋ yad abmɪn höla. Konilias nuŋ God nugw pön, God Mönö rɪg yad mag akuyöbö ra; Juda ada nugwo nugumɪn ñɪgö magalɪg wä ra. Makwam nuŋ rɪb nugwöŋa, God ejol i hön nugwo yadöŋa, ‘Nagö nöbö bli yad aban, du Saimon Pita nugwo yöliŋ pön höŋ, mönö yadmɪjön aku nugwanö,’ rö,” rɪmä.

Pita Konilias rama duöŋa

23 Aliö rɪmɪdmɪn, Pita ñɪgö yadmɪn ram möl yuadö du höliɪmɪmä.

Löumɪn Pita, Jisas nugw pim nöbö Jopa yöbö bli pön, Konilias yad aböŋ nöbö rogw aku pɪsaŋ dumɪd dumɪd ödöi mibɪl yöra höliɪmɪmä.

24 Löumɪn, Sisaria uröpɪnön, Konilias rama

uröp+nmä. Konilias nuŋ Pita höm+idö, rön, nöbö mö nuŋ piaku aipam, haul hödp+g nuŋ piaku aipam, ñ+gö wö r+m hö mögum rön m+dmä. ²⁵ Pita nuŋ duön ram möl yuadö duba r+m+n nugug+rön, Konilias nugwo möigw palön, nugwo nöbö dib, me rön, du yödp+lö il nuŋwa yöra höxmax yuöŋa. ²⁶ Konilias alm+n nugug+rön, Pita nugwo p+ pab+l nölön yadöŋa, “Nagö öb+lö! N+ kwo algör ör nöbö i m+k,” me röŋa.

²⁷ Pita aliö r+m+n, Konilias öb+lm+n nugug+rön, mönö yad g+rön, ram möl yuadö dumä. Duön Pita nugum+n, nöbö mö m+ga akwör hö mögum rön m+dmä. ²⁸ Pita ñ+gö yadöŋa, “Ñ+ŋ keir nugwöia, an Juda nöbö mö hölul r+ ri aböla. Juda nöbö mö yöi akuyöbö p+saŋ yönölöl; ram ñ+ŋa duölöl. Makwam n+ r+b nugumön, God n+ mönö i yadöŋa. Nuŋ mönö yadöŋ aku, n+ nöbö mö bli hölul m+doiŋö, rön, ñ+gö hölul r+bä maga m+döl. ²⁹ Makwam n+ r+b aku yöx nugwön, Konilias mönö yad aböŋ aku nugwön röböxöi; r+g yad aböŋ akwör nugwön höla. Makwam, n+ pödpöd rön yadm+n höl?” röŋa.

³⁰ Pita aliö r+m+n, Konilias yadöŋa, “N+ idöm döŋö ör, weik naiö pikwo r+ mag akuyöbö, ram möl yuadö bö God höjöpäl g+r m+d nugumön, nöbö wöl+j lei ödöriö yömöŋ i hön, m+d+m il yöra öb+l gi m+döŋa. ³¹ Nuŋ n+ yadöŋa, ‘Konilias, nagö God höjöpälön, r+g ap bla nöbö mö ap m+döl piaku ñ+gö amn+mab nölön r+lö aku, God nugwa. ³² Makwam, nöbö bli yad abm+n, taun dib Jopa duön, Saimon ib nuŋwa i Pita röi nöbö aku,

nugwo yölɪŋ pön höŋ. Nuŋ Saimon hön kau uñ mabö rɪ nübö aku pɪsaŋ mɪdöi ban yuö diba pö yöraku,' me röŋa. ³³ Ejol aku nɪ aliö rɪmɪn, nɪ rɪmgör nübö nɪ bli yad abmön, u nagö yölɪŋ pön höi aku, nɪ wä ra. An nübö mö yörɪk God pɪsaŋ mɪdöl aku, Nübö Dib mönö ñigö yad nölö, rön, nagö yad abmɪn hölö aku, wopik anɪŋ yad nölän nugujö," röŋa.

Pita Konilias nübö mö nuŋ bla ñigö mönö yad nölöŋa

³⁴ Konilias aliö rɪmɪdmɪn, Pita yadöŋa, "Nɪ wopik nugula, God nuŋ, nübö il yörɪk yöbö akwör nübö waiö, nübö pad piakuyöbö nübö gwogwo, me rön, nugwöl. ³⁵ Mögöriɪb hörɪrör piakuyöbö, ila hörɪrör piakuyöbö, nübö mö kai kai God nugwo nugwön anau pön, mönö nuŋwa nugwön rɪg yad akuyöbö rɪmɪjõñ piaku, ñigö magalɪg pöna. ³⁶ Makwam God nuŋ anɪŋ Isrel nübö mö mönö wä yad aböŋ aku mödö nugwöia. Nɪ keir pɪsaŋ nɪgiö nɪgön mɪdɪŋ, me rön, God nuŋ Jisas Krai nugwo yad aböŋa. Jisas Krai nuŋwör nübö mö piaku magalɪg Nübö Dib ñɪŋa mɪda. ³⁷ Ñɪŋ keir mödö nugwöia, röbö pal nölɪɪb nübö Jon aku, röbö pal nöl gɪrön, mönö wä aku ila nɪgön, mögöriɪb Galili yad nölöŋa. Aliö rɪmɪn, yadɪp duön, yadɪp duön, nübö mö mögöriɪb Isrel mɪdöi bla magalɪg nugumä. ³⁸ Makwam ñɪŋ mödö nugwöia, Jisas Nasaret yöbö nübö aku, God nuŋ nugwo pɪsaŋ mɪdön, Inöm Leia nugwo nölön, nugwidɪx mɪdmɪn nugugɪrön, öliɪsö nuŋ

10:34: Diut 10:17; Rom 2:11
Mat 3:16; Luk 4:17-21

10:37: Mat 4:12-17

10:38:

akwör pön, mögöriḅ hörirör akuyöbö magaliḡ yön girön, nöbö mö piaku ri ri ab girön, nöbö mö kijaki ñigö riḡmḡn öliöxon midim piaku ñigö riḡmḡn, kömö nigmida.

³⁹ “Makwam Jisas Juda nöbö mö mögöriḅ ñiḡ akuyöbö riḡ yön girön, Jerusalem riḡ yön girön, riḡ röḡ röḡ akuyöbö an mämäg ana keir nugumiḡ aku yadmida. Makwam mai nugwo bḡ höñ sö pil pal nigim wöroxöḡa. ⁴⁰ Wöroxöḡ aku, ji wop mös midön, God riḡmḡn, wop paḡ aku höbkal öbilön, du wöxnö nigmin mämäga ana keir nugumiḡa. ⁴¹ Nöbö mö magaliḡ nugwo mämäga nugwölim. God anḡ nöbö mö yad nigöḡ bla akwör mämäga ana Jisas nugumiḡa. Nuḡ wöroxön öbilmḡn nugugirön, piḡsaḡ midön nigio nigön ap nimön röbö nimimiḡa. ⁴² Jisas anḡ yadöḡa, ‘Mönö wä na aku nöbö mö piaku yad nölon yajöña, “God riḡ yadöḡ mag akuyöbö, mai Jisas nöbö mö kömö miḡjön bla aipam, nöbö mö wöroxön bla aipam, ñigö magaliḡ mönö diba yajönḡö,” cine,’ röḡa. ⁴³ Makwam adaku, God mönö yadḡ nöbö bla magaliḡ Jisas Kraiḡ nugwo yadön yadmä, ‘Nöbö mö bḡl kai Kraiḡ ib ölsö nuḡwa piḡmiḡjön akuyöbö, ap kib mag gwogwo röi aku God nugwön röböxonḡö,’ röḡiḡö,” röḡa.

Juda nöbö mö yöi akuyöbö Inöm Leia piḡmä

⁴⁴ Makwam Pita aliö mönö yadmidiḡn nugugirön, Inöm Leia nuḡ nöbö mö nugugu midim akuyöbö ñigö magaliḡ höḡa. ⁴⁵⁻⁴⁶ Inöm

10:41: Luk 24:42-43; Apos 1:8 **10:42:** Apos 17:31; 1Pit 4:5

10:43: Ais 53:5-6; Jer 31:34; Apos 2:38 **10:44:** Apos 11:15; 15:8 **10:45-46:** Apos 2:4; 19:6

Leia ñigö pöl höm, ñiη aj il höra ñigön mönö il nugwöl+ba ñig girön, God ib nuηwa yadm+in bil sö dum+in, Juda nöbö mö Jisas nugw p+mä Pita p+saη Jopa yöbö hem bla, God Juda nöbö mö yöi akuyöbö ñigö Inöm Leia nölöη aku, me rön, aiö waiö r+mä.

Alm+dm+in Pita yadöηa, ⁴⁷ “God nuη Inöm Leia aniη nölöη aku, weik nöbö mö kiyöbö ñigö kwo algör nöla. Makwam, ñiη röbö yaxn+ηö, r+η, nöbö mö bli ñigö wöhö r+η maga midölö,” röηa. ⁴⁸ Pita aliö rön nöbö nuη bli ñigö yadöηa, “Nöbö mö kiyöbö ñigö Jisas Krai iba urön röbö pal nöine,” röηa. Röbö pal nölm+in nugugirön, ñiη yadmä, “Pita, nagö an p+saη wop ulul mag m+ηi yör+k midane,” r+mä. Aliö r+m+in, wop ul mag m+ηi ñigö p+saη midöηa.

11

Pita Jerusalem dum+in nugwo yadyöxmä

¹ Makwam Jisas mönö wä pön dub nöbö bla aipam, mögöriη Judia nöbö mö Jisas nugw pim bla aipam nugum+in, Juda nöbö mö yöi akuyöbö bli God Mönö nugw p+mä. ² Makwam, mai Pita Jerusalem dum+in, Juda nöbö yöi akuyöbö algör ör uñ ödöröñ+ηö, r+m+döi nöbö piaku, Pita nugwo ölisö rödön yadmä, ³ “Nagö pödpöd r+m+in nöbö uñ ödörölöi piaku ram ñ+ηa duön, ñiη p+saη ap paηör ñigiö ñigön n+m+madö?” r+mä.

⁴ Aliö r+m+im, Pita taun dib Jopa midön r+η nugwöη haiwo aku ñigö yad nöl girön yadöηa,

⁵ “Nɪ taun dib Jopa mɪdɔn, God hɔjɔpal gɪr mɪdɔn, rɪba nugumɔn, adɔx yɔd rɔul adɔ kau sebɔ, yogw dib i ñɔxɪb mɪxɪla akuyɔbɔ mɔs mɔs kwol adɔi adɔi wabɪl gɪ mɪdɔŋa pɪn pɪn il nɪ mɪdɪm yɔra pɪnɔŋa. ⁶ Pɪnmɪn, nɪ yogw aku mɪdɔŋ il yɔra duɔn nugumɔn, hɔn, urap, dɔuyɔ, kas, yɔur ap piaku magalɪg mɪdɔŋa. ⁷ Makwam mɔnɔ i nɪ yadɔŋa, ‘Pita, nagɔ ɔbɪlɔn ap piabɔ pal nɪmɔ,’ rɔŋa.

⁸ “Aliɔ rɪmɪn, nɪ painɔ yadma, ‘Nɔbɔ Dib. Mɪ wɔhɔ! Pɔdpɔd rɪmɪn nɪmɔ rɔn yadlɔ? An Juda nɔbɔ mɔ ap mɔdɪb piaku ap bli nɪmmɪdɔiɔ,’ rɪma.

⁹ “Aliɔ rɪmɔn, mɔnɔ aku iswob yadɔŋa, ‘Ap agapɪm God ap nɪmɪb pi me rɪ piaku, ap mɔdɪb me rɔn yadmɪjɪnɔ,’ rɔŋa. ¹⁰ Alɔŋ aku, wop mɔs paŋ rɔŋa. Makwam mai ap yogw dib aku hɔuɔil adɔx yɔd rɔul adɔ kau sɔ duɔŋa.

¹¹ “Makwam wop akwɔr, nɔbɔ mɔs paŋ ram hɔlɪm gɪ mɪdɪm aku hɔrɔpɪnmɔ. Nɔbɔ piaku nɔbɔ dib Konilias, Sisaria yɔbɔ yad abmɪn, nɪ yɔlɪŋ pɔn duba hɔmɔ. ¹² God Inɔma nɪ yadɔŋa, ‘Rɪb mɪga yɔx nugumɪjɪnɔ; ñɪgɔ pɪsaŋ amɪn duɔ,’ rɔŋa. Aliɔ rɪmɪn, nɪ nɔbɔhɔd Jisas mɔnɔ nugw pɔi nɔbɔ akuyɔbɔ inɔsu sɔ pɔn, ñɪgɔ pɪsaŋ Konilias rama dumɪŋa. ¹³ Urɔpɪnmɪn, Konilias yadɔŋa, ‘Ejol i hɔn nɪ yadɔŋa, “Nɔbɔ bli yadman, taun dib Jopa duɔn, nɔbɔ i Saimon Pita me rɔi aku nugwo yɔlɪŋ pɔn hɔŋ. ¹⁴ Yɔlɪŋ pɔn hɔŋ, nuŋwɔr mɔnɔ bli yad nɔlaŋ, nɔbɔ mɔ ram nagɔ pɪsaŋ mɪdɔi

akuyöbö, God ñigö magalig kömö paŋ, nöbö mö nuŋwa m+jöñ+ŋö,” rö,’ röŋa.

¹⁵ “Konilias n+ aliö r+m+n, n+ ila n+gön mönö yad nölmön nugug+rön, Inöm Leia nuŋ an+ŋ höd höŋ akuyöbö, nöbö mö piaku ñigö algör ör höŋa.

¹⁶ Alm+n, Nöbö Diba an+ŋ höd yadöŋ mönö aku r+byöx nuguma. Nuŋ yadöŋa, ‘Jon ñigö röbö pal nöLöŋ aku, j+ womiöx m+da, God nuŋ ñigö Inöm Leia pal nöiön+ŋö,’ röŋa. ¹⁷ Makwam an Nöbö Dib Jisas Kraiss nugw p+n+ŋ wop aku, God ap wä ödöriö an+ŋ nöLöŋ akuyöbö, ñigö algör ör nöLöŋa. Makwam, n+ pödpöd r+mön God nugwo, ‘Al m+jnaŋö,’ r+löxmö?” röŋa.

¹⁸ Pita aliö r+m+n, nöbö nugwo mönö ölsö yadim bla mönö yadöŋ aku nugwön, mönö ölsö bli kwo yadölim. God iba yadm+n b+l sö dum+n nugug+rön yadmä, “An+ŋör yöi; Juda nöbö mö yöi akuyöbö algör ör, ap kib mag gwogwo röi aku, pödpöd r+m+n aliö alöl+ŋö, rön, nugwo höjöpalm+jöñ aku, nuŋ nugwön, ap kib mag gwogwo röi akuyöbö röböxön, kömö öim m+di+b mag aku ñigö nöiön+ŋö,” r+mä.

Adiok nöbö mö Jisas mönö wä aku nugw p+mä

¹⁹ Makwam Stipen nugwo r+g röd pal n+gim wop mib+l yöroku, Juda nöbö Jerusalem m+dim piaku, nöbö mö Jisas nugw pim akuyöbö ñigö m+ ödöriö r+ gwogwam r+m, ñ+ŋ bör malö malö dumä. Bli bör mögöri+b Pönisia dumä, bli bör röbö wödöböŋ mögöri+b Saipras dumä, bli ipöxön bör taun dib Adiok dumä. Duön, Jisas mönö wä aku

11:15: Apos 2:4 **11:16:** Apos 1:5 **11:18:** Apos 13:48; 14:27

11:19: Apos 8:1-4

Juda n**ö**b**ö** m**ö** y**ö**i akuy**ö**b**ö** ñ**î**g**ö** yad n**ö**l**ö**lim; n**ö**b**ö** m**ö** ñ**î**ŋ keir Juda ada r**ö**d du h**ö**r piaku m**î**dm**î**d**ö**i piakw**ö**r yad n**ö**lm**î**dm**ä**. ²⁰ Makwam n**ö**b**ö** m**ö** Jisas m**ö**n**ö** w**ä** aku nugw pim bla bli Saipras y**ö**b**ö**, bli Sairini taun y**ö**b**ö**, b**ö**r Adiok du**ö**n, N**ö**b**ö** Dib Jisas m**ö**n**ö** w**ä** aku Juda n**ö**b**ö** m**ö** y**ö**i akuy**ö**b**ö** ñ**î**g**ö** yad n**ö**lm**î**dm**ä**. ²¹ N**ö**b**ö** Dib **ö**l**î**s**ö** nuŋ aku ñ**î**g**ö** p**î**saŋ m**î**d**ö**ŋ makwam, n**ö**b**ö** m**ö** akuy**ö**b**ö** ñ**î**g**ö** Jisas m**ö**n**ö** w**ä** aku yad n**ö**lm**î**n, n**ö**b**ö** m**ö** m**î**ga akw**ö**r N**ö**b**ö** Diba nugwo nugw p**î**m**ä**.

²² Makwam Jerusalem n**ö**b**ö** m**ö** Jisas nugw pim akuy**ö**b**ö**, m**ö**n**ö** aku nugw**ö**n, n**ö**b**ö** ñ**î**ŋa Banabas nugwo yad abm**î**n, Adiok du**ö**ŋa. ²³ Banabas nuŋ Adiok ur**ö**p**î**n**ö**n nugum**î**n, God nuŋ n**ö**b**ö** m**ö** piaku **ö**gw**ö** y**ö**x**ö**n r**î**m**î**n, Jisas m**ö**n**ö** w**ä** aku nugw p**î**m**ä**. Makwam, nuŋ wahax p**ö**n, ñ**î**g**ö** m**ö**n**ö** bli kwo yad n**ö**l g**î**r**ö**n yad**ö**ŋa, “N**ö**b**ö** Diba nugwo nugw p**ö**i aku r**ö**b**ö**xm**î**jeñ; nugwo paŋy**ö**b**ö** akw**ö**r h**ö**bwab r**î**b madmag ñ**î**ŋa yu**ö** kwo nugw p**î** c**î**c**î** n**î**g**ö**n, nugwo c**î**r**î**p g**ö**r m**î**jne,” r**ö**ŋa. ²⁴ Banabas nuŋ n**ö**b**ö** w**ä** m**î**d**ö**m. In**ö**m Leia nuŋ h**ö** Banabas yu**ö** kwo aja w**ö**lm**î**d**ö**ŋa. Nuŋ Jisas m**ö**n**ö** w**ä** aku m**î** aŋad**ö** nugw p**ö**ŋa. Nuŋ Jisas m**ö**n**ö** w**ä** aku n**ö**b**ö** m**ö** akuy**ö**b**ö** yad n**ö**lm**î**n, n**ö**b**ö** m**ö** m**î**ga akw**ö**r N**ö**b**ö** Diba nugwo nugw p**î**m**ä**.

²⁵ Banabas n**î** du Sol nugwo p**ö**n h**ö**n**ö**, r**ö**n, taun dib Tasas du**ö**ŋa. ²⁶ Banabas Tasas ur**ö**p**î**n**ö**n, Sol nugwo h**ö**lu nugw**ö**n, y**ö**l**î**ŋ h**ö**u**ö**il Adiok du**ö**n, k**î**m paŋy**ö**b**ö** aku n**ö**b**ö** m**ö** Jisas nugw pim akuy**ö**b**ö** ñ**î**g**ö** Jisas m**ö**n**ö** w**ä** aku yad n**ö**l g**î**r m**î**dm**ä**. Adiok n**ö**b**ö** m**ö** Jisas Krai nugw pim

piaku, ñigö höd ib urön “Krais Nöbö Mö” me rima.

²⁷ Wop mibɪl yöraku, God mönö yadɪb nöbö bli Jerusalem yöbö Adiok dumä. ²⁸ Duön, God Inöma nuɲ nöbö ñiɲ i Agabas nugwo rɪbyöx nölmɪn yadöŋa, “Kiö diba ödöriö mögöriɪb magaliɲ pɪliɪba rɪmidö,” röŋa. Aliö rɪmɪn, rɪg yadöŋ aliar kiö dib ödöriö aku, gapman nöbö dib Klodias nugwidɪx midmɪd wop aku pɪlöŋa. ²⁹ Aliö kiö diba pɪlöŋa nugwön Jisas nugw pim Adiok midmɪdim nöbö mö akuyöbö yadmä, “Nöbö mö Jisas mönö wä aku nugw pöi bli mögöriɪb Judia piaku midɪm nugugirön, ñigö kiö diba wöröxmɪdöi aku, an paɲ paɲ ñigö rɪg bli mögum rön nöinɪŋö,” rima. ³⁰ Aliö rön, rɪg nɪg mögum rön, Banabas Sol yöŋö ñigö nölon yadmä, “Ñiɲ nöbö hogwa rɪg ki pön duön, Krais nöbö mö nuɲwa nugwidɪx midöi nöbö dib akuyöbö ñigö nöinö,” rima.

12

Herod nuɲ Jems nugwo pɪl pal nɪgön, Pita nugwo nag nɪgöŋa

¹ Wop mibɪl yöraku, gapman nöbö dib Herod, nöbö mö Jisas nugw pim akuyöbö bli ñigö rɪ gwogwam rɪ girön, pön du nag nɪgöŋa. ² Herod nuɲ ami nöbö nuɲwa bli yadmɪn, Jon hödnɪɲ nuɲwa Jems nugwo yu mɪxɪl öliɪsö pön aɲadö pɪl pal nɪgɪm wöröxöŋa. ³ Herod yadmɪn aliö almɪn, Juda nöbö mö bla nugwön wahax pɪmä. Ñiñi nɪgmä aku, Herod nugwön ami nöbö nuɲwa bli yadmɪn, Pita aipam nag nɪgɪba dumä. Alim aku,

Juda nöbö mö Bred Is Alig Nımölib wop mibıl yöraku rımä. ⁴ Herod Pita nugwo aliö pön du nag nıgön, ami nöbö akuyöbö padokwo adokwebö amñaxıb bö (16) ñıgö nuöm nıg, igwö wölö igwö wölö nıgön, yadöña, “Mil pıxmag yuö bö nöbö mös mös nugwidıx mıd ri abmıjne,” röña. Herod rıb nuñwa keir nugwön yadöña, “Pasopa wop aku hö dumıjön aku, mai Pita nugwo pön du nöbö mö mıjõñ mibıl yöra duön mönö diba yajnıñö,” rön nugwöña.

⁵ Pita nuñ aliö nag mıdmın nugugırön, nöbö mö Jisas nugw pim piaku Pita nugwo rıbyöx nugwön, ususör rön God höjöpäl gör mıdmä.

⁶ Makwam gapman nöbö dib Herod Pita nugwo mönö diba yajınö, rön, nugwöñ wop akwör pıxmag yuö kwo, Pita nugwo sen mös wabılön, ami nöbö hogwa adöi adöi nugugu mıdmın nugugırön, Pita mibıl bö hölımmıdöña. Ami nöbö bli ubalıja nugugu mıdmä. ⁷ Makwam rıb pia Nöbö Diba ejol nuñ i öbıl gı mıdmın nugugırön, rın pin röxgıb apa du kılábıs rama ram möl yuadö mil aböña. Ejol aku du Pita nugwo höglöma pal nugwön yadöña, “Rımıg öbılö!” röña. Aliö rımın, Pita öbılının nugugırön, sen nugwo wabılın aku yauöña.

⁸ Ejola Pita nugwo yadöña, “Amanö nagö pıx nıgön, yam uñ nagö röbö,” röña. Aliö rımın, Pita ejol rıg yadöñ mag akwör rımın, ejol aku yadöña, “Wölıj mıxıl dib nagö aku yöman, nı pısañ duñö,” röña. ⁹ Aliö rımın, wölıj mıxıl dib nuñwa yömön, ram möl mıdöñ aku röböxön, ejol aku pısañ dumä. Ejol rıg rön aku, Pita

nuŋ yad nugwöŋa, wa, aku riþ nugum+iðilönö, rön nugwöŋa. ¹⁰ Makwam ami nöbö ubaliþ mös miðim bla i höl rön, i aipam höl rön, ubaliþ öliþsö ödöriö ain pön rim ubaliþ riþebö bö aku keir rödm+iñ nugugiñrön, röþ+iñ riþadö dumä. Duön, ödöi mibiþl piaku du giñrön Pita nugum+iñ, ejol aku miðölöŋ.

¹¹ Alöŋ aku nugwön Pita yadöŋa, “Wopik nugw ri abla. Aku Nöbö Dib akwör, ejol nuŋwa yad abm+iñ, hö gapman nöbö dib Herod ni nag öliþsö niþ aku yau aba. Gapman nöbö dib Herod aipam, Juda nöbö mö bla aipam, ap gwogwo ni riþa röi aku, weik ni riþ maga miðölö,” röŋa. ¹² Pita aliö rön, riþbyöx nugw ri abön, nöbö nagö Jon Mak nuöm Maria rama duöŋa. Ram aku nöbö mö miþga akwör hön, God höjöpäl giñ miðmä. ¹³ Pita hön, ubaliþa pal gigu riþm+iñ, halöu Roda, ram aku mabö riþmið halöu aku uba rödiþa höŋa. ¹⁴ Halöu aku ubaliþa hön nugum+iñ, Pita ajmöla akwör yadmiðöŋa. Nuŋ aliö nugwön, wahax pön, uplöb uba rödölöŋ; du nöbö mö akuyöbö ñiþgö yadöŋa, “Pita hö mið riþö bö,” me röŋa.

¹⁵ Aliö riþm+iñ, ñiþ yadmä, “Nagö u piþlön yadmiðlanö,” riþmä. Aliö riþmiðim, nuŋ usüsör rön yadöŋa, “Inakmönö höröi; mi ödöriö yadmiðla. Pita mið riþö bö,” me röŋa. Aliö riþm+iñ yadmä, “Aku inöm nuŋwa hö miðö,” riþmä. ¹⁶ Jiþ Pita nuŋ ubaliþa iswob pal gigu riþm riþm riþm, du uba rödön nugum+iñ, Pita ör miðöŋa nugwön aiö waiö riþmä. ¹⁷ Aiö riþm nugugiñrön, Pita ñiþgö iñ ciþciþmu nölon yadöŋa, “Mönö piþmiþeñ!” röŋa.

Aliö rön, kɪlabɪs rama mɪdmɪn nugugɪrön, God ejol i yad abmɪn hön, nugwo agap apɪm rɪg rön pön höŋ mönö aku ñɪgö yad nöl gɪrön yadöŋa, “Mönö kɪ Jems aipam, nöbö mö Jisas nugw pöi piaku aipam, ñɪgö yad nöine,” rön, hör möl i duöŋa.

¹⁸ Löum yöbö ruö löumɪn nugugɪrön, ami nöbö bla Pita mɪdölön aku nugwön, pödpöd rɪ, rön, yadön yadɪp uhömdmä. Ipöxön, “Mɪkai,” me rön, hölumä aku jɪ nugwölim. ¹⁹ Herod ami nöbö piaku ñɪgö, Pita nugwo rɪmgör hölu nugwön pön höŋ, me rɪmɪn, hölu yualöbön nugumɪn, ñɪgö mönö diba yadön mönö yadmɪn, ami nöbö nuŋwa bli ami nöbö piaku aŋadö pɪl pal nɪgmä.

Herod wöröxöŋa

Mai Herod mögöriɪb Judia röböxön, du taun dib Sisaria mɪdmɪda. ²⁰ Herod du Sisaria mɪdön, taun dib mös Taia Saidon nöbö mö piaku ñɪgö nugumɪn öɪsö wölöŋa. Makwam Taia Saidon nöbö mö hön, nöbö Herod ram nuŋwa nugwidɪx mɪdön nöbö Blastas nugwo im nölön yadmä, “Anɪŋ kiö pɪlɪm, öim hö Herod mögöriɪb nuŋ kɪ ap mag wob rag dumɪdöla aipam. Makwam, öɪsö rödmɪjeñ; an tar nɪgiö nɪgön mɪjnɪŋö,” rɪmä. Aliö rɪmɪn, Blastas nuŋ painö yadöŋa, “Aku mi yadmɪdöiŋö,” röŋa.

²¹ Makwam Herod mönö aku nugwön, wop i mönö yajɪnö, rön, yad nɪgöŋa. Mai yad nɪgöŋ wop aku höm, nuŋ kiŋ adö yömöi akuyöbö wölɪj wä wä ödöriö bla yömön, kiŋ hogw rol nuŋwa rol aku römdön, nöbö mö piaku ñɪgö mönö

yad nölöŋa. ²² Herod mönö aku yad nölmin nugugirön yadmä, “Nöbö i aliö yadmädöl; god i röxg yadmädö,” rima. ²³ Makwam Herod mönö aku nugwön, “N+ mönö akuyöbö yadmijeñ; God ib nuŋ akwör yad+ŋ b+l sö duaŋ,” me rölöŋ. Makwam, Nöbö Dib ejol nuŋwa i yad abmin, hön Herod nugwo rim+n, wöj diba n+gön, mej yaxmin aŋadö wöröxöŋa.

²⁴ Makwam God Mönö aku yad nölmin dumin nugugirön, mögörib akuyöbö hörirör duöŋa.

²⁵ Banabas Sol yöŋö Jerusalem midön, agap r+ba höl aku mödö röl+ŋö, rön, Jon Mak nugwo yö+ŋön höuöil Adiok dumä.

13

Banabas Sol yöŋö mönö yad nöl+ŋ dumä

¹ Taun dib Adiok yöräku God mönö yad+b nöbö bli, God mönö yad nöl+b nöbö bli midmä. Nöbö pi-aku, i Banabas; i Simion. Nöbö Simion aku nugwo Nöbö P+x me rim+dmä. Nöbö i Lusias, nuŋ Sairini taun yöbö. Nöbö i Maneyen, nuŋ Kiŋ Herod nöbö nugub nuŋ i. Nöbö i Sol. ² Makwam wop i ñ+ŋ ap n+mölön, Nöbö Diba akwör höjöpäl gir mid+m nugugirön, Inöm Leia nuŋ ñ+gö yadöŋa, “Ñ+ŋ Banabas Sol yöŋö yad+ŋ, n+ mabö ñ+gö yad n+g+m aku r+ŋ duaŋ,” me röŋa. ³ Inöm Leia aliö rim+n, ñ+ŋ ap mag n+mölön, God höjöpälön, Banabas Sol yöŋö ñ+gö imaga yöcmac sö n+gön, God ñ+gö nöbö hogwa nugwid+x midan, me rön, ñ+gö yad abmä.

4-5 Inöm Leia nuṅ ñigö nugwidix midmin nugugirön, Jon Mak, mabö ana ulul bli ri nolan, me rön, nugwo yolinjon Selusia taun röbö kwol bö duön, biyoja pön, röbö wödobon mögörib Saipras dumä. Duön, taun dib Salamis duön, Banabas Sol yöjö Juda mögum rib ram bla duön, nöbö mö bla ñigö God Mönö yad nölmä. ⁶ Makwam Banabas Sol yöjö nöbö mö Saipras midim piaku ñigö God Mönö yad nölip dumid dumid, taun dib Pepos uröpinön, Juda nöbö i kij cokwöi öimöb rib nöbö i möigw palmä. Nöbö aku ib nuṅwa Ba-Jisas. Nuṅ inakmönö hörön yadöña, “Ni God mönö yadib nöbö i,” me röña. ⁷ Taun dib Pepos aku, Saipras gapman nöbö dib ödöriö midmida, ib nuṅwa Segias Polas. Nöbö aku nuṅ ribyöx nugw ri abmidöña. Nuṅ Banabas Sol yöjö, God Mönö ni yad nölin nugunö, rön, ñigö yadmin hön nugwo God Mönö yad nölmä. Makwam kij cokwöi öimöb rib nöbö aku nuṅ nöbö dib aku nöbö nugub nuṅ i. ⁸ Nöbö Ba-Jisas aku, Grik mönö yadön nugwo Elimas me rimidmä. Banabas Pol yöjö ñin Segias Polas nugwo God Mönö wä aku yad nölmän, nuṅ rimij pal audiöx nugw ri aböña, ji kij öimöb rib nöbö aku nugwön, Banabas Pol mönö gwogwo yadön göj göj yadyöxon, Segias Polas Jisas mönö aku nugw pöninö, rön, nugwo yadöña, “Nöbö hogw aku inakmönö hörmidöi aku nugumjinö,” röña. ⁹ Sol ib nuṅwa i Pol me rimidmä. Inöm Leia nuṅ Pol nugwo yuö kwo aja wölön rib wä nölmän nugugirön, kij öimöb rib nöbö aku nugwo cix nugugu midön yadöña, ¹⁰ “Nagö kijaki ha

yöx pön höŋa; mag gwogwo akwör r+lö. Ap kai kai wä m+đ aku röböxön, nöbö mö akuyöbö ñ+gö inakmönö hörön r+m+đlö. Nagö öim öim Nöbö Diba mönö m+ nuŋ aku pön inakmönö hörön aliö ñ+gm+đlö. Nagö wop kai r+ gwogwam r+m+đlö mag aku röböxnäö? ¹¹ Alm+đlö aku, God raŋ, wop m+đöy mämäg nagö we wölaŋ naiö mila nugwöinaŋö,” röŋa.

Pol mönö aku yadm+n, r+ib pia Ba-Jisas nugum+n, m+jöi p+ wab i mämäg nuŋwa pöröbm+n aŋadö p+xmag guröŋa. Alm+n, nöbö i n+ imaga pön ödöi yabuaŋ, me rön, piö piö r+ gir m+đöŋa. ¹² Banabas Pol yöjö ñ+iŋ Nöbö Diba mönö aku nugwo yad nölm+đm+n aku nugwön, Segias Polas nuŋ aiö röŋa. Makwam, Ba-Jisas r+g röŋ mag aku nugwön, nuŋ Jisas nugw pöŋa.

Banabas Pol yöjö ñ+iŋ taun dib Adiok mögöri+ib dib Pisidia yuadö dumä

¹³ Makwam Pol nöbö nuŋ bla p+saŋ biyöja pön, Pepos röböxön, Pega taun, mögöri+ib Pampilia yöroku dumä. Du m+đön, Jon Mak nuŋ ñ+iŋ nöbö hogwa röböxön höbkal Jerusalem duöŋa. ¹⁴ Ñ+iŋ piöŋö Pega taun röböxön, taun dib Adiok mögöri+ib dib Pisidia yuadö dumä. Du m+đön, Juda God höjöpali+ib wop aku, Juda mögum r+ib rama duön, röm+đ g+ m+đmä. ¹⁵ Juda mögum rama nugwid+x m+đm+đöi nöbö bla öbilön, Moŋis lo mönö kai k+i+öŋ r+iba bli aipam, God mönö yad+ib nöbö piaku kai k+i+im r+ib bli aipam, mämäg ñ+g nugwön nöbö mö m+đim akuyöbö ñ+gö yadmä. Ñ+iŋ mönö yad

pörön, nöbö i yad abim Banabas Pol yöjö römid m+dim yöra duön yadöŋa, “Ha ruai. Nöbö mö kiyöbö nugw p+ib mönö bli m+jön aku, an yad nöliŋ nugunö,” r+mä.

¹⁶ Aliö rim+n, Pol öbilön mönö yad+ba imaga pab+lön yadöŋa, “Ñiŋ Juda nöbö mö bla aipam, Juda nöbö mö yöi God höjöp+al g+r midöi bla aipam, mönö yad+ba rim+d+l ki rim+j pal nugwi. ¹⁷ God nuŋ maduar ör nöso auso nöbö an bla pöŋa. God aku nuŋ Isrel nöbö mö God an pal. Mai ñiŋ mögöri+b Ijip du midmä, God ñigö nugwid+x mid ri abm+n, yöx pön hem halöu ha akuyöbö m+ga midmä. Nöbö dib Pero ñigö dueñiŋö, röŋ aku, j+ God ölisö nuŋ maga rön, ñigö yöliŋ pön höm Ijip riŋadö hömä. ¹⁸ Ñiŋ kim padokwo padök panyöbö i höuöiliö hö p+n du adokwebö m+j bö (40) mögöri+b riŋ kap piaku midön, God mönö rödön ap kib mag gwogwo ususör rim+dmä, j+ God ñigö nugwid+x mid ri aböŋa. ¹⁹ Makwam höd mögöri+b Kenan nöbö mö riŋwon hör+rör akuyöbö m+j sö midm+dmä, j+ God nöbö mö nuŋwa nugwid+x mid ri abön ölisö mag nuŋwa nölm+n, nöbö mö riŋwon hör+rör akuyöbö m+j sö höd m+dm+dim akuyöbö ñigö p+saŋ nuö nuö pön, bli ri+b+x abön bli pil pal nigön, mögöri+b aku ñiŋ anö p+mä. ²⁰ Ñiŋ Ijip midim kim yönöŋa iŋ wödön, mögöri+b riŋ kap piaku midim kim yönöŋa iŋ wödön, nöbö mö ri+b+x abön mögöri+b ñiŋ anö p+m aku midim kim yönöŋa aipam iŋ

13:17: Eks 1:7; 6:6; 12:51**13:18:** Naba 14:34; Diut 1:31-32**13:19:** Diut 7:1; Jos 14:1**13:20:** Jaj 2:16; 1Sam 3:20

wöd+md+im, k+im akuyöbö po hadred pipti (450) yönöŋa.

“Makwam God ñ+gö pön du mögöri+ib Kenan yöraku n+gön, mönö p+ nuöm n+g+ib nöbö bli yad n+gm+n, ñ+gö nugwid+ix m+dm+dmä. Mai God mönö yad+ib nöbö Samuel m+döŋ wop aku,²¹ nöbö mö Isrel bla ñ+iŋ Samuel nugwo yadmä, ‘Nagö kiŋ i yad n+gaŋ, an+iŋ nöbö mö magali+g nugwid+ix m+daŋ,’ me r+imä. Aliö r+im+n, God nuŋ Kis ha nuŋwa Sol nugwo yad n+gm+n, kiŋ ñ+iŋa m+dm+ida. Nöbö aku Benjamin höd+iga yöx+p duön yöx+p duön yöx n+gmä. Sol kiŋ ñ+iŋa m+dm+n, k+im padokwo padök paŋyöbö i höuöiliö hö p+n du adokwebö m+i bö (40) yönöŋa. ²² Makwam mai God nuŋ r+im+n Sol kiŋ m+dölöŋ. God nuŋ Depid kiŋ ñ+iŋa yad n+göŋa. God nuŋ Depid mönö yadön yadöŋa, ‘Höbwab r+ib madmag n+ keir r+ibyöx+il mag akwör, Jesi ha nuŋwa Depid höbwab r+ib madmag nuŋwa algör paŋ r+ib akwör yöxa; ap agap ap+im raŋ, me rön nugun aku, nuŋ paŋ mag akwör cön+iŋö,’ röŋa.

²³ “Makwam God nuŋ r+im+n, Depid halöu ha yöx+im yöx+p höuöilmel rön, Jisas nugwo yöx pön hömä. Makwam, God höd mönö ölisö yad n+göŋ akuyöbö, nuŋ Isrel nöbö mö ñ+gö Kömö P+ib Nöbö i yad aböŋa. ²⁴ Makwam Jisas ila n+gön mabö rölöŋ mag aku, Jon nuŋ hön, Isrel nöbö mö ñ+gö yadöŋa, ‘Ap kib mag gwogwo röi aku, pödpöd r+im+n aliö alöl+iŋö, rön, röböx+iŋ, ñ+gö röbö pal nöinö,’ röŋa. ²⁵ Jon mabö nuŋwa r+ pör+iba

13:21: 1Sam 8:5,19; 10:20-24

13:22: 1Sam 13:14; 16:12; Sam

89:20 **13:23:** 2Sam 7:12-16

13:24: Mat 3:1-2

13:25: Jon

1:20,27

rɪmɪdɔŋ wop mibɪl aku, nɔbɔ mɔ akuyɔbɔ ñɪgɔ yadɔŋa, ‘Ñɪŋ nɪ nɔbɔ kai, me rɔn, rɪbyɔx nugwɔi? Nɔbɔ Dib ɔim pɔx mɪdmɪdɔi nɔbɔ aku, nɪ yɔi. Nɔbɔ aku mai hɔna. Yam uñ nuŋ aku pɪ naga yaub maga mɪdɔlɔ,’ rɔŋa.

²⁶ “Nɔbɔhɔd mɔhɔd nɪ, ñɪŋ bli Ebrahim halɔu ha nuŋwa mɪdɔia; ñɪŋ bli Juda nɔbɔ mɔ yɔi jɪ God hɔjɔpalɔia. Krai nɔbɔ mɔ kɔmɔ pɪb mɔnɔ Jon yad nɔl mɪdmɪd aku, God nuŋ anɪŋ, me rɔn, yadɔŋa. ²⁷ Jerusalem nɔbɔ mɔ bla aipam, nɔbɔ dib ñɪŋ bla aipam, Jisas nuŋ Krai aku hɔ, rɔn nugwɔlim. Jisas nugwo pɪl pal nɪgɪŋ wɔrɔxaŋ, me rɪmɔ aku, God mɔnɔ yadɪb nɔbɔ piaku mɔnɔ kai kɪtim mag akwɔr rɪmɔ. Makwam God hɔjɔpainɔb Juda mɔgum rɪb rama ɔim hɔmɪdɔi aku, ñɪŋ mɔnɔ kai kɪtim mɔnɔ mag aku ɔim ɔim nugumɪdɔia.

²⁸ Ñɪŋ Jisas ap gwogwo i rɔnɔ wɔhɔ, rɔn, hɔlu wɔhɔ nugwɔn, gapman nɔbɔ dib Pailot nugwo yadmɔ, ‘Nagɔ yadaŋ nugwo pɪl pal nɪgɪŋ,’ me rɪmɔ. ²⁹ Makwam God Mɔnɔ rɪg yadɔŋ mag akuyɔbɔ, magalɪg Jisas nugwo rɪmɔ. Mai nɔbɔ mɔ nuŋ bla hɔn, nɔbɔpɔ hɔgia pɪ ɔrɔu pɔn du rɪg mɔl hogw pɪlmɔ. ³⁰ Hogw pɪlim aku, jɪ God rɪmɪn hɔbkal ɔbɪlɔŋa. ³¹ Nuŋ ɔbɪlɔn kɔmɔ mɪdmɪn nugugɪrɔn, nɔbɔ mɔ nuŋ pɪsaŋ Galili yɔbɔ Jerusalem hem piaku, nugwo wop mɪga akwɔr nugwim akuyɔbɔ, wopik Isrel nɔbɔ mɔ ñɪgɔ Jisas mɔnɔ wɔ aku yad nɔlmɪdɔia.

³² “Makwam an nɔbɔ hogwa hɔl kɪ, ñɪgɔ Krai mɔnɔ wɔ aku yad nɔlɪba hɔla. God maduar ɔr

nöso auso nöbö an bla ñigö mönö ölisö yad nigön
 cinö röŋ mönö akwör rıbyöx nugugu midön,
³³ God nuŋ Jisas nugwo pı pabil nölöŋa. Alöŋ aku
 nöso auso nöbö bla nugwölim aku, jı an halöu ha
 yöx nigıb ñıŋ bla wopik nugwöla. Depid nuŋ God
 Mönö Sam rıb aku Wopal agııŋ rıbyöbö kai kitön
 yadöŋa,
 ‘Nagö Ha na.

Nı weik Nauö nagö midlö,’ röŋa.

³⁴ God nuŋ rımın, Jisas öbilöŋ makwam, mai
 wöroxön mıxıñ nuŋwa lıdu pın pal dubä maga
 nigöl. Mönö aku God Mönö rıb mıŋı aliö mıda:
 ‘Nı Depid nugwo mönö lei, mönö ölisö, mönö ma
 yad nigım aku,
 ñıgör nöinö,’ röŋa.

³⁵ Makwam God Mönö rıb mıŋı aliö mıda:

“ ‘Nan Nöbö Leia nagö röböxaŋ,
 mıxıñ nuŋwa lıdu pın pal duölaŋ,’ me röŋa.

³⁶ “Makwam Depid nuŋ God mabö nuŋwa yad
 nigöŋ aku, nöbö mö nuŋwa midmidim wop
 aku rıp duön wöroxöŋa. Makwam Depid nuŋ
 wöroxım, nuö nöhöŋıŋ nöbö ñıgö hogw pılmıdim
 yöra pön du hogw pıım, mıxıñ nuŋwa lıdu pın
 pal duöŋa. ³⁷ Jı God nuŋ rımın öbilöŋ Nöbö aku,
 mıxıñ nuŋwa lıdu pın pal duölöŋ.

³⁸ “Makwam, nöböhöd möhöd nugwi. Jisas
 nuŋ wöroxön öbilöŋ makwam, God ap kib mag
 gwogwo röi aku nugwön röböxön mönö wä aku
 ñıgö yad nölmıdöla. ³⁹ An Juda lo mönö adakwör
 nugwön rımıŋıŋı aku, God ap kib mag gwogwo

röl aku nugw gör mijöna. Ji Jisas pıl pal nıgım wöröxön makwam, an Jisas nugw pımijınıñ aku, God ap kib mag gwogwo röl aku nugwön, röböxön, anıñ nöbö mö kömö wä nı, me cöna.

⁴⁰ Makwam God mönö yadıb nöbö piaku maduar ör rıg yadım mag akuyöbö anıñ alölañ, me rön, rıb aku yöx nugw ri aböña. Ñıñ yadmä,

⁴¹ ‘Ñıñ nöbö mö nı albeñ albeñ nöloi piaku nugwi!

Ñıñ mıdöi mag kı, ap keiryöbö i cına.

Cın ap aku ñıgö höd yadmıjön aku,

ñılöñ nıg yadmıdöiñö, rön, nugwöña.

Makwam, ñıñ aiö waiö rön,

anadö wöröx yöm rı pöcöñıñö!’ röiñö,” röña.

⁴² Pol Banabas yöñö mönö aku yadön, Juda mögum rıb ram aku rıñadö röu dum nugugırön, nöbö mö bla yadmä, “God höjöpaliñ wop maiyöbö aku höuöil hön, mönö aku an bli kwo aipam yad nöinö,” rımä. ⁴³ Nöbö mö mögum rı mıdim ram aku röböxön, hörırör dumın nugugırön, Juda nöbö mö ödöriö bli aipam, nöbö mö piakuyöbö Juda ada nugumıdöi akuyöbö nugw pim nöbö mö bli aipam, Pol Banabas yöñö mai dumä. Pol Banabas ödöi mibıl yöra du gırön, nöbö mö akuyöbö ñıgö yadmä, “‘God anıñ uliöxön pı ri abön rö,’ rön, rıb aku yöx nugu gırön mıjınö,” rımä.

⁴⁴ Makwam Juda God höjöpaliñ wop maiyöbö aku, taun dib aku mıdim nöbö mö akuyöbö magalıg Nöbö Diba mönö nuguba hö mögum rımä. ⁴⁵ Makwam Juda nöbö dib bla, nöbö mö mıga ödöriö hömıdmä aku nugumın, ölsö wölım,

Pol Banabas nöbö hogwa nugwön rīb gwogwo yöxmä. Pol mönö bɪl kai nöbö mö piaku yadön aku nugwo yad höimöuön, ib nunwa yadɪp pɪmag pɪn du nɪgmä. ⁴⁶ Juda nöbö bla almɪdɪm, Pol Banabas yöjö ipöxölim; painjö mönö ölsö yadön yadmä, “God Mönö wä aku ñɪgö Juda nöbö mö höd yadɪjö, rö l aku, jɪ ñɪɲ mönö wä aku pölön, an öim mɪdɪb mag aku nugw pɪb maga mɪdölö, röi aku makwam, wopik Juda nöbö mö yöi akuyöbö ñɪgö yad nöinɪɲa. ⁴⁷ Aku agapɪm: Nöbö Diba anɪɲ yadön mönö aliö yadöɲa,

‘Nɪ yadmön, ñɪɲ Juda nöbö mö yöi akuyöbö ñɪgö
 mil ñɪɲa mɪdön,
 mögöriɪb hörɪrör piaku duɲ,
 nöbö mö bla magalɪg mil maga nugwɪɲ
 nugugɪrön,
 nɪ ñɪgö kömö pɪnö,’ rö,” rɪmä.

⁴⁸ Juda nöbö mö yöi piaku mönö aku nugwön, mɪ ödöriö wahax pön, Nöbö Diba mönö aku mɪ mönö waiö, me rɪmä. Makwam, nöbö mö God, öim öim mɪdɪɲ, me rön, yad nɪgöɲ nöbö mö piaku magalɪg mönö wä aku nugw pɪmä.

⁴⁹ Makwam Nöbö Diba mönö mag aku, mögöriɪb piaku magalɪg yad nölmɪn duöɲa. ⁵⁰ Alön aku, Juda nöbö mö bla nugumɪn ölsö wölɪm, du Adio k mö dib God nugw pim bli aipam, mögöriɪb piaku nugwidɪx mɪdmɪdim nöbö dib bli aipam ñɪgö yadmɪn, ñɪɲ du nöbö mö mɪga akwör pön hön, Pol Banabas yöjö ñɪgö rɪ gwogwam, rön, mögöriɪb ñɪɲ piaku yad rɪjö bö abmä. ⁵¹ Aliö yad rɪjö

13:46: Apos 3:26; 18:6 **13:47:** Ais 49:6 **13:51:** Mat 10:14; Apos 18:6

bö abim, nöbö hogwa ñiŋ Adiok röböx du girön, mönö wä pön hö yad nölöla ñiŋ pölöiŋö, rön, yamsö ñiŋa bicep cep bla pɪlɪl rɪ abön taun dib Aikoniam dumä. ⁵² Makwam Inöm Leia nuŋ Jisas nugw pim nöbö mö piaku yuö kwo aja wölmɪn, ñiŋ mɪ ödöriö wahax pɪ gir mɪdmä.

14

Pol Banabas yöŋö taun dib Aikoniam yönmɪdmä

¹ Pol Banabas yöŋö du taun dib Aikoniam mɪdön, Juda mögum rɪb ram aku duön, mönö yad nö lɪ abim nugugirön, Juda nöbö mö bla ñigön, Juda nöbö mö yöi akuyöbö ñigön, nöbö mö mɪga akwör Jisas nugw pɪmä. ² Makwam Juda nöbö mö bli, Jisas mönö yadmɪdöi aku nugw pöinŋö, rön, duön Juda nöbö mö yöi akuyöbö ñigö mönö nugub nugwölɪbä inakmönö hörmɪdɪm nugwön, ñiŋ Jisas nugw pim nöbö mö akuyöbö ñigö nugumɪn ölisö diba wölöŋa. ³ Jɪ Pol Banabas yöŋö mönö aku nugwön, mögöriɪb aku röböx duölim. Ñiŋ yöra ku ör mɪdön, Nöbö Diba mönö aku usüsör rön wöxnö akwör yad nölmɪdmä. Nöbö Dib nuŋ ñigö nöbö hogwa pɪsaŋ nugwidɪx mɪdmɪn nugugirön, ap röliɪbä akuyöbö bli, ap nugub nugwölɪbä akuyöbö bli rɪmɪdmɪn, nöbö mö bli nugwön yadmä, “Makwam, mönö yadmɪdöi kɪ mör yadmɪdöiŋö,” rön nugumä. ⁴ Makwam Aikoniam nöbö mö piaku asɪx hörɪrör ñigön, yam adöi Juda nöbö mö piaku mönö rɪg yadim akuyöbö nugumɪn, yam adöi Jisas mönö

wä pön dub nöbö bla r+g yadim akuyöbö nugumā. ⁵ Makwam Juda nöbö mö bli n+gön, Juda nöbö mö yöi akuyöbö bli n+gön, nöbö dib ñ+η bla aipam, Pol Banabas yöñö ñ+gö r+ gwogwam rön, r+g röd pal n+gn+ñö, rön, r+β aku yöx nugumā. ⁶ Makwam nöbö hogwa ñ+ηör mönö aku nugwön, bör du taun dib hogwa Listra Debi, mögö+r+β dib Likonia yuadö dumä. ⁷ Duön, piaku r+p yön g+rön, Krai mönö wä aku yad nölm+dmä.

Yöd p+lö gwogwo röh nöbö i, Pol r+m+ñ, kömö n+göña

⁸ Makwam taun dib Listra aku, nuöm nugwo yöx pön höñ wop akwör yödp+lö gwogwo r+m+ñ ödöi yön+m+döl nöbö i m+dm+da. ⁹ Nöbö aku nuñ hö röm+id m+dön, Pol mönö yadm+döñ aku nugw m+döña. Pol nöbö aku nugwo c+x nugugu m+dön r+byöx nugwöña, nöbö k+ti, God n+ rañ kömö n+g+β maga rö, r+ r+byöx nugum+dö, r+ r+byöx nugwöña. ¹⁰ Makwam, Pol nugwo nugwön, ajmöla aj halön yadöña, “Öb+lö!” röña. Aliö r+m+ñ, nöbö aku r+m+gör öb+ilön, yöda röbön duöña.

¹¹ Pol alm+ñ, nöbö mö nugugu m+dim bla mönö yöbö ñ+ηa Likonia mönö aku yadön yadmä, “Nöbö adöx yöd röul adö kau sebö piaku, god mös nöbial röxg n+gön hö yadm+döi k+ti,” me r+mä. ¹² Aliö rön, Banabas nugwo god Sus, me r+mä. J+ti Pol nuñ mönö m+ga akwör yadm+döñ aku, nugwo god Hemis, me r+mä. ¹³ God inakmönö Sus höjöpalm+dim aku, höjöpalm+β rama ur n+gim taun kwol yöra makwam, god inakmönö Sus höjöpalm ur

nölb nöbö dib aku aipam, nöbö mö yöraku m+dim bla aipam, god Sus öim höjöpalm+idöl aku weik hö m+k, me rön, hön kau nöböñ+ñ bli pön, b+ p+p+l wä wä wab bli p+ragön, m+ nöbö mö m+ga hömä.

¹⁴ Makwam Pol Banabas, r+m+dim aku nugwön, wöl+ñ ñ+ñ bla p+ waglöxon, nöbö mö m+ga akwör m+dim mib+l yöra duön yadmä, ¹⁵ “Ñ+ñ pödpöd r+m+ñ alm+idöi? An nöbö hogwa god yöi! Ñ+ñ nöbö mö yöbö m+idöi mag akuyöbö, an kwo algön nör alig m+idöla. An Jisas Krais mönö wä nuñ aku ñ+gö yad nölb+ba höla. God nuñ adöx sö r+ ñ+gön, mögörib il k+ r+ ñ+gön, ban yuö dib aku r+ ñ+gön, ap agap ap+m m+id akuyöbö magalig r+ ñ+gön, röña. An ñ+gö Krais mönö wä aku yad nölb+ñ, hör ap inakmönö hörön höjöpalm+idöi piaku röböxon, God kömö m+id Nöbö akwör höjöpäl g+r m+j+ñö, rön, ñ+gö yadm+idöla. ¹⁶ Makwam höd nöbö mö mögörib hör+rör piaku m+idön, r+ñ ñ+ñ keir nugwön ap hör höjöpalm+dim piaku, God nugwön ñ+gö r+ gwogwam rölöñ. ¹⁷ Makwam ñ+ñ hör m+idölöi; nugwo nugunöb, nugwöña. Nuñ öim öim ñ+gö p+ ösös r+ ri aba. Nuñwör r+m+ñ, ruö p+lm+ñ, ap mag m+ga akwör m+dm+ñ nugug+rön, wahax p+ g+rön ap n+mm+idöia. Makwam, nuñ aliö r+m+id mag aku nugwön, mör God ana m+idö, rön, mödö nugwöy+x,” me r+mä. ¹⁸ Aliö r+m+ñ mönö, j+ nöbö mö piaku ususör rön, nöbö hogw k+ adöx yöd röul adö kau sebö höiñö, rön, hön kau nöböñ+ñ bli pal höjöpäl ur nölb+ba r+m+dim aku nugwön Pol Banabas yöñö hör wöhö r+ öliöxmä.

Pol nugwo rīg rōd palmā

19 Makwam ñiŋ nōbö hogwa taun dib Listra akwör m+dm nugug+rön, Juda ada taun dib Adiok mögöri+b dib Pisidia yuadö m+dm+dim nōbö mö bli aipam, taun dib Aikoniam m+dm+dim nōbö mö bli aipam hön, nōbö mö piaku ñigö inakmönö hörön yadmä, “Nōbö hogwa mönö wä yadm+dölöi; inakmönö hörön yadm+döiŋö,” r+mä. Aliö r+m+dm+n, nōbö mö piaku nugwön, Pol nugwo rīg rōd pal ñigön, nuŋ aŋadö wöröxö, rön, pön p+x+p du rīg kul wob gwogwäbö rim aku r+ŋadö bö abmä. 20 Alm+dm nugwön nōbö mö Jisas nugw pim piaku ñiŋ hö Pol wob yuö ab+m nugug+rön, nuŋ öb+lön taun dib aku höuöil duön duöŋa. Makwam löum Pol Banabas yöŋö Listra rōböxön Debi dumä. 21-22 Pol Banabas yöŋö Debi duön, Jisas mönö wä aku nōbö mö piaku ñigö yad nölm+dm+n, nōbö mö m+g m+ŋa Jisas nugw p+mä. Makwam ñiŋ nōbö hogwa, höd höm+iŋ ödöi akwör duŋö, rön, höuöil Listra, Aikoniam, Adiok mögöri+b dib Pisidia yuadö du g+rön, nōbö mö Jisas mönö wä aku yadm+n nugw pim piaku ñigö iswob yad nöi ri ab g+rön r+p dumä. Ñigö yad nöi ri ab g+r yadmä, “Jisas mönö wä aku rōböxm+jeñ; rīg nugw pöi mag akwör nugw pön m+jöña. Akuyöbö al+iŋ, ñigö ömörö m+ga p+i nöiöña, j+i aku r+i dib diba yöx nugum+jeñ; God an+iŋ pön nugwid+x m+jön+iŋö, rön, usüsör rön, paŋ r+i akwör yöx nugw+iŋ duan,” me r+mä. 23 Aliö rön, cöc hör+rör piaku, nōbö mö Jisas nugw pim bla

nöbö bli nöbö diba m+ɗɗɗ, me rön, mabö aku yad nɗgmä. Aliö alön, ñɗɗ nöbö hogwa ap mag nɗmölön, God höjöpäl gɗrön yadmä, “Nöbö Diba, nöbö kɗyöbö naɗ nugw pöi aku, ñɗgö nugwidɗx mɗdane,” rɗmä.

Pol Banabas yöñö taun dib Adiok, Siria Propins yuadö dumä

²⁴ Pol Banabas yöñö mögöriɗ Pisidia piaku yönɗdön mögöriɗ Pampilia dumä. ²⁵ Pampilia duön, Jisas mönö wä aku nöbö mö Pega taun piaku ñɗgö yad nölön, taun dib Atalia dumä.

²⁶ Atalia duön, biyöja pön, taun dib Adiok, Siria Propins yuadö, höd mɗdön hem yöra höuöil dumä. Ñɗɗ höd duba rɗmɗdim wop aku, Adiok nöbö mö Jisas nugw pim bla God höjöpälön yadmä, “Pol Banabas yöñö mönö wä nagö aku nöbö mö bla ñɗgö yad nölɗba dumɗdöi aku, ñɗɗ nöbö hogwa nugwidɗx mɗd ri abane,” rön, ñɗgö nöbö hogwa yad abɗm, duön Jisas mönö wä aku yad nöl yönɗdmä. ²⁷ Makwam, höbkal Adiok hön, nöbö mö Jisas nugw pim piaku ñɗgö wö rɗmɗn hömɗn, God nuɗ rɗmɗn ñɗɗ agap apɗm rim akuyöbö magalɗ yad nöl ri abmä. Juda nöbö mö yöi akuyöbö mɗga akwör Jisas mönö wä aku nugw pim haiwo aku aipam yad nölmä. ²⁸ Ñɗgö aliö yad nölön, ñɗgö pɗsaɗ wop mɗdöy uplöp mɗdmä.

15

Nöbö dib Jerusalem hö mögum rön mönö yadmä

¹ Makwam nōbö bli mögöriḅ Judia yōbö Adiok hōn, Juda nōbö yōi Jisas nugw pim piaku ñigō yad nōlmā, “Mosıs maduar ör an Juda nōbö mö yadōḡa, ‘Ha kiai yōudōḡdōḡ yōx pōn hō gırōn, rıḷ uña ödöcınō,’ rōḡa. Aku, ñıḡ algör ör uñ ödöreñ aku, God ñigō kömö penıḡö,” rımä. ² Aliö rımıdmın, Pol Banabas yōḡö mönō aku ödöriö yadmıdölöıḡö, rōn, ñigō pısaḡ mönō nuö nuö yadmın duōḡa. Almıdmın, Adiok nōbö mö Jisas nugw pim piaku, nōbö mö ñıḡ keir bli aipam, Pol Banabas nōbö hogwa aipam yad nıḡōn yadmä, “Ñıḡ Jerusalem duön, mönō kı pōn du, Jisas mönō wä pōn dub nōbö bla aipam, Jisas nōbö mö nuḡ bla nugwidıx mıdöi nōbö bla aipam ñigō yad nölıḡ, ñıḡ piōḡö yadıp duön rıḅ kai yōx nugwōñ aku, ñıḡ nugwōn hōuöil hō yadıḡ nugıḡö,” rımä. ³ Aliö rōn, ñigō yad abıḡ, ñıḡ du mögöriḅ Pōnisia mibıl yōra du gırōn, Juda nōbö mö yōi akuyōbö Jisas nugw pim mönō aku yad nōlmın nugugırōn, haul nōbö mölöu nōbö piaku nugwōn magalıḡ wahax pımä. Mögöriḅ Pōnisia aku rōböxōn, ñıḡ duön mögöriḅ Sameria mibıl yōra du gırōn, mönō algör yad nōlmın nugugırōn, haul nōbö mölöu nōbö piaku algör ör nugwōn wahax pımä. ⁴ Makwam ñıḡ mögöriḅ Sameria rōböxōn, duön Jerusalem uröpınmın, nōbö mö Jisas nugw pim bla aipam, Jisas mönō wä pōn dub nōbö bla aipam, Jisas nōbö mö nuḡ piaku nugwidıx mıdim nōbö piaku aipam, ñigō yad wahax pōn, wä hōıḡö, rımä. Aliö rımın, Pol Banabas yōḡö, God nuḡ rımın ap agap bıḷım rımä

akuyöbö magaliḡ ñiḡö yad nöl ri abmä.

⁵ Aliö ri+m+dm+n, Perisi nöbö Jisas nugw pim bla bli öb+lön yadmä, “Juda nöbö mö yöi bla Jisas nugw pi+m+jöñ aku, uñ ödörön, Mosıs lo riḡ yadöḡ yadöḡ mag akwör riḡ,” me ri+mä.

⁶ Aliö ri+m+di+m, Jisas mönö wä pön dub nöbö bla aipam, Jisas nöbö mö nuḡwa nugwid+x m+dm+dim nöbö piaku aipam, mönö aku yad ri ab+iḡö, rön, hö möḡum ri+mä. ⁷ Hö möḡum rön, mönö aku yad+p dum+dm+n nugug+rön, Pita öb+lön yadöḡa, “Nöböhöd nöbö. Ñiḡ nugwöia, höd God an nuöm niḡön, Juda nöbö mö yöi piaku Jisas mönö wä aku nugw piḡ, me rön, ni yad niḡm+n, ni du ñiḡö Kraıs mönö wä aku yad nöl yön+m+dla. ⁸ God yuör+ib madmag ana magaliḡ nugum+d aku, Inöm Leia an+iḡ nölöḡ aku, Juda nöbö mö yöi akuyöbö ñiḡö kwo algör ör nölöḡa. Alöḡ mag aku an nugum+n, nuḡ ñiḡö aipam pi ri aba. ⁹ An+iḡ Juda ada mönö i hör yadön, Juda nöbö mö yöi akuyöbö ñiḡö mönö i hör yadön röi. Ñiḡö kwo algör Kraıs mönö wä aku nugw pim makwam, God nuḡ ap kib mag gwogwo röi pi+xa yuör+ib madmag ñiḡö kwo m+d aku ör+x aböḡa. ¹⁰ God Juda nöbö mö yöi akuyöbö aḡadö pön aliar, ñiḡ pödpöd ri+m+n, inakmönö hörön yadm+döi, ‘Mosıs lo mönö kai kitön riḡ yadöḡ yadöḡ aliar lo ulm+dö i ri+m+jeñ aku, God ñiḡö kömö pen+iḡö,’ ri+m+döi? Hölul ri ri abne, ri+m+döi aku, nöso auso ci+n+iḡö, rön, hör ri+p duiö duön niḡ dumä. An kwo algör ör ci+n+iḡö, rön, hör ri+p duiö duön niḡ duöl

15:7: Apos 10:1-43
11:30; Gal 3:10

15:8: Apos 10:44; 11:15

15:10: Mat

aku, ji wopik Juda nöbö mö yöi Jisas nugw pim bla ñigö, ömörö aku piñ, me rön, yadmıdöi ä? ¹¹ Aku mag wä yöi. Nöbö Dib Jisas anıñ Juda ada uliöxön nugw aku, il pañyöbö akwör makwam, Nöbö Dib Jisas nuñ keir rımın, an nugwo nugw piñ, anıñ kömö pöna. Mag akuyöbö aliar, Nöbö Dib Jisas Juda nöbö mö yöi piaku ñigö uliöxön nugw aku, il pañyöbö akwör makwam, Nöbö Dib Jisas nuñ keir rımın, ñıñ nugwo nugw piñ, ñigö kwo algör ör kömö pönıñö,” röña.

¹² Makwam nöbö mö hö mıdim piaku magalıg mönö i pölim wöhö, tar mıdim nugugırön, Banabas Pol yöñö ñigö haiwo pön, ñıñ nöbö hogwa mögörib hör piaku piaku du gırön, Juda nöbö mö yöi bla Jisas mönö wä aku yad nöł yönımdın nugugırön, God nuñ ap rölıbä akuyöbö, ap nugub nugwölıbä akuyöbö röñ aku, haiwo piaku magalıg ñigö yad nöł ri abmä. ¹³ Makwam nöbö hogwa mönö yad pörım nugugırön, Jems öbilön yadöña, “Nöböhöd nöbö. Mönö yadıba rımdıl kı nugwi! ¹⁴ God nuñ Juda nöbö mö yöi piaku ñigö uliöxön pı ri abön, nöbö mö na keir mıjöñıñö, rön, mödö pöñ aku, Saimon wopik ör mönö yad aku nugwöla. ¹⁵ God röñ aku, God mönö yadıb nöbö piaku maduar ör yadön kai kıtım mag akwör röña. Mönö aku kai kıtön yadmä,

¹⁶ ‘Nöbö Diba nuñ yadmıda,

“Mai ni höbkal hön,
Depid rama waglöx bılöx rı gılx rı pın aku,
ni keir iswob ur gö nıgmön, mı gö nıg gı
mıjöna.

17 Makwam, Juda nōbö mö yōi mögōriḅ hör piaku piaku yōbö,
bli nōbö mö na mijōñiḅ, riḅ bla, ni hōlu nugwōña.

18 Ap agap bḅlim mai cōn aku, ni maduō ib hör i yad niḅma.
Ni Nōbö Dib akwōr aliō yadmḅdlō,” rō,
rōiḅ,” rōḅa.

19 Jems mōnō aku yadōn yadōḅa, “Rḅ na yōx nugul aku, Juda nōbö mö yōi Jisas nugw pōñ akuyōbö, ñḅgō ömōrō bli nōlöiniḅ. 20 Makwam ñḅgō köp kai kiḅ abōn yajniḅa, ‘Nōbö mö bli god inakmōnō piaku nugwo ap hōjōpal ur nōinōb, urap hōn ap bla pōn du palmḅdiḅ, ñiḅ niḅmiḅjeñ. Mö kib nōbö kib riḅmiḅjeñ. Urap hōn ap bla irōpa nag wabiḅlōn piḅxiḅ wōrōxōñ aku, niḅmiḅjeñ. Urap hōn ap bla haña niḅmiḅjeñiḅ, ciniḅa. Mōnō hör i aliḅ yadōiniḅ. 21 Aku agapim: nōso nōbö maduar ör riḅ rim mag akuyōbö, weik kwo algör ör taun piaku piaku magaliḅ, God hōjōpalḅ wop aku Juda mögum riḅ rama du mögum rōn, öim öim Mosiḅ yadōn kai kiḅtōḅ mōnō aku māmāḅ niḅ nugumḅdōiḅ,” rōḅa.

Juda nōbö mö yōi akuyōbö ñḅgō köp kai kiḅ abmā

22 Jems aliō riḅmḅn, Jisas mōnō wā pōn dub nōbö bla niḅgōn, Jisas nōbö mö nuḅ bla nugwidix mḅdim nōbö bla niḅgōn, nōbö mö Jisas nugw pim bla magaliḅ niḅgōn, yadmā, “An nōbö an bli yad niḅḅiḅ, Pol Banabas nōbö hogwa piḅsaḅ Adioḅ duḅ,” me riḅmā. Aliō riḅmḅn, Jisas nōbö mö nuḅ

bla nugwidix midim nöbö hogwa Judas Basabas aipam, Sailas aipam yad nigmä. ²³ Köp i kai kitön, Pol Banabas nöbö bla nölmä. Köp aliö kai kitmä: Nöböhöd nöbö, ñiη midöiη ä?

An haul ñiη, Jisas mönö wä pön dub nöbö bla aipam, Jisas nöbö mö nuηwa nugwidix midöl nöbö bla aipam, ñiη Juda nöbö mö yöi taun dib Adiok aipam, Siria Propins aipam, Silisia Propins aipam midön, Jisas nugw pöi akuyöbö ñigö köp ki kai kit ab midöla. ²⁴ Aku agapim: mönö i höm nugwöla, nöbö mö an kiyöbö bli, aniη yad nugwölöi wöhö, r+ b ñiηa keir akwör yöx nugwön, u ñigö mönö r+ b diba yöxbä mönö bli yad nölmä. ²⁵ Makwam, an nöbö bli an keir yad nig+iη, nöbö madmag yöbö an wä ödöriö Pol Banabas nöbö hogwa mösör yöña. ²⁶ Pol Banabas nöbö hogwa piaku yön+iη, aniη p+ l pal nigöñ+iηö, rön, r+ b aku yöx nugwölöi. Nöbö Dib Jisas Krais mönö wä nuη aku nöbö mö piaku ñigö yad nöliηö, rön, r+ b paηyöbö akwör nugwön, amnör yad nöli ri ab girön yönmidöia. ²⁷ Judas Sailas nöbö hogwa agal ab+ba rimidöla. Ñiη wön köp kai kitmidöl ki mönö adakwör ñigö yad nöli ri aböña. ²⁸ An mögum rön, mönö aku yad+p dum+in nugug+rön, Inöm Leia nuη an r+ b wä nölm+in, köp kai kitön ömörö bli ñigö nölöin+iηö, rön, yad nigöla. Hör mönö mösör yajniηö, rön, yad nigöla. ²⁹ Nöbö mö bli god inakmönö piaku nugwo ap höjöp+al ur nöinöb, urap hön ap bla

pön du palmidɨŋ, ñɨŋ nɨmmɨjeñ. Urap hön ap bla haña nɨmmɨjeñ. Urap hön ap bla iröpa nag wabɨlön pɨxɨŋ wöröxöñ aku, nɨmmɨjeñ. Mö kib nöbö kib rɨmɨjeñ. Ap yadmɨdöl kɨ rüböxöñ aku, rɨ ri aböña.

Yadöl mönö aku maku. Ñɨŋ mɨd ri aböña.
Köp kai kɨtim aku maku pal.

³⁰ Köp aku kai kɨtön nöbö piaku nölmɨn, ñɨŋ Jerusalem rüböxön, taun dib Adiok, Siria Propins yuadö höbkal dumä. Uröpɨnmɨn, nöbö mö Jisas nugw pim piaku yadmɨn, magalɨg hö mögum rɨmɨn nugugɨrön, köp pön hem aku nölmä. ³¹ Köp nölmɨn, nöbö mö ñɨŋ mönö aku mämäg nɨg nugumɨn, ñɨgö mɨ wä rɨmɨn, ñɨŋ wahax pön rɨb wä yöx nugu gɨrön mɨdmä. ³² Judas Sailas yöhö God mönö yadɨb nöbö rama mɨdmɨdim makwam, wop mɨdöy Adiok mɨdön, Jisas nöbö mö nuŋ bla ñɨgö mönö mɨga akwör yad nöł ri abmɨn nugugɨrön, ñɨŋ Jisas mönö wä nuŋwa nugw pɨ gö nɨgön, wahax pön rɨb wä yöx nugu gɨrön mɨdmä. ³³⁻³⁴ Judas Sailas yöhö aliö yad nöł pörön, duba rɨmɨn nugugɨrön, nöbö mö Jisas nugw pim piaku hö mögum rön, höjöpälön, Nöbö Diba ñɨŋ nöbö hogwa nugwidɨx mɨd ri aban, ñɨŋ tar mɨd ri abɨŋ, me rön, ñɨgö nöbö hogwa yad abmä. ³⁵ Makwam Pol Banabas yöhö Adiok yöraku mɨdön, nöbö piakuyöbö bli pɨsan, Nöbö Dib mönö wä aku nöbö mö bla ñɨgö yad nöł gɨrön mɨdmä.

Pol Banabas hörɨrör dumä

³⁶ Makwam mɨdɨp duön, Pol nuŋ Banabas nugwo yadöŋa, “An nöbö hogwa höd yönön Nöbö Dib mönö yad nölmɨn duöŋ mögöriɨb piaku, nugw

pɪ gö nɪgön mɪdöiŋönö wöhö, rön, du nugw yönɪŋö,” rönja. ³⁷ Pol aliö rɪmɪn, Banabas yadönja, “Makwam, Jon Mak aipam yölɪŋ pön duŋö,” rönja. ³⁸ Banabas aliö rɪmɪn, Pol yadönja, “Ha aku höd yölɪŋ pön dumɪŋja, jɪ nuŋ mabö rɪ pörön hölöŋ; nuŋ Pampilia ör duön röböx duönja. Makwam, weik nugwo yölɪŋ pön duöiŋö,” rönja. ³⁹ Pol aliö rɪmɪn, ñɪŋ nöbö hogwa keir nuö nuö yadön, Banabas nuŋ Jon Mak pɪsaŋ bɪyöja pön, röbö wödöböh mögöriɓ Saipras dumä. ⁴⁰ Pol nuŋ piönjö Sailas nugwo pönja. Nöbö mö Jisas nugw pim piaku höjöpälön, Nöbö Dib nuŋ Pol Sailas ñɪgö nöbö hogwa nugwidɪx mɪdaŋ, me rön, nöbö rama yad abmä. ⁴¹ Pol nuŋ Siria Propins piaku aipam, Silisia Propins piaku aipam rɪp yön gɪrön, nöbö mö Jisas nugw pim piaku ñɪgö God Mönö bli kwo yad nöɪ ri abmɪn, ñɪŋ nugwön nugw pɪ gö nɪgön mɪdmä.

16

Pol mögöriɓ yönöh piaku iswob höbkal duönja

¹ Pol Sailas ñɪŋ nöbö hogwa yönmɪd yönmɪd nɪgön, Debi duön, Listra uröpɪnmä. Mögöriɓ piaku Jisas nugw pöh nöbö i mɪdönja, ib nuŋwa Timoti. Nöbö aku nuöm nuŋwa Juda yöbö mö i, jɪ nuŋ Jisas nugw pönja. Nuö nuŋwa Grik yöbö nöbö. ² Listra nöbö mö Jisas nugw pɪmä akuyöbö aipam, Aikoniam nöbö mö Jisas nugw pɪmä akuyöbö aipam, Timoti nöbö wä, me rɪmä. ³ Pol piönjö, Timoti nɪ pɪsaŋ Jisas mönö aku yad

15:37: Apos 12:12,25

15:38: Apos 13:13; Kol 4:10

16:1:

Apos 14:6; 2Tim 1:5

16:2: Pil 2:19-22

nöl yönm+d+ñö, r+ r+byöx nugwöñ aku, j+ Juda nöbö mö akuyöbö yajöña, “Timoti nuö nuñwa Grik nöbö i makwam, ha nuñwa uñ ödörölöñ aku, mönö nuñwa pöiñ+ñö,” cöñ+ñö, r+ r+byöx nugwön, Pol nuñ Timoti pön duön uñ ödöröña. ⁴ Pol Sailas Timoti ñ+ñ taun taun piaku r+p yön g+rön, Jisas mönö wä pön dub nöbö bla aipam, Jisas nöbö mö nuñ bla nugwid+x m+dim nöbö bla aipam, Jerusalem piaku mögum rön mönö b+l kai yadmä aku, nöbö mö Jisas nugw pim piaku ñ+gö yad nölön, al aliö c+ne, r+mä. ⁵ Aliö piaku piaku r+p yön g+rön, nöbö mö Jisas nugw pim piaku, ñ+gö Jisas mönö wä aku yad nöl ri abm+n, ñ+ñ mönö aku nugw pön, kwockwoc palön, Jisas nuñ r+g yadöñ mag akwör r+ m+dmä. Wop pañ pañ öim öim nöbö mö bli aipam Jisas mönö wä aku nugwön, Jisas nugw p+mä.

Pol r+ñ nugwöña

⁶ Pol nöbö nuñ bla p+sañ, Esia Propins m+döi nöbö mö bla ñ+gö Kraiss mönö wä yad nöl+ñö, rön, duba r+m+dmä, j+ Inöm Leia nuñ, duba wöhö, röña. Inöm Leia aliö r+m+n, mögö+r+b Prijia mib+l piaku yönön, Galesia Propins mib+l piaku yönön, r+mä. ⁷ Ñ+ñ dum+id dum+id, mögö+r+b Misia igöp igöp u g+rön, Bitinia Propins dunjö r+m+dmä aku, j+ Jisas Inöm nuñwa ñ+gö, duba wöhö, röña. ⁸ Jisas Inöm nuñwa aliö r+m+n, ñ+ñ Bitinia Propins duölim; mögö+r+b Misia mib+l yöra duön taun dib Troas dumä. ⁹ Troas duön, p+xmag yuö mib+l bö Pol r+ñ nugwöña, Masedonia Propins yöbö

nöbö i öbil gi midön, nugwo mönö yad gögö rön yadöŋa, “Nagö röbö möx pö ki Masedonia hön, an ösös ri nölö,” röŋa. ¹⁰ Pol aliö r+ba nugum+dm+n, an yadm+ŋa, “Aku God nuŋwör, ‘Masedonia nöbö mö ñ+gö Jisas mönö wä aku du yad nöine,’ rö,” rön, wop akwör Masedonia duba rön ap pi pidilum+ŋa.

Lidia nuŋ Jisas nugw pöŋa

¹¹ Du biyöja pön, Troas röböxön, röbö wödoböŋ mögöri+ Samotres dum+ŋa. Löum yöbö Samotres röböxön, Niapolis tauna uröp+nm+ŋa. ¹² Biyöja pön, taun dib Pilipai, Masedonia Propins yuadö uröp+nm+ŋa. Rom gapman nöbö mö m+ga akwör du Pilipai midön nugwid+x midm+dmä. Makwam, mögöri+ mib+il yöra Pilipai taun dib ödöriö midöŋa. An wop midöy Pilipai yöra ku midm+ŋa. ¹³ Juda God höjöpali+ wop aku, God höjöpali+ kau i mijön+ŋö, rön, taun ubali+ja röböxön röbö pöpö bö dum+ŋa. Duön nugum+n mö bli hö m+dmä. Yöra ku römidön ñ+gö mönö yad nölm+ŋa. ¹⁴ Mö mönö an audiöx nugum+dim piaku, mö i taun dib Taiataira yöbö, ib nuŋwa Lidia. Nuŋ wöli+ m+ paskwolö bla ri ni+gm+n, wob midöia. Nuŋ God höjöpali+ midm+da. Nöbö Diba nuŋ mö aku nugwo r+ba wä nölm+n, Pol mönö wä yadöŋ aku, mi yadm+do, rön, nugw pöŋa. ¹⁵ Makwam an Lidia aipam, nöbö mö ram nuŋwa p+saŋ höli+mm+dim akuyöbö aipam, ñ+gö röbö pal nölm+n, Lidia yadöŋa, “Ni Nöbö Diba m+ ödöriö nugw pö, ri r+byöx nugwöi aku, ñ+ŋ hö ram na höli+mm+j+nö,” röŋa. Aliö ri+m+n, an mönö nuŋwa yöxön du ram nuŋwa höli+mm+dm+ŋa.

Pol Sailas ñigö nöbö hogwa nag nigmä

¹⁶ An wop i God höjöpaliḅ kau aku duön, nag mabö riḅ halöu i nugwo möigw palmiḅa. Halöu aku nugwo ragwo as öim nigim, ap agap apim mai cön aku, nöbö mö bla ñigö yad nölmim, nugwo rig nölmidmä. Nuḅ aliö alim, nöbö nugwo wob pön hem, nag mabö ñiḅa rimidöḅ piaku, rig diba pimidmä. ¹⁷ An dumim nugugirön, halöu aku an mai ri girön yadöḅa, “Nöbö kiyöbö ñiḅ God adöx mi bil sö mid Nöbö aku mabö nuḅwa röia. God pödpöd rön ñigö kömö pön, mönö mag akwör ñigö yad nölmidöiḅ,” röḅa.

¹⁸ Makwam halöu aku mönö akuyöbö öim öim yadmim, wop i Pol nugwo mi ipitim, höuöiliö halöu öim nigöḅ ragwo as aku yadöḅa, “Jisas Kraisiḅ nuḅwa nugwön, halöu ki nugwo röböx röu duö!” röḅa. Aliö rimim, riḅ pia ragwo as nugwo öim nigöḅ aku röpin duöḅa.

¹⁹ Makwam halöu aku nugwo rig wobmim, ñigö nag mabö rimid nöbö bla, Pol ragwo as yad aböḅ mönö aku nugwön, rig diba pimidöl aku mai pöiniḅö, rön, Pol Sailas yöḅö nöbö hogwa pi cici nigön pön, Rom nöbö dib midim yöraḅ mönö diba yajniḅö, rön, pön pxiḅ du mönö diba yadib yöra dumä. ²⁰ Rom mönö pi nuöm nigib nöbö dib bla ñigö mönö diba yadön yadmä, “Nöbö ram ki Juda nöbö. Taun dib an ki hön rimim, an mögöriḅ minöbö nugumim, ölsö wölmim, pön höla. ²¹ An Rom nöbö mö mönö hödyöbö adaku keir midä, ji ñiḅ mönö yöḅyöbö mönö an nugwölöl aku nugwön cinö, rön, yad nölip yönmidöiḅ,” rimä.

²² Nöbö mö nugugu mɨdim piaku algör ör, mönö adakwör yadön, Pol Sailas yöjö nöbö hogwa mönö diba yadmɨn, mönö pɨ nuöm nɨgɨb nöbö dib bla yadmä, “Wölij ñɨj bla röd abön kaiö pön pali,” rɨmä. ²³ Aliö rɨmɨn, kaiö pɨ pal höuöilmel rön, pön du kɨlabɨs rama ram möl yuadö abön, kɨlabɨs rama nugwidɨx mɨdöj nöbö aku yadmä, “Nañ nöbö hogwa nugw ri ab gɨ mɨdane,” rɨmä. ²⁴ Aliö rɨmɨn, kɨlabɨs rama nugwidɨx mɨdmɨd nöbö aku, ñɨgö nöbö hogwa yöliɨj pön du kɨlabɨs rama ram möl yuö kwo nɨgön, yödpɨlö wab ñɨgö hogwa pɨ bɨ dib möla abɨm dumɨn, pal cɨr gö nɨgöŋa.

²⁵ Makwam pɨxmag yuö mibɨl dib bö, Pol Sailas ñɨj nöbö hogwa God höjöpal gɨrön, wopal bli yadmɨdim nugugɨrön, kɨlabɨs nöbö bli ñɨj audiöx nugumɨdmä. ²⁶ Almɨdim nugugɨrön, rɨb pia mɨmön diba hön, kɨlabɨs ram aku alɨg pɨ pikwo pik rön, uba bla keir rödɨm, kɨlabɨs nöbö bla ñɨgö sen wabɨlim bla magalɨg yauöŋa. ²⁷ Almɨn, kɨlabɨs nöbö bla ñɨgö nugwidɨx mɨdöj nöbö aku öbɨlön nugumɨn, ubalɨj bla magalɨg röd gɨ mɨdöŋa. Nuñ aku nugwön, “Kɨlabɨs nöbö bla, uba rödmɨn, bör du pöröi aku, nöbö dib na aku nɨ pɨl pal nɨgönɨj,” rön, yu ölsö mɨxɨl nuñ me pugul pön, nuñ keir nugwo pɨlɨba rɨmɨdöŋa. ²⁸ Pol piöj nöbö nugwo wö diba rön yadöŋa, “Pödpöd rɨmɨn nagö keir nugwo pɨlɨba rɨmɨdlö? An bör duölöl. Magalɨg mɨdöl mɨk,” me röŋa.

²⁹ Pol aliö rɨmɨn, kɨlabɨs nöbö nugwidɨx mɨdöj nöbö aku wö rön yadöŋa, “Hötɨkö rɨmɨg rag höi,” röŋa. Aliö rɨmɨn, hötɨkö pön höm, nuñ pön ipalɨp

ram möl yuadö bö duön, ölölö rımın, gıl gıl rı girön, du Pol Sailas yöñö mıdim il yöra höxmax yuöña. ³⁰ Makwam aliö höxmax yuön, öbılön, ñıgö nöbö hogwa yölıñön rıñadö bö duön yadöña, “Nöbö dib wä nı hogw kı, nı pödpöd rımön, God nı kömö pön?” röña.

³¹ Aliö rımın, nugwo yadmä, “Nöbö Dib Jisas nugw pınö aku, nañ keir aipam, nöbö mö nagö pısañ hölımmıdöi piaku aipam, ñıgö kömö pönıñö,” rımä. ³² Aliö rön, nöbö aku nugwo nıgön, nöbö mö nuñ pısañ hölımmıdim akuyöbö magalıg nıgön, ñıgö Nöbö Dib mönö wä aku yad nölmä. ³³ Aliö yad nölmın, kılabıs nöbö nugwidıx mıdöñ nöbö aku ñıgö nöbö hogwa pıxmag yuö mıbıl kwo pön duön, mıxıñ palmä akuyöbö röbö äbäd aböña. Almın, wop akwör nuñ keir aipam, nöbö mö nuñ piaku aipam, ñıgö magalıg röbö pal nölmä. ³⁴ Ñıgö magalıg röbö pal nölmın, kılabıs nöbö nugwidıx mıdöñ nöbö aku ñıgö nöbö hogwa yölıñ pön ram nuñwa duön, ap mag nölmın, nımımä. Nöbö aku nuñ keir aipam, mönıñ halöu ha nuñ bla aipam, weik an God nugw pölıñö, rön, mı ödöriö wahax pı girön mıdöña. ³⁵ Löumın, Rom nöbö dib piaku ömdö nöbö bla ñıgö yadmä, “Nöbö nag mıdöi hogwa ñıgö yau abıñ, duñ,” me rımä. ³⁶ Aliö rımın, kılabıs nöbö nugwidıx mıdöñ nöbö aku, mönö aku pön du Pol Sailas mıdim yöraku duön yadöña, “Mönö pı nuöm nıgıb nöbö dib bla yadöia, ‘Nöbö nag mıdöi hogwa yau abıñ duñ,’ me röia. Makwam, ñıñ nöbö hogwa di. Nöbö Diba ñıña nugwidıx mıd ri abön rañ, tar

mɪd ri ab gɪ mɪjɪnɔ!” rɔŋa.

³⁷ Aliö rɪmɪn, Pol yadɔŋa, “An nɔbɔ hogwa algör ör Rom yöbö nɔbɔ hogwa, jɪ mɔnɔ diba nugwölmɪŋ wöhö, nɔbɔ mö mibɪl yöra anɪŋ nɔbɔ hogwa kaiö pɪ pal höuöilmel rɔn, pɔn du nag nɪgöi aku, wä röl. Makwam, anɪŋ nɔbɔ hogwa tar umadiö yad abnɪŋö, rɔn, yadmɪdöi ä? Nɔbɔ dib bla ñɪŋ keir kɪlabɪs ram kɪ hɔn, anɪŋ nɔbɔ hogwa yölɪŋ pɔn paŋör rɪŋö bö duŋö,” rɔŋa.

³⁸ Pol aliö rɪmɪn, ömdö nɔbɔ bla mɔnɔ aku nugwön, höbkal du mɔnɔ pɪ nuöm nɪgɪb nɔbɔ dib bla ñɪgö yad nölɪmɪn, Pol Sailas ñɪŋ Rom yöbö nɔbɔ hogwa mɔnɔ aku nugwön, ipöxmä. ³⁹ Ipöxön, ñɪŋ du Pol Sailas ñɪgö nɔbɔ rama yölɪŋ pɔn paŋör rɪŋö bö duön, mɔnɔ höimöliö mɪda yadmä, “Ñɪgö nɔbɔ hogwa wä rɪmɪjɔn aku, taun dib kɪ rɔböx dinö,” rɪmä. ⁴⁰ Pol Sailas kɪlabɪs ram aku rɔböxön, mö Lidia rama du mɪdön, nɔbɔ mö Jisas nugw pim piaku pɪsaŋ mögum rɔn, Nɔbɔ Diba mɔnɔ wä ñɪgö yad nölɪmɪn, ñɪŋ nugwön mɔnɔ wä aku pɔn, wahax pɔn rɪb wä yöx nugu gɪrɔn mɪdmä. Pol Banabas yöŋö mɔnɔ yad nöl pörön ñɪŋ rɔböxön mödö dumä.

17

Tesalonaika nɔbɔ mö Pol Sailas ñɪgö nɔbɔ hogwa pɪl pal nɪgɪba rɪmä

¹ Makwam Pol Sailas ñɪŋ nɔbɔ hogwa taun dib Pilipai rɔböxön, du taun dib Ampipolis uröpɪnmä. Ampipolis rɔböxön, du taun dib Apolonia uröpɪnmä. Makwam Apolonia rɔböxön, du taun dib Tesalonaika uröpɪnön

nugum+in, Juda mögum r+ib ram i midöŋa. ² Nugwön, Pol öim riğ r+im+id mag akuyöbö, Juda God höjöpali+b wop mös paŋ, nöbö mö bla p+isaŋ Juda mögum r+ib rama ram möl yuadö duön, ñ+igö p+isaŋ mönö niğ+p duön yadöŋa. ³ God Mönö il aku ñ+igö yad nöl ri abön, God mönö yad+ib nöbö bla maduar ör, Mesaia aku öli+ŋ höb diba pön wöröxön höbkal öbiön+ŋö, rim mönö aku yad nöl ri abön, “Mesaia aku Jisas, nöbö ñ+igö yadm+id+l m+ik,” me röŋa. ⁴ Pol aliö r+im+in, nöbö mö bli mi yadö, rön, mönö yadöŋ aku nugw pön, Pol Sailas yöŋö adö hömä. Iba midöŋ mö m+iga niğön, Grik nöbö mö God nugw pim akuyöbö m+iga niğön, Pol yadöŋ mönö aku nugw p+mä.

⁵ Pol Sailas ñ+ŋ mönö yadm+in nöbö mö m+iga akwör nugw p+mä aku, Juda nöbö piaku bli nugum+in, öli+sö wöl+m, nöbö gwogwo hör taun ödöi mib+l yöra midim piaku bli p+im+in, ñ+ŋ piöŋö du nöbö mö m+iga akwör pön hö niğön, m+ mönö diba niğmä. “Pol Sailas ñ+igö nöbö hogwa hölu nugwön, nöbö mö k+yöbö ñ+igö nöl+ŋ, nöbö rama p+l pal niğ+ŋ,” me rön, du Jeson rama yuadö wöluön hölu nugw yualöbmä. ⁶ Hölu yön nöi nugwön, Jeson nugwo pön, nöbö mö Jisas nugw pim bli aliğ pön gapman nöbö dib midim yöra duön, mönö diba yadmä. Mönö diba yadön yadmä, “Pol Sailas nöbö rama mögöri+b hör piaku piaku magaliğ yönön yadm+in, nöbö mö piaku magaliğ mönö nuö nuö yadön mönö ua niğöia. Makwam weik hö midöi mögöri+b an ki. ⁷ Ñ+ŋ gapman nöbö dib an Sisa mönö nuŋwa röd abön,

Kiŋ an keir i miḁdö, rön, Kiŋ aku Jisas me röia. Makwam nöbö Jeson ki, nöbö hogw aku ñigö pön du ram nuŋ aku ñigmiŋ höl+mmiḁdöiŋö,” ri+mä. ⁸ Aliö ri+mḁdm+ŋ, nöbö mö mi+ga akwör hö miḁdim akuyöbö aipam, taun gapman nöbö dib bla aipam nugwön, mönö diba ñigmä. ⁹ Mönö diba ñigön, Jeson nugwo ri+g bli pön, nöbö mö nugwo pi+saŋ pön hem akuyöbö ri+g bli pön, yadmä, “Mai mönö aku iswob yadmi+jöñ aku, ri+g ñi+ŋa ki aŋadö pi+nŋö,” ri+mä. Aliö rön, ñigö yad ri+ŋö bö abmä.

Taun dib Beria nöbö mö mi+ga akwör Jisas mönö wä aku nugw pi+mä

¹⁰ Pi+xmag guröŋ mag akwör, nöbö mö Kraiŋ nugw pim akuyöbö, Pol Sailas ñigö nöbö hogwa pön du abim, taun dib Beria dumä. Beria uröp+nön, Juda mögum ri+b ram aku dumä. ¹¹ Duön, Jisas mönö wä aku yad nölm+ŋ, Juda nöbö mö Beria miḁdim piaku, nöbö mö Tesalonaika ri+g miḁdm+dim akuyöbö yöi, mönö ñigö nöbö hogwa nugum+ŋ, wä ri+m+ŋ nugug+rön, “Pol mi yadmiḁdönö wöhö?” rön, God Mönö aku wop paŋ paŋ öim öim mämäg ñig nugw ri abön ri+mḁdmä. ¹² Makwam Juda mögum ri+b ram aku nöbö mö hem piaku mi+ga Jisas nugw pi+mä. Grik mö ib miḁdöŋ piaku algör mi+ga akwör Jisas nugw pi+mä. Grik nöbö algör ör mi+ga akwör Jisas nugw pi+mä.

¹³ Ji Pol du Beria nöbö mö God Mönö yad nölm+dm+ŋ, Juda nöbö mö Tesalonaika miḁdm+dim akuyöbö mönö aku nugum+ŋ, öli+sö wöli+m, ñi+ŋ hön Beria nöbö mö mönö yuaiwö ri+m, ñi+ŋ öli+sö rödi+ba ri+mḁdmä. ¹⁴ Almiḁdim nugug+rön, nöbö mö Jisas nugw pim akuyöbö,

Pol nugwo pön du abim, ban yuö diba pö piaku duöña. Makwam Sailas Timoti nöbö hogwa Beria yöraku midmä. ¹⁵ Nöbö bli Pol nugwo pön du taun dib Atens abön, höbkal duba rimidim nugugirön Pol ñigö yadöña, “Sailas Timoti yöjö yadiñ yadkap höñ,” me röña.

Pol taun dib Atens midöña

¹⁶ Pol nuñ Sailas Timoti yöjö taun dib Atens yöra pöx mid girön nugum+n, nöbö mö piaku god inakmönö ñiña höjöpalm+döi ap bla, miğa akwör midöña. Nuñ nugum+n, höbwab nuñwa mi gwogwo röña. ¹⁷ Alm+n, Juda mögum riþ ram aku duön, Juda nöbö mö bla aipam, Grik nöbö mö God nugw pim bla aipam, ñigö piþan mönö nigip duön yadm+döña. Makwam wop pañ pañ öim öim mönö yadiþ yöra duön, nöbö mö hö midim piaku ñigö kwo aipam mönö nigip duön yadm+döña. ¹⁸ Taun dib Atens aku, nöbö mö riþ adö hörirör yöxmä akuyöbö, iba hörirör urön, bli Epikorian nöbö mö rimä, bli Stowik nöbö mö rimä. Wop i, Pol nöbö mö piaku ñigö Jisas wöröxon öblöñ mönö wä aku yadm+n, Epikorian nöbö riþ wä yöx nugub bli, Stowik nöbö riþ wä yöx nugub bli, Pol mönö yadöñ aku nugwön, nugwo piþan nigip duön, bli yadmä, “Nöbö kþ mönö yöþ yöþ midä nig mönö aku agö mönö yadiþa rimidö?” rimä. Makwam bli yadmä, “Nöbö mö pad piaku höjöpaloï god ñiñ piaku algör ör yadm+dö,” rimä. ¹⁹⁻²⁰ Makwam Pol nugwo pön du kansol ada midim yöra duön yadmä, “Nagö mönö yöñyöbö keiryöbö nöbö mö akuyöbö ñigö yadm+dlö aku,

weik an kwo algör yad nöl ri aban, an aipam mönö il aku nugw ri abn+ñö,” r+imä. ²¹ Nöbö mö Atens yöbö piaku aipam, nöbö mö hör piakuyöbö hön Atens m+dim akuyöbö aipam, mönö yonyöbö bli nugwön yajn+ñö, rön, r+ib akwör yöx nugum+dmä.

²² Pol piönjö nuñ kansol ada m+dim mib+il yöra öbilön yadöña, “Ñ+ñ Atens nöbö mö. N+ nugula ñ+ñ m+ usüsör rön, ap bli höjöpain+ñö, rön, r+ r+byöx nugwöia. ²³ N+ pik yönön nugula, ñ+ñ r+g anau hör+rör r+ ñ+gön, ap hör+rör höjöpälöi aku, ib adaku kai kitöia. Makwam ap höjöpäl ur nöl+ib r+gp+id i r+ ñ+gim aku, ib aku kai kitöia, ‘Iba nugwölöl god aku, r+g anau nuñwa m+k pal,’ röia. Mönö nugwölöl+ñö, rön, kai kitöi aku, weik ñ+gö mönö il aku yad+ba r+m+dla.

²⁴ “God mögöri+ib il k+ r+ ñ+gön, ap mögöri+ib il k+ m+id piaku magal+g r+ ñ+gön aku, nuñ m+ Nöbö Dib ödöriö. Adöx yöd röul adö kau sö aipam, mögöri+ib il k+ aipam, nuñ Nöbö Diba m+dön nugwid+x m+da. Nöbö mö piaku God höjöpäl+ib rama imag ñ+ñ+ñ r+ ñ+gim, nuñ hö ram möl yuö piaku m+den wöhö. ²⁵ God nuñ an+ñ r+ ñ+gön, anöi maga nölm+n, anöi ab g+r m+döla. An ap m+id blaku magal+g nuñwör an nöla. Nuñ Nöbö ölsö ödöriö aku nugwön an imag ana ap wä i rön nugwo nöl+ib maga m+döl. ²⁶ Nuñ nöbö panyöbö iör, Adam nugwo r+ ñ+gm+n, Adam nuñ piönjö yöx+p duön, yöx+p höuöilmel r+m, weik nöbö mö hör+rör piaku mögöri+ib il k+ r+gwoñ r+gwoñ magal+g piaku m+döla. Makwam God nuñwör höd r+byöx

nugwön rîmîdön aku, nöbö mö bli mögöriþ i hö mîdön, mîdîp duön, mai nuñ keir yadön wop aku, nöbö mö hör piakuyöbö bli hö kau ñîñ aku pöia. ²⁷ God nuñ keir rîbyöx nugwön rîmîd aku, ñîñ wop bli öliöxön mîdön, nî hölu nugwön, pî piö piö rîmîd rîmîd nî hölu nugw pîñ, me rön, rîmîda. Makwam an nugwo nugw pîba rîmîjõñ aku, nuñ pad piaku mîdöl. An magalîg pîsan mîd mîk. ²⁸ God nuñ rîmîñ, an kömö mîdön, yön bör yönön, mîdöla. Makwam mönö kai kîþîb nöbö ñîñ keir bli köp kîtön yadöia, ‘An aipam halöu ha nuñwa mîdölîñö,’ röi aku, mi yadöia.

²⁹ “Makwam an God halöu ha nuñwa mîdöl aku, gol, silpa, rîg bla pön, rîb ana keir yöx nugwön imag ana ap bli anaua rî ñîgön höjöpälöinîñ. ³⁰ Höd God mönö wä nuñwa nugumîdölöi makwam, ñîgö mönö diba yadölön. Makwam wopik nöbö mö mögöriþ hör piaku piaku magalîg ñîgö yadmîda, ‘Ap kib mag gwogwo röi aku, pödpöd rîmîñ aliö alölîñö, rön, röböxnö,’ rîmîda. ³¹ Mai nuñ keir ör nugw wop aku, Nöbö nuñ yad ñîgön aku nugwo agal abañ hön, mögöriþ il kî mîdöi nöbö mö akuyöbö magalîg mönö diba yadön, pî nuöm ñîgöna. An nugwöla, Nöbö mönö diba yajön aku, nugwo pîl pal ñîgîm wöröxim, God rîmîñ höbkal öbîlöña. Alön mag aku, nöbö mö bla magalîg nugwön, mönö diba yadîba yad ñîgön wop aku, wöxnö ör yadön aku nugwîñ, me rön, rö,” röña.

³² Pol, nöbö i wöröxön höbkal öbîlö, rön yadmîd

mönö aku nugwön, nöbö mö m+dim piaku bli yad imöumä; j+ bli yadmä, “Wop bli kwo mönö aku iswob yadm+dan nugun+ñö,” r+mä. ³³ Aliö r+m+in nugug+rön, Pol kansol ada m+dim piaku ñ+gö röböx duöña. ³⁴ Makwam taun dib Atens aku, nöbö mö bli Pol mönö nuñ aku pön, Jisas nugw p+mä. Nöbö mö piaku nöbö i ib nuñwa Dionisias. Nuñ nöbö dib kansol dib ñ+ñ mögöri+b akuyöbö nöbö i. Mö i ib nuñwa Damaris. Makwam nöbö mö bli kwo aipam Jisas nugw p+mä.

18

Pol du taun dib Korid m+döña

¹ Pol taun dib Atens röböxön, taun dib Korid duöña. ² Pol Korid duön nugum+in, Juda nöbö mönöbö hogwi m+dmä. Nöböñ+ña ib nuñwa Akwila. Nugwo mögöri+b Podas yöx pön hom, dib röxön nuñ röd du mögöri+b Itali, taun dib Rom il yöra m+döña. Makwam mai gapman nöbö dib Klodias, Juda nöbö mö bli Rom m+döli+ñ, me r+m, Akwila Prisila mönöbö hogwa Itali röböxön, du Korid yöra ku m+dmä. Makwam Pol, mönöbö hogw aku du nuguba rön, ram ñ+ñ duöña. ³ Mönöbö hogw aku, ñ+ñ ap uñ rama urm+dmä. Makwam Pol wobiö mabö aliö r+m+da nugwön nuñ du ñ+gö p+sañ höli+m m+dön, ap uñ möl bla r+m+dmä. ⁴ Pol nuñ piöñö, Juda nöbö mö piaku aipam, Grik nöbö mö piaku aipam, ñ+ñ magali+g Jisas mönö wä aku nugw p+ñ, me rön, Juda God höjöpali+b wop aku, nuñ öim öim Juda mögum r+ib

ram aku duön, ususör rön ñigö pisañ mönö ñigip duön yadmïdöña.

⁵ Makwam mai Sailas Timoti yöhö Masedonia Propins röböxön, Pol Korid mïdöñ yöra hömïn, Pol nuñ öim öim Jisas mönö wä aku yad nölïp dumïd dumïd, Juda nöbö mö piaku ñigö mönö yad nölön, Mesaia öim pöx mïdmïdöl aku mï Jisas ör, me rïmïdöña. ⁶ Pol aliö rïmïn, Juda nöbö mö bla mönö nuñ aku nugwölim; nugwo yad mönö ñigön, mönö gwogwo yadmïn nugugïrön, Pol nuñ, Jisas mönö wä aku pödpöd rïmïn röböxöñö, rön, wölïj nuñ aku pal gögö rï gir yadöña, “Nï ñigö Jisas mönö wä aku yad nölmön nugwölöi aku, God ñigö kömö pen aku, ap ñïñ keir. Weik ñigö Juda nöbö mö röböxön, Juda nöbö mö yöi piaku ñigö du yad nöinö,” röña.

⁷ Pol aliö rön, ñigö röböxön, Juda nöbö yöi i rama duöña. Nöbö aku ib nuñwa Titias Jastas. Nuñ God höjöpalmïdöña. Ram nuñ aku Juda mögum rïb rama il yöra. ⁸ Makwam Krispas, Juda nöbö mögum rïb rama nugwidïx mïdmïdöñ nöbö aku, nöbö mö nuñ pisañ hölïmmïdim piaku pisañ Jisas nugw pïmä. Taun dib Korid aku, nöbö mö mïga akwör, Pol nuñ Jisas mönö yad ri aböñ aku nugwön, mi yadö, rön, mönö aku nugw pön, röbö palmä.

⁹ Wop i pïxmag yuö bö Pol rïb nugwöña, Nöbö Diba nugwo yadöña, “Nagö ipöxmïjïnö. Nagö rïbyöx gïba aliğ mïdön, ususör rön, mönö wä nï aku nöbö mö piaku ñigö amïn yad nölañ duañ.

¹⁰ Ni nagö pisanj midla. Taun dib ki nöbö mö na miga akwör midöia. Nöbö mö bli nagö ri gwogwam rib maga midölö,” röña. ¹¹ Nöbö Diba aliö rimin, Pol Korid ör midön, kim pañ i mılmej akuyöbö inösu sö aku, nöbö mö bla ñigö God Mönö aku yad nölmidöña.

¹² Makwam Rom nöbö dib bla Galio nugwo yad nigim, nuñ duön Akaia Propins nugwidix midöñ wop aku, Juda nöbö mö bla, Pol nugwo nugumın ölsö wölm, mönö yad ödör pañyöbö i nigön, nugwo pi cici nigön, pön mönö diba yadiba dumä. ¹³ Pol nugwo mönö diba yadön yadmä, “Nöbö ki nöbö mö kiyöbö ñigö yadön, ‘Ñiñ God höjöpainöb al aliö cine,’ ra. Makwam mönö yadmıd aku pön rimijöñ aku, ñiñ lo ana röd aböññö,” rimä.

¹⁴ Aliö rimıdmın, Pol painö yadiba rimıdlö, rön nugwöñ aku, ji Galio nuñ öbilön, Juda nöbö mö bla ñigö yadöña, “Ñiñ Juda nöbö mö. Nöbö ki ap gwogwo i röx aku, mönö diba yadiba rimıdöi aku ni nugulöxa. ¹⁵ Ji ñiñ hör mönö mag bilim mönö nöbö ib bilim pön nuö nuö yadöi aku mönö dib yoi; hör mönö aku ni nugwöinöm. Aku mönö ni yoi. Mönö aku ñiñ keir yajinö!” röña. ¹⁶ Aliö rimin, nöbö ömdö nöbö nuñ bla yadmın, mönö diba yadib möl aku ñigö yad pön du riñö bö abmä. ¹⁷ Ñiñ riñö bö röu dumın, Juda nöbö mögum rib rama nugwidix midmıd nöbö Sostenes, ömdö nöbö piaku kaiö pön nugwo pal pörmä. Gapman nöbö dib Galio nugwön mönö i yadölöñ.

Pol höbkal taun dib Adiok, Siria Propins yuadö duöña

¹⁸ Makwam Pol Korid m+ñi uplöp m+ðön, nöbö mö Jisas mönö nugw pim bla ñ+gö, “Ñ+ñ yör+k m+j+nö,” rön, Akwila Prisila mönöbö hogwa p+sañ mögöri+b Siria duñö, rön, Senkria taun, ban yuö diba pö yöra dumä. Senkria piaku du m+ðön, Pol mönö ölsö ödöriö God nugwo yadm+dlö, rön, yöj panö nuñwa waxöña. ¹⁹⁻²¹ Biyöja pön, Senkria röböxön, dum+ð dum+ð taun dib Epesas uröp+nmä. Pol nuñ Juda mögum r+ba rama ram möl yuadö duön, Juda nöbö mö bla p+sañ mönö ñ+g+p duön yadm+ðöña. Alm+n, nöbö mö bla nugwo yadmä, “Wop bli kwo an p+sañ yör+k m+ðane,” r+mä. Ji Pol mönö ñ+ñ aku pölön yadöña, “Ñ+ñ yör+k m+j+nö. God ni yöwö r+m+jön aku, mai höbkal ñ+gö m+ð+ba hönö,” röña. Aliö rön, Akwila Prisila mönöbö rama ñ+gö nöbö mö piaku p+sañ Epesas yöra yad ñ+gön, nuñ biyöja pön duöña. ²² Biyöj aku dum+ð dum+ð Sisaria uröp+nm+n, Pol biyöj aku röböxön, il ila dum+ðön r+ba Jerusalem duöña. Jerusalem uröp+ñön, nöbö mö Jisas nugw pim akuyöbö, “Ñ+ñ m+ðöiñ ä?” rön, ñ+gö p+sañ mönö bli yadöña. Pol aliö rön, Jerusalem röböxön, biyöja iswob pön, taun dib Adiok, Siria Propins yuadö duöña.

²³ Pol Adiok duön, hör wop m+ñi uplöp m+ðön yöräku röböxön, du Galesia Propins yöra aipam, mögöri+b Prijia yöra aipam r+p yön g+rön, nöbö mö Jisas nugwo höd nugw pim bla, ñ+ñ Jisas mönö wä

aku nugw pi gö nıgıno, rön, ñıgö magalıg yad nö
ri aböña.

Nöbö Apolos mönö aku

²⁴ Makwam taun dib Aleksadria yöbö Juda nöbö i hön Epesas mıdöña. Ib nuñwa Apolos. Nuñ rıb wä yöx nugwön mönö yad ri abıb nöbö. Nuñ God Mönö rıba höd kai kıtım aku nugw ri aböña. ²⁵ Nöbö bli nugwo Nöbö Dib Ödöi Nuñwa mönö aku yad nölmä. Makwam, nuñ mı usüsör rön, Jisas nuñ pikai yöbö hön, nöbö pödiöm mıdöñ aku, nöbö mö bla ñıgö ödöriö mıd akwör yad nölmıdöña. Makwam mönö yad nölmıdöñ aku, röbö pal nölıb nöbö Jon yad nölmıdöñ mag akwör nugwön yad nölmıdöña. Mönö bli kwo nugwölöñ. ²⁶ Makwam Apolos ipöxölön, Juda mögum rıb ram aku duön, mönö aku amın ödöriö yad nölmıdöña. Makwam wop i mönö yad nölmıdöña nugwön Prisila Akwıla mönöbö rama mönö nuñwa nugwön, nugwo yölıñ pön ram ñıña duön, God Ödöi Nuñwa mönö nugwölöñ mag bli yad nölmı abmä.

²⁷⁻²⁸ Mai Apolos nuñ Akaia Propins duba rımın, Epesas nöbö mö Jisas nugw pim akuyöbö, Apolos nuñ du ñıgö mönö wä aku yad nöiön aku waiö, me rön, Akaia nöbö mö Jisas nugw pim akuyöbö ñıgö köp i kai kıtön yadmä, “God mabö rıb nöbö Apolos uröpınan, nugwo pine,” rımä. Almä aku, Apolos Akaia Propins uröpınön, köp aku yabumın, Akaia nöbö mö God ñıgö uliöxön rıb wä nölmın Jisas nugw pim bla Apolos nugwo

pimä. Nugwo pimɪn, nuɲ piönjö kau ñigö pön, mönö yadɪb yöra Juda nöbö mö bla pɪsaɲ mönö niɟip duön, God Mönö adaku yad nöl ri ab ɟɪrön, “Mesaia pöx midmidöi aku Jisas ör,” me röɲa. Alön, yad nöl ri abön rimɪn, nugwo mönö i painjö yadɪb maga midölöɲ. Almidmɪn, nöbö mö Jisas nugw pim piaku ñigö rɪ nöl ri abmɪn, mid ri abmä.

19

Pol Epesas du midön Krai mönö wä aku yad nölöɲa

¹ Apolos Korid midön wop mibɪl yöroku, Pol nuɲ du Galesia Propins yöroku aipam, mögöriɪb Prijia yöroku aipam, mibɪl yöroku rɪp yön ɟɪrön, taun dib Epesas uröpinöɲa. Uröpinön nugumɪn, nöbö mö Jisas nugw pim bli midmä. ² Pol ñigö yad nugwöɲa, “Ñɪɲ Jisas nugw pim wop aku, Inöm Leia aliɟ pimɪñönö wöhö?” röɲa.

Aliö rimɪn, yadmä, “Wöhö. Inöm Leia i midä an nugwölölɪɲö,” rimä.

³ Aliö rimɪn, Pol ñigö yadöɲa, “Makwam ñɪɲ röbö palim aku, il agapɪm, me rɪ rɪbyöx nugwön röbö palöiɲö?” röɲa.

Aliö rimɪn, yadmä, “An Jon yadmidön mönö aku pön röbö palölɪɲö,” me rimä.

⁴ Aliö rimɪn, Pol yadöɲa, “Jon Isrel nöbö mö bla yadmɪn, röbö palmidöi aku, ap kib mag gwogwo röɪ aku, pödpöd rimɪn aliö alölɪɲö, rön nugumɪn mönö, ñigö röbö pal nölmida. Makwam Jon ñigö

yadmıdöŋa, ‘Nöbö Dib mai hön aku haŋ, nugwo nugw pıne,’ rımıda. Nöbö mai hönıŋö, röŋ aku, Jisas ör,” me röŋa. ⁵ Pol aliö rımın, Nöbö Dib Jisas nugw pön, nöbö mö nuŋwa mıjnıŋö, rön, röbö palmä. ⁶ Nıŋ röbö palım nugugırön, Pol imag nuŋwa ñıgö rola ñıgmın, Inöm Leia ñıgö pöl höm, ñıŋ aj il hör akuyöbö ñıgön mönö il nugwölıbä ñıg gırön, God mönö wä aku yad nölmä. ⁷ Nöbö akuyöbö möl sö piaku aliö almä.

⁸ Pol mıłmej mös paŋ, Juda nöbö mö mögum rıb rama hem bla pısaŋ, God nöbö mö pön nugwidıx mıdıb mönö aku nugw pıŋ, me rön, usüsör rön, wöxnö ör mönö ñıgıp duön yadmıdöŋa. ⁹ Makwam nöbö mö bli rıb mag ñıŋa yuö ñıŋ akwör mıdöŋa nugwön, Pol mönö yadöŋ aku nugwöınıŋö, rön, nöbö mö magalıg mıdim mıbıl yöra duön, Nöbö Dib Ödöi Nuŋ aku mönö gwogwo yadmä. Aliö rımın, Pol nöbö mö Jisas nugw pim akuyöbö ñıgör yölıŋ pön du, Tiranas skul ram dib aku duön, wop paŋ paŋ ñıgö mönö yad nöł gır mıdmıda. ¹⁰ Pol aliö yad nöł gır mıdmın, kım mös yönмін mönö, Juda nöbö mö bla ñıgön, Grik nöbö mö bla ñıgön, Esia Propins mıdim akuyöbö magalıg Jisas mönö wä aku nugumä.

Sipa ha nuŋ bla

¹¹ God nuŋ Pol pısaŋ mıdöŋa nugwön nuŋ ap rölıbä keıryöbö bli rımıdöŋa. ¹² Nöbö mö bli ñıŋ Pol agsıp wölıj ap nuŋ bla pön du, nöbö mö wöj pıłmıdim piaku mıxıñ ñıŋa calım, öbıl

dum+dmä; ragwo as nöbö mö öim n+gm+doŋ pi-aku ñiŋ kwo algör röpiŋ riŋadö dum+dmä.

¹³ Juda nöbö mö bli ñiŋ kij rön, ragwo as bla yad riŋö abön yön+dmä. Makwam mai, Pol ri+m+doŋ akuyöbö nugwön, an kwo algör ör Nöbö Dib Jisas iba yadiŋ, ragwo as riŋö duŋ, me rön, ragwo as bla nöbö mö öim n+göŋ akuyöbö ñigö yadmä, “Pol mönö nuŋwa yadm+dmä nöbö aku Jisas, ib nuŋwa yadm+dmä aku nugwön, röu duö!” ri+mä.

¹⁴ Makwam God ap höjöpäl ur nölb nöbö dib ödöriö i Sipa, ha nuŋ akuyöbö miŋ sö aliö m+dmä.

¹⁵ Makwam wop i ñiŋ, ragwo as yad abniŋö, rön, aliö ri+m+dmä nugug+rön, ragwo as öim n+göŋ nöbö aku mönö ñiŋ aku nugwön ñigö painö yadoŋa, “Ni Jisas nugula, Pol nugwo nugula, ji ñiŋ agö nöbö bil+m?” röŋa. ¹⁶ Aliö rön, ragwo as öim n+göŋ nöbö aku ölsö diba rödön ñigö wöktaitö röbön, mi göj göj pal höuöilmel rön, wöliŋ ñigö bla pi waglöx ab+m, ñiŋ wop akwör ram aku röböxön, hañ kapa bör dumä.

¹⁷ Makwam mönö aku, Juda nöbö mö aipam, Grik nöbö mö aipam Epesas m+dmä akuyöbö magaliŋ nugwön, ölölö ri+m+dmä ipöxön, Nöbö Dib Jisas ib nuŋ akwör yadm+dmä bil sö duöŋa. ¹⁸ Alm+dmä, nöbö mö Jisas nugw pim bla m+ga akwör hö mögum rön, ap agap bil+m ri gwogwam rim piaku yad wöxnö n+gmä. ¹⁹ Kij ap bla rön köp kai kiŋ n+gim piaku, kij ri+b nöbö bli köp piaku pön höm, nöbö mö magaliŋ nugugu m+dmä nugug+rön, ñiŋ ri+n ab ur+m yönöŋa. Köp ap piaku, riŋ mag silpa wob+dmä in wödm+dmä, pipti tausan (50,000) duöŋa.

²⁰ Makwam taun dib Epesas almɨdim aku, Nöbö Dib mönö wä piaku piaku du ölsö pɨɨm duöŋa.

Epesas nöbö mö mönö ua niŋmä

²¹ Makwam mai, God Inöma nuŋ Pol nugwo rɨba nölmɨn, Pol yadöŋa, “Nɨ Masedonia duön, Akaia duön, Jerusalem dina. Makwam mai Rom kwo algör ör dinö,” röŋa. ²² Pol aliö rön, nöbö hogwa nuŋ pɨsaŋ mabö rɨmɨdmä, Timoti Erastas yöŋö ñiŋgö yad abmɨn, Masedonia Propins dumä. Nuŋ piöŋö Esia Propins wop mɨŋi uplöp mɨdöŋa.

²³ Pol Epesas mɨdöŋ wop mibɨl yöraaku, Epesas nöbö mö bli öbɨlön, Nöbö Dib Ödöi Nuŋwa mönö wä aku nugw pim nöbö mö akuyöbö ñiŋgö nugumɨn, ölsö wölmɨn, nuö nuö rɨbä maga rɨmä.

²⁴ Makwam nöbö i, ib nuŋwa Demitrias, nöbö nuŋ bli pɨsaŋ rɨg silpa pön, höjöpəl gɨr mɨdim god inakmönö iba Atemis, me rɨmɨdim aku, ram ulmɨdö kitɨb wä bli rɨ niŋiŋm, nöbö mö bli hön wob pön du niŋgön, mö dib ana Atemis nugwo höjöpəlɨb ram aku, me rön, höjöpəl gɨr mɨdmɨdmä. Nöbö piaku mabö aku rön, rɨg diba pɨmɨdmä. ²⁵ Demitrias nuŋ, mabö nuŋwa rɨmɨdim nöbö akuyöbö aipam, mabö ñiŋ rɨmɨdim akuyöbö rɨmɨdim nöbö bla aipam yadɨm, hö mögum rɨm yadöŋa, “Ñiŋ nugwöia, an mabö paŋyöbö akwör rön rɨg diba pöla. ²⁶ Makwam weik nöbö Pol nuŋ hön, nöbö mö akuyöbö ñiŋgö inakmönö hörön yadmɨda, ‘Imag pön röi ap piaku höjöpəlɨba wöhö,’ rɨmɨda. Aliö rɨmɨdmɨn, Epesas yörik aipam, Esia Propins yuadö magalɨg aipam, nöbö mö mɨga mönö

nuŋwa pöia. ²⁷ Pol inakmönö aku höraŋ, nugw pön, an ap ri niŋm+n wobm+doi aku, mai wobeñ. Makwam adakwör yadm+doi. An keir aipam, nöbö mö Esia Propins yuadö magaliŋ aipam, nöbö mö mögöri+b hör piaku piaku magaliŋ aipam, god diba Artemis nugwo höjöpälöla. Makwam Artemis nugwo röböxön, nugwo höjöpalm+doi ram dib aku kwo algör röböxbä maga rö, rön, yadm+dlö,” röŋa.

²⁸ Demitrias aliö ri+m+n, nöbö piaku nugum+n, mi ölisö diba wölm+n, ajmöla aj halön yadmä, “Artemis Epesas yöbö nuŋ god dib ödöriö! Artemis Epesas yöbö nuŋ god dib ödöriö!” ri+mä. ²⁹ Aliö mönö diba yadm+n dum+n nugug+rön, nöbö mö taun dib aku magaliŋ hön, Pol nöbö nuŋ hogwa pi ci+ci niŋön, pön pi+ip du mönö yad+b kau aku pön dumä. Pol nöbö nuŋ hogw aku Masedonia Propins yöbö. Niŋ Pol pi+saŋ yönmi+dmä. Ib niŋ hogwa aku Gaias Aristakas yöjö. ³⁰ Pol piöŋö, nöbö mö hö mögum rön mönö yadm+dim mib+i yöra dinö, röŋ aku, ji nöbö mö Jisas nugw pim akuyöbö nugwo wöhö ri+mä. ³¹ Makwam Esia Propins gapman nöbö dib bli, Pol nöbö nugub nuŋwa makwam, nugwo mönö abön yadmä, “Nöbö mö mönö yad+b kau yöra hö mögum rön mönö yadm+doi yöra ku dum+i+j+nö wöhö,” ri+mä.

³² Makwam nöbö mö mi+ga akwör hö mögum rön, mönö diba yadön, mönö mi hör+rör yadmä. Nöbö mö mi+ga akwör niŋ mönö ila mi+da nugwön yadm+döl aku, me rön, nugwölim; am+n ör yadmä. ³³ Makwam Juda nöbö bli, nöbö an

Aleksada ñigö yad ri abön+ñö, rön, nugwo nöbö mö ajmag ada abön, nöbö mö bli mönö adö bli al aliö yajön+ñö, rön, wö r+ yadm+n, nuñ mönö yad+ba rön, ñigö mönö p+m+jeñ+ñö rön, imaga c+c+mu nölöña. ³⁴ Aleksada imaga p+ c+c+mu r+ nölm+n nugug+rön, nöbö mö bla nugum+n, nuñ Juda yöbö nöbö i nugwön, ajmöla aj halön mönö adö pañyöbö iör wö diba r+ yadön yadmä, “Atemis Epesas yöbö nuñ god dib ödöriö! Atemis Epesas yöbö nuñ god dib ödöriö!” me rön, mönö adö pañyöbö akwör pañör wö wop m+ixil mag m+ñi rön yadm+dmä.

³⁵ Ñiñ tu aua iör aliö wö r+ yad m+d+m m+d+m, mai nöbö taun gapman mabö rön, kai k+ti+b nöbö dib ñiñ aku öb+lön, ñigö yadöña, “Dar mijne!” röña. Aliö r+m+n r+m+n, tar m+d+m nugug+rön, nuñ yadöña, “Epesas nöbö mö. Mögör+ib an k+, god dib Atemis r+g anau nuñwa m+jöi adöx sebö mölöd p+nöñ aku pön, ram ur n+g ri abön, höjöpälön röi aku, nöbö kai nugwölö, rön, mönö ua n+gm+döi? ³⁶ Mönö aku, nöbö mö bla magal+g mödö nugwöia. Makwam, ñiñ tar m+dön gwogwam r+m+jeñ. ³⁷ Makwam ñiñ pön höi nöbö hogw k+, god an Atemis nugwo yad mönö n+gön, höjöpäl+ib ram nuñ aku ap bli kib pölöi aku, ji ñiñ pön yörik höia. ³⁸ Makwam, Demitrias mönö nöbö nuñ bli nöbö i ñigö mönö diba yad+ba r+m+jöñ aku, mönö diba p+ nuöm n+g+ib nöbö bla m+döi yöra duön mönö yad+ñ, ñiñ mönö dib aku nugwöña. ³⁹ Makwam ömörö mönö bli m+jön aku, gapman mönö p+ nuöm n+g+ib nöbö nugugu m+d+ñ nugug+rön, mämäg il rol ñiña

yadɪŋ nugwɪŋ. ⁴⁰ An weik yörɪk hö mögum rön, mönö ua nɪgmɪdöl aku, mönö il i mɪdɪm mönö nɪgmɪdölöl. Gapman nöbö dib ödöriö i, ‘Pödpöd rɪmɪn hö mögum rön aliö almɪdöinjö,’ rɪmɪn, mönö painjö i yadɪb maga nɪgölö,” röŋa. ⁴¹ Nuŋ aliö rön, nöbö mö bla ñɪgö yad abmɪn, hörɪrör dumä.

20

Pol Masedonia Propins duön, Akaia Propins duöŋa

¹ Makwam nöbö mö bla mönö diba nɪgmɪd pörön, ram ñɪŋ bla hörɪrör dumä. Pol Jisas nugw pim nöbö mö piaku ñɪgö yad wö rɪm, hömɪn, ñɪŋ wahax pön rɪb wä yöx nugu gɪrön, Jisas nugw pɪ gö nɪg gɪrön rɪ mɪdɪŋ, me rön, nuŋ mönö bli yad nöl ri abön, “Ñɪŋ yörɪk mɪjne,” rön, ñɪgö röböxön Masedonia Propins duöŋa. ² Duön, piaku rɪp yön gɪrön, nöbö mö Jisas nugw pim piaku, ñɪŋ wahax pön rɪb wä yöx nugu gɪrön, Jisas nugw pɪ gö nɪgön rɪ mɪdɪŋ, me rön, nuŋ mönö bli yad nöl ri abön rɪp duön, Akaia Propins uröpɪnöŋa. ³ Akaia Propins uröpɪnön, mɪlmej mös paŋ piaku mɪdön, bɪyöja pön Siria Propins dinö, röŋ aku, jɪ nuŋ mönö i nugwöŋa, Juda ada nugwo pɪl pal nɪgɪba rɪmɪdmä. Mönö aku nugwön yadöŋa, “Il ila akwör höbkal Masedonia dinö,” röŋa. ⁴ Makwam Pol nuŋ pɪsaŋ yönmɪdim nöbö bla ib aku: Piras ha nuŋwa Sopata taun dib Beria yöbö nöbö aku; Aristakas Sekadas yöŋö taun dib Tesalonaika yöbö nöbö hogwa aku; Gaias taun dib Debi yöbö nöbö aku; Ticikas Tropimas yöŋö Esia Propins yöbö

nöbö hogwa aku; Timoti aku. ⁵ Nöbö piaku ñiŋ höd duön, taun dib Troas duön, aniŋ pöx miðmä. ⁶ Makwam wop dib Bred Is Aliğ Nımöl+ib wop aku hö dum+in nugugırön, biyöja pön, wop akuyöbö möm+id sö mib+il höl+mön, Troas duön, nöbö höd duim piaku pi+saŋ du paŋör miðdön wop akuyöbö mi+j sö piaku miðmi+ŋa.

Pol ha wöröxöŋ i nugwo ri+mi+in, höbkal öbilöŋa

⁷⁻⁸ Inpi+lö paŋyöbö i Troas miðmi+ŋ aku, wop agñi+ŋ aku, bred pi gi+lix ni+mi+ba rön, ram yuadö möl bi+il sö wölu mögum rön, Pol, aiaŋ dinö, rön, mönö yadi+m nugugu miðmi+ŋa. Aliö nugugu miðmi+in miðmi+n, pi+mag gur+im, höti+kö mi+ga ur bi+il yör sö ni+gön, Pol mönö yadmi+döŋ aku nugugu miðmi+ŋa. ⁹ Makwam ha nöbö i mokwac möla römi+dön, Pol mönö yadmi+döŋ aku nugugu miðdöŋa. Ib nuŋwa Yutikas. Nuŋ aliö nugugu miðmi+n, in+imö göj ni+gm+in, göuröduiö rön, ri+mi+dköp bokwi+r pi+n du mi+grö bö pal wödöŋa. Almi+n, ñi+ŋ du yör bö pi nugumi+n, mi aŋadö wöröx gi mi+döŋa. ¹⁰ Pol nuŋ piöŋö yör bö duön, ha aku nugwo uma uma pön, yadöŋa, “Ri+bi mi+ga yöxm+i+jeñ; nuŋ kömö mi+dö,” röŋa. ¹¹ Pol aliö rön, höbkal ram yuadö bi+il sö wöluön, bred bli pi gi+lixön, ni+giö ni+gön paŋör ni+mön, iswob mönö yad mi+d+im mi+d+im, ruö löum mil pör+im nugwön duöŋa. ¹² Makwam ha nöbö pi+n pal wöd wöröxöŋ aku, nuŋ kömö rama duön mi ödöriö wahax pi+mä.

Pol Troas röböxön, Mitilini duöŋa

¹³ Pol aniŋ yadöŋa, “Ñi+ŋ biyöja pön, taun dib Asos du mi+jöña; ji ni il ila adö wön, taun dib aku

b̄iyōja pañör pön mögöriþ Mitilini duñö,” röña. Aliö riþin, an b̄iyōja pön Asos dum̄ña. ¹⁴ Asos duön, Pol nugwo pön, mögöriþ Mitilini dum̄ña. ¹⁵⁻¹⁶ Löum yöbö Mitilini röböxon, röbö wödoböñ mögöriþ Kaios il yöra uröþinm̄ña. Löum aku, röbö wödoböñ mögöriþ Semos uröþinön, Pol nuñ riþ i yöx nugwöña, Epesas duön, höimöliö m̄da akwör duön, Pedikos wop aku Jerusalem nugup maga m̄dölö, rön, riþyöx nugwöña. Makwam, an Epesas adaku pedöx pedöxiþ duön, anadö taun dib Mailitas dum̄ña.

Pol Epesas nöbö mö ñigö yadöña, “Ni anadö dum̄dlö,” röña

¹⁷ Taun dib Mailitas uröþinön, Pol mönö abm̄in, Epesas dum̄in, nöbö mö Jisas nugw pim bla nugwidix m̄dm̄dim nöbö akuyöbö ñigö yadöña, “Ni Mailitas m̄dil yörik hönö,” röña. ¹⁸ Aliö riþin, nöbö piaku höm̄in, ñigö yadöña, “Höd Esia Propins ñiñ yöra hön, ñiñ piþañ m̄dön, m̄diþ dum̄dön, agap apim riþm̄dil aku nugwöia. ¹⁹ Ib na piþmön biþ sö duölöñ. Nöbö Diba mabö nuñ aku riþmön nugugirön, Juda nöbö mö ni ri gwogwam rön riþin nugugirön, im girön mönö yad nölmön duöña. ²⁰ Niñ nugwöia, ni Jisas mönö wä nuñ i röböxölim, ji mögum röi kau akuyöbö aipam, ram niñ akuyöbö aipam duön, agö mönö ñigö ri nöiön aku magaliþ amniþab yad nölmön duöña. ²¹ Niñ Juda nöbö mö bla niñgön, Grik nöbö mö bla niñgön, mönö öliþö yadön döñö, yad nöli ri abön yadmön, ‘Ap kib mag gwogwo röi aku, pödpöd

rımın aliö alölinjö, rön, röböxön, God yad mönö aku pön, Nöbö Dib ana Jisas nugw pine,’ rıma.

²² “Makwam weik nugwi! God Inöma nı nag röxg nıgön, pön Jerusalem dumıd aku, nı agö magım cön aku nugwöi. ²³ Makwam nı nugula, taun dib piaku piaku uröpınımön, Inöm Leia nuñ nı öim yada, ‘Nagö Jerusalem duañ, nagö nag nıgıñ, öliöx mıjnañö,’ ra. ²⁴ Makwam aku mönö mıdöl. Nı keir ör mıd ri abnö, rön, aku rıbyöx nugwöi. Nı paiöñınjö, rön, ipöxöi wöhö. Nöbö Dib Jisas, nı yad nıgöñ mabö akwör rıbyöx nugwön, God an uliöxön pı mönö wä aku, yad nöl gör mıjna. Nı rıb pañyöbö akwör yöxön, duön, ödöi aku añadö dina.

²⁵ “Makwam nı nugula, ñınjö nöbö mö piaku pik magalıg, God nöbö mö pön nugwidıx mıdıb mönö aku yadmön nugwöi bla, nı iswob nugweñ wöhö. ²⁶ Nı weik duba rön, ñıgö wöxnö yadmıdla, nöbö mö bıł kai God mönö wä aku nugw pölön, ölinjö höb diba pı mıjjoñ akuyöbö, aku ap ñınjö keir, nı wöhö. ²⁷ Nı God ap agap apım rıba rımıd mönö aku i röböxöi, wöhö; magalıg mı ödöriö ñıgö yad nöila. ²⁸ Ñınjö keir nugw ri ab gı mıjjoña; Inöm Leia yadmın nöbö mö nugwidıx mıdöi bla aipam nugw ri ab gı mıjjoña. Nöbö hön sipsip urıb piaku hön sipsip ñınjö bla nugwidıx mıd ri aböi mag akuyöbö, ñınjö kwo algör, God nöbö mö nuñ bla, hañ nuñwa keir wobön höbkal pöñ nöbö mö piaku, ñıgö nugwidıx mıd ri ab gı mıjjoña. ²⁹ Nı

20:23: Apos 9:16; 21:11 **20:24:** Apos 21:13; 2Tim 4:7 **20:28:** 1Tim 4:16; 1Pit 5:2-4 **20:29:** Mat 7:15; Jon 10:12

nugula, ni dumön, wönö höpebö bla hön, hön sip-sip ñiñ uröi piaku bli öbix nimöña. ³⁰ Makwam nöbö mö mibitl ñiñ aku midöi bli kwo algör ör, nöbö mö Jisas nugw pöi piaku ñigö p+x+p pön duñ, ñiñ an p+sañ duñö, rön, inakmönö hörön ñigö yajöña. ³¹ Makwam ni kim mös pañ, mögörtib ñiña Epesas midön, mil p+xmag yuö, ñigö liblib ritim, im girön, ñigö magalig pañ pañ yad nöi ri abma. Mönö yad nöim aku uplöbmijeñ; nugw ri ab g+ mijöña.

³² “Ni ñigö God inso rol nuñwa nigön, mönö wä nuñ aku, nuñ nöbö mö uliöx mönö wä rol aku nigön, dumidla. God ñigö p+sañ mijöña. God mönö wä nuñ aku nugw pimijöñ aku, nuñ ran, ñiñ Jisas nugw pi gö nigön, nöbö mö nuñwa keir midön, ap wä wä nöbö mö nuñwa nöliba ritimid aku pöña. ³³ Ni ñiñ p+sañ midim wop aku, nöbö mö bli ritg gol, ritg silpa, wölitj ap ñiñ piaku sö röim. ³⁴ Ñiñ nugwöia, imag na keir mabö rön, nöbö ni p+sañ yönmidöl piaku p+sañ ap mag nitmön wölitj wob yömön midmidöla. ³⁵ Makwam ni ritl mag akuyöbö, ñiñ kwo algör rön, nöbö mö liblib rit midö bla ñigö pi ösös rit nöiöña. Nöbö Dib ana Jisas nuñ keir mönö yadöñ aku nugugu mijöña. Jisas nuñ keir yadöña, ‘Nöbö bli nañ ap nöiöñ aku, nañ wä cöna; jit nañ nöbö mö piaku ap nöinö aku, nañ mit wä cönitjö,’ rö,” röña.

³⁶ Pol mönö aku yad pörön, Epesas nöbö mö Jisas nugw pim bla ñigö nugwidix midmidim nöbö bla p+sañ höxmax yuön, God höjopalöña.

37 Pol höjöpalmın nugugırön, ñıη im gırön, nugwo pı wob gırön, alguna bımıl nımımä.
 38 Mai hañaj mämäg yuö na aku nugweñıηö, rön mönö aku nugwön, ñıη mı ödöriö ögwö yöxön, im gır mıdmä. Al gırön, Pol nugwo mibıl nıg pön du bıyöj möla abmä.

21

Pol bıyöja pön Jerusalem duba duöña

1 Makwam an Epesas nöbö mö bla, “Ñıη yörık mıjne,” rön, bıyöja pön dumıña. Hödal hö ri abım, paxdöriö akwör du du, röbö wödoböñ mögöriıb Kos dumıña. Löümın, Kos röböxön, röbö wödoböñ mögöriıb Rodos dumıña. Löümın, Rodos röböxön, taun dib Patara dumıña. 2 Taun dib Patara duön nugumın, bıyöj i mögöriıb Pönisia duba rımıdöña. Makwam, an bıyöj aku pön dumıña. 3 Dumıd dumıd, röbö wödoböñ mögöriıb Saıpras imag cökö adö mıdım nugugırön, dumıd dumıd, mögöriıb Siria igöp hön mönö, ömdö yogw ap bla pı abıba du taun dib Taia añöi nıgmıña. 4 Taia du añöi nıgön, du nöbö mö Jıas nugw pim piaku ñıgö hölu nugwön, ñıgö pısañ inpılö pañyöbö i mıdmıña. Makwam God İnöma nuñ ñıgö rıbyöx nölmın, ñıη Pol nugwo yadmä, “Jerusalem duba rımıdlö aku, dumıjınö,” rımä. 5 Makwam duba rımıñ mag aku, nöbö mö Jıas nugw pim piaku, nöbö mö, halöu ha ñıη bla magalıg anıñ pön du taun dib ödöi rıñadö röbö pö yöra duön, ñıgö pısañ höxmax yuön, God höjöpalmıña. 6 Makwam an, “Ñıη yörık mıjne,”

rımın, ñın an painö, “Ñın piaku dinö,” rımın, an du biyöj möla dum nugugırön, ñın höuöil ram ñına dumä.

Agabas, Pol nugwo al aliö cöñınö, röña

⁷ Makwam an biyöja pön, taun dib Taia röböxön, du taun dib Tolemis anöi nigmına. Anöi nigön, nöbö mö Jisas nugw pim akuyöbö ñıgö, “Ñın mıdöin ä?” rön, wop mıdöy ñıgö pısan mibıl yöraku mıdmına. ⁸ Löum yöbö wop aku ñıgö röböxön, du Sisaria uröpınön, Pilip rama du hölimına. Nuñ Jisas mönö wä yad nöl yönıb nöbö i. Nöbö Pilip aku, nuñ höd Jerusalem mıdön, nöbö akuyöbö inösu sö pısan ap mag nuöm nigmıdöña. ⁹ Makwam nöbö Pilip aku, halöu nuñ mös mös, Jisas mönö wä aku yad nölmıdmä. Halöu piaku ñın nöbö pölim.

¹⁰ An Pilip pısan mıdmın wop mibıl yöra, God mönö yadıb nöbö Agabas mögörıb Judia yöbö höña. ¹¹ Agabas nuñ hön, Pol amanö nuñ aku pön, in wajmag nuñwa keir nag nigön yadöña, “Inöm Leia nuñ yada, ‘Nöbö amanö mınöbö kı, Juda ada Jerusalem yöra nugwo nag nigön, pön du Juda nöbö mö yöi akuyöbö ñıgö nöiöñınö,’ rıgö,” me röña.

¹² An magalıg mönö aku nugwön, Pol nugwo mı usüsör rön yadmına, “Jerusalem dumıjınö,” rımına. ¹³ Aliö rımın, Pol painö yadöña, “Nı pödpöd rımın uliöxön imımın, madmag na ölin pıl? Nı Jerusalem duön, ‘Nöbö Dib na Jisas,’ me

cina. Ñiŋ mönō aku nugwiŋ, ölsö wölaŋ, ni nag niğöñiŋönö anadö pıl pal niğöñ aku, ipöxöin. Amin du yajinö,” röŋa. ¹⁴ Makwam an Pol nugwo aliö yad wöhö riö duön röböxön yadmiŋa, “Nöbö Diba nuŋ keir nugw mag akuyöbö cöniŋö,” riŋmiŋa.

Jerusalem nöbö mö Pol nugwo yad höimöumä

¹⁵ Makwam an aliö Sisaria miðön, Jerusalem dinŋö, rön, ap an bla ri piðilu niğön, dumŋa. ¹⁶ Nöbö mö Jisas nugw pim Sisaria yöbö bli piŋsaŋ Jerusalem dumŋa. Ñiŋ aniŋ pön du Neson rama niğim, piŋsaŋ höliŋmiŋmiŋa. Nöbö Neson aku Saipras yöbö. Nuŋ höd ör Jisas nugw pöŋa.

¹⁷ Jerusalem uröpiniŋa, nöbö mö Jisas nugw pim piaku magaliğ aniŋ nugumiŋ wä röŋa. ¹⁸ Idöm Pol an piŋsaŋ Jems nugwo mönö yadiŋa dumŋa. Jerusalem Jisas nugw pim nöbö mö bla nugwidix miðmiðim nöbö piaku magaliğ hö mögum rön miðmä. ¹⁹ Makwam an uröpön, Pol niğö, “Ñiŋ miðöiŋ ä?” rön, God nugwo nugwidix miðmiŋ nugugiŋrön, mögöriŋ piaku piaku yönön, Juda nöbö mö yöi piaku ap agap bilim röŋ haiwo piaku magaliğ nöbö piaku yad nölöŋa. ²⁰ Pol aliö haiwo urmiðmiŋ nugwön, God nugwo ri ablaŋe rön, Pol nugwo yadmä, “Nöböhöd. Nagö nugulö, Juda nöbö mö miğa ödöriö Jisas nugw pöi aku, ji mi usüsör rön yadöia, ‘An Juda nöbö mö miðöla. Makwam, Juda lo adakwör ciniŋö,’ röia. ²¹ Makwam Juda nöbö mö piaku bli Jerusalem ki hön, ‘Pol nuŋ, Moŋis mađuar ör lo mönö kai

kitōŋ aku rōbōxōn, an Juda ada riḡ rōl adaku rōbōxōn, Juda nōbō mō rōd du Juda nōbō mō yōi miḋōi mōḡōriḋ mib+l akuyōbō ñiḡō yada, “Ha ñiŋ bla uñ ödōrmijeñ; Juda ada rōi mag akuyōbō riḋmijeñiḡō,” ri ḡō, me rōia. ²² Nagō wopik Jerusalem ki hōlō makwam, mōnō aku piaku piaku duañ nugwōña. Makwam, an pōdpōd ciŋiḡō, rōn, mōnō aku niḡiḡp dumina. ²³ Mōnō yadiḡp dumidōn, mōnō adō paŋyōbō i yad niḡmiŋ aku wopik nagō yadiŋ, naŋ nugwōn mai duō. Nōbō ana ki nōbō mōs mōs, mōnō ōlīsō ma God nugwo yad niḡmiḋōliḡō, rōia. ²⁴ Aliō alōi aku, God nugwo ap pal hōjōpal ur nōliḋba riḋmiḋōia. Makwam, nagō du wop bli ñiḡō piḋsaŋ miḋōn, ap kai kai rōn God māmāḡ il rola leia miḡōñ aku, nagō ri nōl ri abōn, ap God hōjōpal ur nōiōñ piaku nagō wob nōlōn, ñiḡō ri nōlōn mōnō, mai yōcmac panō ñina wōxōña. Aliō almiḋaŋ mōnō, nōbō mō piaku magaliḡ nugwōña, nagō yadōi mōnō akuyōbō inakmōnō hōrōia. Ñiŋ nugwōña, nagō Juda nōbō makwam, an Juda ada riḋmiḋōl mag akwōr riḋmiḋlō. ²⁵ Makwam Juda nōbō mō yōi Jisas nugw pim akuyōbō ñiḡō kōp kai kit nōlōn yadmiŋa, ‘Nōbō mō bli god inakmōnō piaku nugwo ap hōjōpal ur nōinōb, urap hōn ap bla pōn du palmiḋiŋ, ñiŋ niḋmmijeñ. Urap hōn ap bla haña niḋmmijeñ. Urap hōn ap bla irōpa nag wabiḋlōn piḋxiŋ wōrōxōñ aku, niḋmmijeñ. Mō kib nōbō kib riḋmijeñ,’ rōn, kōp kai kit nōlōliḡō,” riḋmā.

²⁶ Aliō riḋmiḋmiŋ, Pol mōnō ñina pōn, löum

nöbö igwö sö ap höjöpäl ur nöliba rim nöbö piaku pisan, ñiη ap kai kai rön God mämäg il rola leia mijöñ aku, r+ ri abön, God höjöpäl+ b rama dumä. Duön, Pol nöbö nugwid+x m+dim bla ñigö yadöηa, “An wop akuyöbö inösu sö hör m+dön, weik wop mij aku ap bli hör+rör pön hön, God höjöpäl ur nöin+ηö,” röηa.

Juda nöbö mö Pol nugwo p+ c+c+ n+gmä

²⁷ Pol aliö rön, ñiη ap pödpödiö God mämäg il rola leia mijöñ aku r+p duön, mij sö wop aku womiöx höm nugug+rön, Juda nöbö mö Esia Propins m+dön hem bli nugum+n, Pol God höjöpäl+ b rama ram möl yuadö m+döηa. Nuη m+döη yöra nugwön, nöbö mö m+dim akuyöbö mönö yadm+n, ñiη ölsö rödön Pol nugwo p+ c+c+ n+gmä. ²⁸ Pol nugwo p+ c+c+ n+gön, wö diba rön yadmä, “Nöbö mö Isrel ruai. Nöbö k+ nuη mögö+r+ b hör piaku piaku magal+g yönön, nöbö mö piaku ñigö mönö inakmönö hörön, an Isrel nöbö mö aipam, lo an aipam, God höjöpäl+ b ram k+ aipam mönö gwogwo yadm+da. Makwam adakwör, wopik nuη Juda nöbö mö yöi akuyöbö God höjöpäl+ b rama ram möl yuadö duöl+ b piaku, ñigö am+n yöliη pön ha. Makwam, nuη ram lei k+ r+ gwogwam rö,” r+mä. ²⁹ Ñiη mönö yadmä aku, r+ b ñiηa keir yöx nugwön inakmönö hörmä. Pol hör Tropimas p+san Jerusalem mib+il me blaku yön+m+dim nugug+rön, r+ b ñiηa keir yöx nugwön yadmä, “Pol nöbö Tropimas Epesas yöbö aku p+san God höjöpäl+ b rama ram möl yuadö duöiηö,” r+mä.

³⁰ Ñiŋ aliö rimiŋ, mönö aku nöbö mö akuyöbö magaliŋ nugwön, piaku piaku hön Pol nugwo piŋiŋ pön du God höjöpaliŋ rama riŋadö bö abön, riŋ pia uba ŋölmä. ³¹⁻³² Nöbö mö miŋa mönö diba niŋ giŋrön, öliŋ rödön Pol nugwo aŋadö piŋ pal niŋgiŋba rimiŋdmä. Makwam almiŋdim mönö aku Rom ami nöbö dib ödöriö miŋdöŋ yöra dumŋiŋ, nuŋ ami nöbö nugwidix miŋdmidöi nöbö dib nuŋwa bli pön, ami nöbö bli pön, yadkap du nöbö mö mögum ri miŋdim yöra uröpŋnmiŋ nugwön Pol nugwo pal höuöilmel rimiŋdim aku röböxmä.

³³ Ami nöbö dib aku hön, Pol nugwo piŋ ciŋiŋ niŋgön, nöbö nuŋ bla ñiŋgö yadöŋa, “Ñiŋ nugwo sen mös niŋgönö,” röŋa. Aliö rimiŋ, riŋ yadöŋ mag akwör rimiŋ. Makwam nuŋ nöbö höd miŋdim bla ñiŋgö yad nugwöŋa, “Nuŋ ap agapiŋ rimiŋdmiŋ nugwo almiŋdöi?” röŋa. ³⁴ Aliö rimiŋ, ñiŋ mönö höriŋrör yadön, mönö nuö nuö diba yadmä. Almiŋdim, ami nöbö dib aku mönö il i nugwölön, nöbö nuŋ pia yadöŋa, “Nugwo pön du ram öliŋ dib ñiŋa pön dinö,” röŋa. ³⁵ Aliö rimiŋ, ami nöbö ñiŋ Pol nugwo pön du ubaliŋa il yöra uröpŋnmiŋ nugugiŋrön, nöbö mö miŋ miŋa paŋör duön Pol nugwo yadyöxön, piŋ palön, nuö nuö pal raiu abmiŋdmä nugwön, ami nöbö bli Pol nugwo piŋ ragpiŋd niŋ ragön, ram möl yuadö ñiŋa pön dumä. ³⁶ Makwam nöbö mö piaku ñiŋ mönö öliŋ yadön yadmä, “Nugwo aŋadö piŋ pal niŋgiŋ!” rimiŋ.

³⁷ Jiŋ ami nöbö bla Pol nugwo pön du ram möl yuadö bö duba rimiŋ nugugiŋrön, Pol ami nöbö

dib ödöriö aku nugwo yadöŋa, “Mönö nî i nagö yaj+nönö?” röŋa.

Aliö rîmîŋ, ami nöbö dib ödöriö aku yadöŋa, “Nî nugula naŋ Grik mönö nugulö. ³⁸ Nî rîbyöx nugula, wa, nagö aku nöbö Ijip yöbö, nöbö nuö nuö röi po tausan (4,000) akwör pön, pön du mögöriþ rîg kap mibîl piaku umadiö mîdmä, naŋ nöbö akwör, me rön nugula. Makwam nagö Grik mönö nugulö aku, nagö nöbö aku wöhö,” röŋa.

³⁹ Aliö rîmîŋ, Pol yadöŋa, “Wöhö, nî Juda nöbö i. Nî yöx pön hem taun dib Tasas, Silisia Propins yöraku. Taun dib na aku iba mîda. Makwam nî yöwö ran, nî nöbö mö kiyöbö ñîgö mönö i yad nöinö,” röŋa.

⁴⁰ Pol aliö rîmîŋ, ami nöbö dib aku yöwö rîmîŋ, Pol rîg ub wöl dub rol aku röb gî mîdön, imaga cîcîmu nölmîŋ, nöbö mö akuyöbö mönö röböxmîŋ nugugîrön, Juda nöbö mö ñîgmîdöi mönö aku ñîgön, ñîgö mönö yadöŋa.

22

¹ Pol nuŋ Juda nöbö mö yadmîdöi mönö aku ñîgön yadöŋa, “Acö nöböhöd nöbö. Mönö ñîgö yadîba rîmîdîl aku nugugu mîjne,” röŋa.

² Aliö rîmîŋ, nuŋ Juda nöbö mö yadmîdöi mönö yöbö yadöŋ aku nugwön, mönö mönö pölim; tar mîda akwör mîdmä. ³ Ñîŋ tar mîdîm nugugîrön, Pol ñîgö yadöŋa, “Nî Juda yöbö aku, jî nî yöx pön hem taun dib Tasas, Silisia Propins yöraku. Makwam nî hö Jerusalem kî, mönö yad nöliþ nöbö Gameliel piþaŋ mîdön dib röxîm makwam, nöso

auso nöbö lo mönö kai kai yadim aku magaliḡ nī yad nölm+n, nugula. Makwam, ñiḡ God nugwo pī ösös c+nḡö, rön, mag wä m+da akwör röi aku, nī kwo algör ör r+m+dla. ⁴ Nöbö mö Jisas Ödöi aku duim piaku ñiḡö mī ödöriö rī gwogwam rī m+dla. Ñiḡö p+l pal nḡ+nö, rön, nöbö aipam mö aipam nag nḡön pön du nag nḡm+dla. Makwam bli rī gwogwam rī pön du pal nḡmön, aḡadö wöröxm+dmä. ⁵ Alm+d+l aku, God ap höjöp+al ur nöliḡ nöbö dib ödöriö aku aipam, mönö p+ nuöm nḡ+b nöbö Kansol m+döi nöbö dib bla aipam, ñiḡ ñiḡö yad nugw+iḡ, Pol inakmönö hörö, rön, yadeñ+m; mi yadö, cöña. Wop i nī Damaskas duba r+mön, nöbö dib piaku nī köp bli kai k+ton, Damaskas m+dim nöbö piaku kai k+tmä. Köp piaku kai k+ton yadmä, ‘Pol nugwo nugwid+iḡ m+jöña. Damaskas nöbö mö Jisas nugw pöi piaku ñiḡö nag nḡön, pön Jerusalem kī haḡ,’ me r+mä. Nī köp piaku pön, ñiḡö nag nḡ Jerusalem pön hömön, öliḡ höb pöñ+iḡö, rön, Damaskas duma.

Pol höd Jisas nugw pöḡ, haiwo aku uröḡa

⁶ “Makwam nī köp piaku pön, nöbö bli p+saḡ dum+d dum+d naiö mib+l yörkisö mag aku, Damaskas igöp igöp r+mön nugug+rön, rīb pia mil mag dib keiryöbö adöx yöd röul adö kau sebö i p+nön nī palöḡa. ⁷ Alm+n, nī bokw+r p+m p+n m+grö bö b+r+m+n nugug+rön, mönö i nī yadöḡa, “Sol, Sol, nī pödpöd r+m+n öim rī gwogwam r+m+dlö?” röḡa.

⁸ “Aliö r+m+n, nī yadma, ‘Nöbö Dib! Nagö yön+m?’ r+ma.

“Aliö rîmön, yadöŋa, ‘Nî Jisas Nasaret yöbö; nî öim rî gwogwam rîmîdlö akwör yadmîdlö,’ röŋa. ⁹ Nöbö nî pîsaŋ dumîdmîŋ bla, mil dib aku nugumä, jî mönö mag nî yadöŋ aku audiöx nugwölim.

¹⁰ “Nî piöŋö yadma, ‘Nöbö Dib. Nî pödpöd cînö owa?’ rîma.

“Aliö rîmön, Nöbö Dib nî yadöŋa, ‘Nagö öbîlön, Damaskas duan, nöbö i hön, agap apîm cînö akwör yajönîŋö,’ röŋa. ¹¹ Mil aku mil mag dib abîm, mämäg nî aku aŋadö we wölöŋa. Almîn, nöbö nî pîsaŋ dumîdmîŋ piaku, inŋîlö na pön, inŋröb Damaskas dumîŋa.

¹² “Makwam taun dib aku nöbö i mîdöŋa, ib nuŋwa Ananias. Nuŋ lo ana nugw ri abön, rîg yadöŋ yadöŋ akwör rîmîdöŋa. Nöbö akwör, Juda nöbö mö Damaskas mîdim piaku magalîg yadmä, ‘Aku nöbö wä mîdö,’ me rîmä. ¹³ Nuŋ nî mîdim il yöra hön nî yadöŋa, ‘Nöböhöd Sol. Mämäg naŋa iswob ix nugwö,’ röŋa. Aliö rîmîn nugugîrön, rîb pia mämäg na we wölöŋ aku aŋadö wä rîmîn, ix nugwön nugwo nuguma.

¹⁴ “Almîn, Ananias nî yadöŋa, ‘God nöso auso nöbö an höjöpalmîdim God akwör naŋ pöŋa. Pön, nuŋ ap agap apîm cînö, rön, rîbyöx nugw aku, mag akwör nagö yabuan nugunö. Nuŋ rîbyöx nugwa, nagö Nöbö Kômö Wä nuŋ aku wöxnö nugwön, mönö ajmöl nuŋwa keir yadmîjön mönö aku naŋ keir wöxnö nugunö. ¹⁵ Naŋ God mabö rî nölib nöbö mîdön, nagö agö magîm rîmîdmîn mämäga nugulö aku, mönö bîl kai yadmîdmîn audiöx nugulö aku, nöbö mö bla magalîg yad

nölan nugwöña. ¹⁶ Makwam, pöxölön, öbıl God höjöpälön, röbö yaxan, nuñ ap kib mag gwogwo rılo pıx aku örıx abönıñö, röña.

Juda nöbö mö yöi piaku ñıgö mönö wä na aku yad nölo, röña

¹⁷ “Jisas aliö rımın, rıg yadöñ mag akwör rıma. Mai Jerusalem kı hön, God höjöpälıb ram aku duön, God höjöpäl gır mıdön, rıb nuguma. ¹⁸ Rıb nugwön, nı Nöbö Diba nugumön nugugırön, nuñ nı yadöña, ‘Rımıg Jerusalem röböxön, mögörıb hör piaku duö. Nöbö mö kıyöbö mönö wä na yadmıñnö aku nugweñıñö,’ röña.

¹⁹ “Aliö rımın, nı yadma, ‘Nöbö Dib. Ñıñ keir nı nugwöia, nı höd Juda mögum rıb ram piaku yönön, nöbö mö nagö nugw pim bla ñıgö nag nıgön, mı göj göj palmıdla. ²⁰ Makwam wop i, mönö wä nagö yadıb nöbö Stipen nugwo rıg röd pal nıgım nugugırön, nı nöbö nugwo pal nıgmıdim bla wölıj ñıña pı röd nıgım piaku nugwidıx mıdön, päja yadmö,’ rıma.

²¹ “Aliö rımön, Nöbö Diba nı yadöña, ‘Nı nagö yad abmön, duön Juda nöbö mö yöi mögörıb pad mıdöi piaku dinañö,’ rö,” röña.

Ami nöbö dib aku Pol nugwo nugwidıx mıdöña

²² Juda nöbö mö Pol mönö yadöñ aku nugugu mıdıp duön, Pol nuñ Juda nöbö yöi mönö maga yadöñ aku nugumın, ölsö wölım, ñıñ ajmöla aj halön mönö ölsö yadön yadmä, “Nugwo pı pıl pal nıgi! Nöbö aliö aku kömö mıdenım,” rımä.

23 Mönö ölisö aliö yad gırön, wölij ñiŋa bli pı pugul niğön, hauya pön bıl sö abmın, muömua wöluöŋa. 24 Aliö almıdım, ami nöbö dib ödöriö aku, nöbö nuŋ bli ñıgö yadöŋa, “Nugwo pön ram möl yuadö duön palmıdın, nöbö mö kıyöbö pödpöd rımın nugwo mönö ölisö yadmıdöi mönö il aku ñıgö yad nöiönıŋö,” röŋa. 25 Aliö rımın, nugwo palıba pön duön, nag wabıl niğmä. Jı Pol nuŋ ami nöbö dib il yöraku öbıl gı mıdöŋ aku nugwo yadöŋa, “An Rom nöbö mö lo i aliö mıdöl. Nöbö Rom yöbö ödöriö piaku hör paleñ. Ñıŋ höd mönö diba yadön, mönö pı nuöm niğön, paiöñıŋö,” röŋa.

26 Pol aliö rımın, ami nöbö dib aku du nöbö dib ödöriö aku nugwo yadöŋa, “Nagö pödpöd rımın rımıdlö? Nöbö aku nuŋ Rom yöbö nöbö i,” me röŋa.

27 Aliö rımın, ami nöbö dib ödöriö aku hön, Pol nugwo yadöŋa, “Nagö mı Rom yöbö nöbö me ä? Nı yadaŋ nugunöm,” röŋa.

Aliö rımın, Pol yadöŋa, “Yöwö. Mı, nı Rom yöbö nöbö mıdlö,” röŋa.

28 Aliö rımın, ami nöbö dib ödöriö aku yadöŋa, “Nı rıg dib ödöriö wobön Rom nöbö mıdlö,” röŋa.

Aliö rımın, Pol painö yadöŋa, “Nı Rom yöbö aku yöx pön hem makwam, nı Rom yöbö nöbö mıdlö,” röŋa.

29 Pol aliö rımın, nöbö nugwo nag niğim bla ipöxmä. Ami nöbö dib ödöriö aku, “Nöbö kı Rom yöbö nöbö i kaim jı nugwo nag niğlö,” rön, algör ör ipöxöŋa.

30 Löum yöbö ami nöbö dib ödöriö aku, Juda ada Pol nugwo mönö yadm+döi akuyöbö nugw ri abnö, rön, God ap höjöpäl ur nölb nöbö dib bla aipam, Juda kansol nöbö piaku magal+g aipam, hönö r+m, hö mögum r+m nugug+rön, Pol nugwo du yau pön hön, m+dim mib+l yöra n+göña.

23

Pol Juda Kansol dib nöbö piaku ñ+gö mönö yadöña

¹ Pol nuñ Juda Kansol dib nöbö piaku ñ+gö c+x nugugu m+dön yadöña, “Nöböhöd nöbö. N+ God r+g yad mag akuyöbö öim r+l makwam, r+b m+x+la yöx g+rön m+döio,” röña. ² Pol aliö r+m+dm+n, Ananias, God ap höjöpäl ur nölb nöbö dib ödöriö aku, nöbö il yöra m+dim akuyöbö ñ+gö yadöña, “Ajmöl cuep nugwo painö,” röña. ³ Aliö r+m+n, Pol Ananias nugwo yadöña, “Nagö hanaj s+gi n+g gör m+dlö. Nöbö mö piaku nagö nugum, nöbö wä röxg m+dlö aku, j+ r+b mag nagö yöx nugulö aku m+ gwogwo ra. Aliö yad+l aku, God nuñ painö nagö yajöna. An Juda röl akuyöbö nugwön n+ mönö diba yadlö aku, j+ Juda röl adaku röböxön, ‘Nugwo am+n pali,’ r+m+dlanö,” röña.

⁴ Pol aliö r+m+n, nöbö il yöra m+dim piaku yadmä, “God ap höjöpäl ur nölb nöbö dib ödöriö aku nugwo yad höimöum+dle ä?” r+mä.

⁵ Aliö r+m+n, Pol painö yadöña, “Nöböhöd nöbö. Nuñ God ap höjöpäl ur nölb nöbö dib ödöriö yadö, rön, nugwöi. God Mönö aku kai

kitön yadmä, ‘Nöbö dib ñiη piaku ñigö yad höimöumijeñ, wöhö,’ röiηö,” röηa.

6-8 Makwam Pol nuη nugwöηa, nöbö Kansol dib midim piaku bli Sadiusi nöbö mö riη riηbyöx nugwim riη akuyöbö yöx nugumä, bli Perisi nöbö mö riη riηbyöx nugwim riη akuyöbö yöx nugumä. Sadiusi nöbö bla riη ñiηa yöx nugwön yadm+döia, “Ejol bla midölöi. Inöma midöl. Nöbö mö piaku wöroxön, aηadö wöroxön, öbiöñiηö,” rim+döia. Makwam Perisi nöbö bla riη aliö yöx nugum+dölöi. Riη ñiηa yöx nugwön yadm+döia, “Ejol bla midöia. Inöma midä. Nöbö mö akuyöbö wöroxön, aηadö wöroxöñ; höbkal öbiöñiηö,” rim+döia. Pol nuη yam hör+rör midim aku nugwön, mönö diba yadön yadöηa, “Nöböhöd nöbö. Nöso nöbö na akuyöbö magaliη Perisi yöbö; ni kwo algör ör Perisi yöbö ör. Ni nöbö mö wöroxön öbiöñiηö, rön, yad+m makwam, ni mönö diba yadm+döiηö,” röηa. Pol aliö rim+dm+n, Sadiusi nöbö Kansol dib bla asix hör niηön, Perisi nöbö Kansol dib bla asix hör niηön, mönö nuö nuö yadmä. ⁹ Mönö nuö nuö yadön, mönö bölölö rön, mönö diba niηmä. Aliö rim+n, Perisi ada lo yad nöliη nöbö ñiη bli öbiölön, mönö nuö nuö yadön yadmä, “Nöbö ki ap gwogwo i rö, rön, rim+dölöl. Nuη Damaskas dum+döη wop aku, inöm i mönö ejol i nugwo yad+m nugwön akuyöbö röxga; an nugwölöliηö,” rimä. ¹⁰ Ñiη aliö rön, nuö nuö yad pön dum+d+m nugwön, ami nöbö dib ödöriö aku nugwön, midm+n midm+n aliö yad+p duön Pol nugwo p+ döbdö ri umaumö

nigib maga rö, rön, ami nöbö nuñ bla ñigö yadmin, Pol nugwo yölñ pön du ram dib ram möl ññña pön hö nigmä.

¹¹ Makwam wop aku p+xmag yuö mib:il bö Nöbö Dib hön Pol midön il yöra öb:il gi midön yadöña, “Wahax pön r:b wä yöx nugu gör midö. Mönö wä na aku Jerusalem ki rig yadlö mag akuyöbö, taun dib Rom duön algör ör yadanö,” röña.

Pol nugwo p:il pal nigññö, r:mä

¹²⁻¹³ Löum:n Juda nöbö akuyöbö padokwo padök pañyöbö i höuöiliö hö p:n du adokwebö mij bö (40) hö mögum rön, mönö pañyöbö i yad ödör nigön yadmä, “An Pol nugwo añadö p:il pal nigññña. Nugwo p:il pal nigölöl wop ki, ap n:möin:ñ, röbö n:möin:ñö!” r:mä. ¹⁴ Aliö rön, du God ap höjopal ur nö:b nöbö dib akuyöbö aipam, mönö pi nuöm nigib nöbö akuyöbö aipam, ñigö yadmä, “An mönö ölisö mönö mi ma God nugwo yadöla. Ap maga n:möin:ñö; Pol nugwo añadö p:il pal nigön mönö, mai ap n:mñña. ¹⁵ Makwam, ñññ aipam Juda Kansol dib nöbö bla aipam, Rom ami nöbö dib ödöriö aku nugwo mönö abön, mönö inakmönö hörön yajöña, ‘Pol nugwo yölñ ki pön höñ, nugwo mönö bli kwo yad nugw ri abññö!’ cöña. Ñññ mönö inakmönö aliö yajöñ aku, an lig:na nig gi mid:ñ, nuñ ki hañ, añadö p:il pal nigññö,” r:mä.

¹⁶ Makwam Pol imaln:ñ nuñ aku, Pol nugwo p:l:ba rim mönö aku nugwön, n:ipap Pol nugwo

pön du nîgîm mîdöŋ ram aku duön, nîpap yad nölöŋa.

17 Yad nölmiŋ, Pol nugwön, ami nöbö ñîgö nugwidîx mîdöŋ nöbö i wö rîm, hómîŋ, nugwo yadöŋa, “Ha nöbö kî nuŋ mönö i mîda. Nugwo yölîŋön ami nöbö dib ödöriö mîd yöra duan, mönö aku yadan,” me röŋa. 18 Pol aliö rîmîŋ, ami nöbö aku imalnîŋ nuŋ aku yölîŋön, ami nöbö dib ödöriö mîdöŋ yöra duön yadöŋa, “Kîlabîs nöbö Pol aku yada, ‘Ha nöbö kî mönö i mîda nugwön nugwo yölîŋ pön du ami nöbö dib ödöriö mîd yöra duan, mönö aku yadan,’ me rîmîŋ, nugwo yölîŋ pön höl mîk,” me röŋa.

19 Aliö rîmîŋ, ami nöbö dib ödöriö aku, nöbö mö bli nugwöñîŋö, rön, ha aku inŋpîlö pön, yölîŋ hör hör rîb piaku duön yadöŋa, “Nî mönö yadîba rîmîdlö mönö aku yadö,” röŋa.

20 Aliö rîmîŋ, ha nöbö aku yadöŋa, “Juda nöbö piaku idöm ör mönö abön, mönö inakmönö hörön yajöña, ‘Pol nugwo pön Juda Kansol dib mîdöi aku pön hómîdîŋ, mönö bli kwo yad nugw ri abnîŋö,’ cöña. 21 Makwam, mönö ñîŋ yadmîjöñ aku nugumîjîŋö, wöhö. Nöbö ñîŋ akuyöbö padokwo padök paŋyöbö i höuöiliö hö pîŋ du adokwebö mîj bö (40) Pol nugwo pîl pal nîgön mönö, yörbö ap mag nîmön röbö nîmön cîŋîŋö, rön, mönö yad nîgöia. Ñîŋ mönö nagö nugwön akuyöbö cîŋîŋö, rön, pöx mîdöiŋö,” röŋa.

22 Ha nöbö aliö rîmîŋ, ami nöbö dib ödöriö aku nugwön, nugwo yad ab gîrön yadöŋa, “Nöbö mö bli ñîgö nugwön, ‘Ami nöbö dib ödöriö aku nugwo

al aliö rön höm+dlö,' rön, yadm+j+nö, m+ wöhö," rön r+g n+göŋa.

Pol gapman nöbö dib Piliks m+idöŋ yöra duöŋa

²³ Ami nöbö dib ödöriö aku aliö rön, ami nöbö nugwid+x m+id+b nuŋ hogwa yad wö r+m, höm+n, yadöŋa, "Ami nöbö akuyöbö tu hadred (200) pön, ami nöbö hön hos rola röm+dön nuö nuö röi piaku padokwo padök mös paŋ höuöiliö agñ+ŋ bö (70) pön, ami nöbö ömdö nugwopö nuö nuö röi piaku tu hadred (200) pön, weik p+xmag yuö mib+l kwo Sisaria diöña. ²⁴ Pol nugwo hön hos bli al+g nölön, nugwo yöli+ŋ pön du ri abön, gapman nöbö dib Piliks m+id aku abön, hönö," röŋa.

²⁵ Aliö rön, nuŋ nöbö dib Piliks nugwo köp i kai k+itöŋa:

²⁶ N+ Klodias Lisias. Nagö gapman nöbö dib Piliks köp k+ kai k+tm+dla.

Nagö m+dlö ä?

²⁷ Nagö yad abm+d+l nöbö k+, Juda nöbö mö nugwo p+ c+c+ n+gön, p+l pal n+g+ba r+m+dim aku, j+ n+ nugumön nuŋ nöbö Rom yöbö i röxg aku nugwön mönö, ami nöbö n+ bli p+saŋ du nugwo yöli+ŋ pön höma. ²⁸ Pön hön, nugwo p+l pal n+g+ba rim mönö il aku nugunö, rön, nugwo pön du Juda Kansol dib mönö yad+b yör ñ+ŋa duön nugumön, ²⁹ Juda nöbö mö ñ+ŋ r+g röi lo mönö adö bli ör m+idöŋa. Makwam nuŋ ap gwogwo bli r+m+n, nugwo aŋadö p+l pal n+g+ib mönö nag n+g+ib mag i m+dölöŋ. ³⁰ Makwam mönö i yadmä, 'Nöbö aku nugwo l+g+n n+gön

pil pal nigninjo,' rim monö aku nugwön, nagö m+dlö aku yad abm+dlä. Nöbö nugwo monö yadöi piaku bli yad abmön, wön nagö monö il aku yad nöioña.

Mönö yadil maku pal.

³¹ Ami nöbö dib ödöriö aku aliö rön, köp aku nölm+n, ami nöbö bla Pol nugwo p+xmag yuö bö yöliñ pön taun dib Adipatris dumä. ³² Löum+n ami nöbö ila yön+idöi piaku magalig höbkal Jerusalem dumä. Ami nöbö hön hos rola röm+idön nuö nuö r+m+idöi piakwör Pol nugwo pön taun dib Sisaria dumä. ³³ Sisaria uröp+nön, du köp pön höi aku Gapna Piliks nugwo köp me nölon, Pol aipam inso nuñwa n+gmä. ³⁴ Gapna nuñ köp aku mämäg n+g nugwön, Pol nugwo yadöña, “Mögör+ib nañ pik yöbö?” röña. Aliö r+m+n, Pol yadöña, “N+ Silisia Propins yöbö,” me röña. ³⁵ Pol Silisia Propins yöbö nöbö m+idöñ monö aku nugwön, nöbö diba nugwo yadöña, “Nöbö nagö p+sañ monö yajöñ akuyöbö höm+jöñ aku, n+ monö nañ aku nugunö,” röña. Aliö rön, nöbö nuñ bli ñ+gö yadöña, “Nöbö k+ pön du Herod ram diba ur n+göñ aku n+gön, nugwid+x m+id ri abne,” röña.

24

Juda nöbö dib bla Pol nugwo monö diba yadmä

¹ Ñ+ñ Pol nugwo pön du Herod ur n+göñ ram aku n+g+m, wop akuyöbö igwö sö m+idöña. Löum yöbö möm+id wop aku, God ap höjöpä ur nöli+ib nöbö dib ödöriö Ananaias, taun dib Sisaria aku duba, monö p+ nuöm n+g+ib nöbö bli yöliñön, monö yad+ib nöbö ñ+ñ Tetelas p+sañ Sisaria dumä.

Mönö diba yad+ba rama duön, ñiŋ gapman nöbö dib Gapna Piliks nugwo, Pol al aliö rön aku mönö diba yad+ba midöl+ŋö, r+mä. ² Pol ram möl yuadö aku pön höm nugug+rön, mönö yad+ba nöbö Tetalas Gapna Piliks nugwo yadöŋa, “Nagö m+x+l magi aniŋ nugwid+x midman mönö, nuö nuö p+lm+idölöl; tar mid ri ab gi midm+idöla. Nagö r+byöx nugw ri abön r+lö makwam, mögöri+ba an ki ap wä yon+yöbö wöxnö n+g aku, an mid ri aböla. ³ Mögöri+ba an ki r+gwoŋ r+gwoŋ piaku magal+g öim öim r+ ri abm+idlö aku nugwön an wahax pön nagö ri ablaŋe r+m+idöla. ⁴ Makwam nagö mönö m+x+l diba yadöin. Mönö metyöbö mag m+ŋi yad+ba r+m+id+l aku, r+m+j pal nugwö.

⁵ “Yör+ik mid nöbö ki, an nugum+n nuŋ öim öim r+ gwogwam ra. Nöbö mö piaku ñ+gö mönö inakmönö hörön yadm+n, ñiŋ mönö inakmönö aku nugw pön, nuŋ r+ gwogwam r+ mag akuyöbö, ñiŋ kwo algör ör r+ gwogwam röia. Mögöri+ba hör piaku piaku magal+g yönön mönö inakmönö hör yad nölön, Juda ada ñ+gö p+ as+x hör+rör n+gm+n nugug+rön, ñiŋ gapman mönö yad höimöuön nuö nuö röia. Nöbö mö Jisas nöbö Nasaret yöbö aku nugwo nugw pöi piaku, nöbö dib ñiŋa i maku pal. ⁶⁻⁷ Nuŋ God höjöp+al+ba rama r+ gwogwam r+ba r+m+idm+n, an nugwön nugwo p+ c+c+ n+gön ap an r+ gwogwam rön aku lo ana keir mönö diba yad+ba r+m+idm+n, ami nöbö dib ödöriö Lisias öli+sö rödi+p hön, nugwo pön duön yadöŋa, ‘Nöbö aku nugwo mönö diba yad+ba röi piaku, nöbö dib Piliks mid yöra pön duön, mönö diba yajöñ+ŋö,’

röŋa. Aliö rîmîŋ mönô, an weik höla. ⁸ Naŋ mönô aku Pol nugwo yad nugumîdanŋ, nuŋ keir, an nugwo mönô diba yadmîdöl mönô il aku yadanŋ, nugunaŋö,” röŋa.

⁹ Tetalas aliö rîmîŋ, Juda nöbö hö mîdim piaku, mönô nuŋ yadöŋ adakwör yadön yadmä, “Mî ödöriö yadö,” rîmä.

Pol gapna Piliks nugwo mönô yadöŋa

¹⁰ Gapna Piliks nuŋ imaga pabîlön, Pol nugwo, mönô yadö, rîmîŋ, Pol yadöŋa, “Nagö kîm mîga akwör mögöriþ kî nugwidîx mîdön, nugw ri abön, mönô pî asîx ri abmîdlö. Makwam nugumön, nî wä rîmîŋ nugugîrön nagö mönô yadmîdla. ¹¹ Nagö nöbö piaku yad nugumîdanŋ yajöña, wop akuyöbö möl sö duölöŋ wop akwör, nî Jerusalem duön, God höjöpalmîþ rama höjöpainö, rön, duma. ¹² Nî nöbö mö bli pön, God höjöpalmîþ ram aku mönô Juda mögum rîþ ram piaku mönô Jerusalem mibîl aku, höbwab gwogwo rîbä rî gîþ mönô bli yadölm, wöhö. ¹³ Nî weik mönô diba yadmîdöi aku, nagö nugwan mönô il i mîdenîm, wöhö. ¹⁴ Makwam nagö mönô i wöxnö yadîba rîmîdla. Nî yadöia, ‘Pol an Juda nöbö mî rîg rôl mag akuyöbö bli rôl; nuŋ mönô inakmönö hörön, Ödöi yonyöbö adaku dumîdö,’ röia. Nî Ödöi yonyöbö adaku dumîdö, röi aku, mi yadöia. Nî Ödöi yonyöbö adaku duön, nöso nöbö höjöpalmîdöi God paŋyöbö akwör höjöpalmîdla. Mosîs lo mönô kai kîtöŋ aku aipam, God mönô yadîþ nöbö piaku mönô kai kîtim aku aipam, magaliþ nugw pön rîmîdla. ¹⁵ Juda

nöbö yörik m+doi, nöbö mö wä piaku aipam, nöbö mö gwogwo piaku aipam, magalig wöroxön öbiöñ+ñö, rön nugwöi akuyöbö, n+ kwo algör ör nugula. ¹⁶ N+ du God p+sañ m+j+nö, rön, amnimab röi, wöhö. God nugwön mönö nöbö mö piaku nugwön, Pol mag ödöriö r+m+dö, cöñ aku wä rañ, me rön, n+ öim nugw ri abön, m+d ri abön r+la.

¹⁷ “N+ k+m bli Jerusalem duöl+m. Makwam nöbö mö n+ ap m+döl piaku ñ+gö r+g bli nölon, God ap höjopal ur nöinö rön, Jerusalem duma. ¹⁸ Jerusalem duön, God höjopal+ß rama ram möl yuadö duön, an Juda nöbö God mämäg il rol nuñwa m+d ri abn+ñö, rön, agap ap+m r+m+döl aku, r+ma. Aliö r+ pörön, God höjopal+ß rama ram möl yuadö m+dmön, nöbö yörik ñ+ñ hön n+ nugumä. Makwam nöbö mö m+ga n+ p+sañ hö m+dölim. Nuö nuö yad+p mönö bli yadöl+m. ¹⁹ J+ Juda nöbö mö Esia Propins yöbö piaku Jerusalem hön, God höjopal+ß ram yöroku m+dmä. Mönö ñ+ñ m+döxisöñö aku, ñ+ñ yörik hön, mönö aku yadöy+xa. ²⁰ Hölöi aku, Juda nöbö Kansol dib k+iyöbö n+ Jerusalem mönö diba yadön, n+ ap gwogwo r+m mönö ila nugwim aku yad+ñ, nagö nugwö! ²¹ Makwam n+ mönö diba yadim wop aku, n+ mönö pañyöbö iör yadma. Ajmöla aj halön yadma, ‘N+ nöbö mö wöroxön öbiöñ+ñö, rön, r+ß akwör yöx nugul makwam, n+ mönö diba yadm+döi ki,’ r+mö,” röña.

²² Pol aliö r+m+n nugug+rön, Gapna Piliks, Ödöi r+m+döi mönö aku nugw ri aböñ makwam, Juda

nöbö piaku mönö yadm̄dim aku pölön yadöŋa, “Mai ami nöbö dib ödöriö Lisias haŋ, n̄i mönö nuŋwa nugwön, mönö k̄i yaj̄nö,” röŋa. ²³ Aliö rön, k̄ilab̄is nöbö nugwid̄ix m̄idöŋ nöbö aku nugwo yadöŋa, “Pol nugwo nugwid̄ix m̄id ri abön, nugwo aŋadö nag n̄igölö. Nuŋ ap bli m̄iden aku, nöbö mö nuŋ piaku yad nugwaŋ, nugwo nöliŋ,” me röŋa.

Pol k̄im mös nag m̄idöŋa

²⁴ Wop ulm̄idö m̄idöy hön dum̄in, wop i Piliks möniŋ nuŋwa Drusila piŋaŋ hömä. Drusila nuŋ Juda yöbö mö. Makwam ñiŋ mönöbö hön, nöböniŋa nuŋ Pol nugwo wö r̄im, hön, Kraiŋ Jis̄as nugwo agö maḡim rön nugw p̄oi mönö aku yadm̄in, Piliks nugugu m̄idöŋa. ²⁵ Pol nuŋ mönö yad̄ip du giŋrön, an p̄ödpöd rön ri ri abniŋ mag aku aipam, an p̄ödpöd rön höbwab r̄ib madmag ana riŋ r̄ibyöx nöl mag akuyöbö röiniŋ mag aku aipam, God mai aniŋ mönö diba yajön mag aku aipam, Piliks nugwo yad nölöŋa. Pol aliö r̄im̄in, Gapna Piliks mönö aku nugwön, ipöxön, Pol nugwo yadöŋa, “Nagö weik du m̄idö. Mai wop i n̄i nagö yadmön hane,” röŋa. ²⁶ Gapman nöbö dib aku, r̄ib nuŋwa keir piakwör nugwöŋa, “N̄i Pol nugwo öim öim yad wö r̄im̄j̄in aku, nuŋ piöŋö r̄ibyöx nugwöna, ‘N̄i nöbö k̄i nugwo tar riŋ bli nölmön, yadaŋ dinö,’ rön, n̄i riŋ bli nöiön̄iŋö,” rön, r̄ib aku yöx nugwöŋa. Makwam r̄ib aku yöx nugugu m̄idön, löu piŋgöm Pol nugwo yad wö r̄im̄ r̄im, hön mönö yadm̄dmä.

²⁷ K̄im mös pöröŋa nugwön nöbö nagö Posias Pestas, Piliks yöra nuŋ pön, mögöriŋ aku gapna

m+döŋa. Makwam Piliks, Juda ada n+ nöbö waiö, me r+ŋ, me rön, Pol nag m+döŋ aku yau abölöŋ.

25

Pestas nuŋ Pol mönö diba nugwöŋa

¹ Pestas taun dib Sisaria aku du gapna mabö aku pön, wop mös paŋör m+dön, Jerusalem duöŋa. ²⁻³ Pestas Jerusalem dum+n nugug+rön, God ap höjöpäl ur nölb nöbö dib bla aipam, Juda nöbö dib bli aipam nugwo du nugwön, Pol al aliö r+ gwogwam röŋ mönö aku nugwo yadmä. Juda nöbö bla ñ+ŋ keir tar mönö adö paŋyöbö i yad ödör n+gön, Pol nugwo ödöi mib+l yöraku lig+n n+gön, p+l pal n+gn+ŋö, rön, yadmä, “An+ŋ uliöxön, nöbö nagö bli yadm+dan, Pol nugwo yadkap yö+l+ŋön Jerusalem pön höŋ,” me r+mä. ⁴ Aliö r+m+n, Pestas yadöŋa, “Pol nag m+d Sisaria. Makwam n+ Sisaria duba r+m+d+l aku, ⁵ ñ+ŋ mönö bli m+jön aku, nöbö dib ñ+ŋ bli yad+ŋ, n+ p+saŋ Sisaria duön, mönö diba yad+ŋ,” me röŋa.

⁶ Pestas aliö r+m+n, wop amñax+b sö mönö ragp+d sö al+g Jerusalem m+dön, höuöiliö Sisaria duöŋa. Löum yöbö, Pestas nuŋ mönö diba yad+ŋ ram yuadö möl aku duön, ñ+ŋ du Pol nugwo pön hönö, röŋa. ⁷ Pol nugwo pön höm, Juda nöbö Jerusalem yöbö hem piaku hön, nugwo wob yuö n+gön, mönö adö hör+rör m+ga akwör yadmä. Makwam mönö yadim adö piaku mönö ila m+dm+n yadölim.

⁸ Ñiŋ aliö rîmîdmîŋ, Pol öbîlön painjö yadöŋa, “Nî Juda nöbö mö lo mönö ñiŋ aku röd aböi; nî God höjöpaliŋ ram aku ap gwogwo i röi; nî Rom Empra Sisa nugwo mönö gwogwo i yadöiö,” röŋa.

⁹ Aliö rîmîŋ, nöbö dib Pestas, Juda nöbö mö bla nî nöbö waiö, me rîŋ, me rön, Pol nugwo yad nugwön yadöŋa, “Mönö diba yadmîdöl kî Jerusalem duön yajniŋönö?” röŋa.

¹⁰ Aliö rîmîŋ, Pol yadöŋa, “Wopik Sisa mönö dib adö nuŋwa mödö midla. Nî Juda nöbö mö ñigö ap gwogwam i röi aku, naŋ kwo algör ör mödö nugulö maku. ¹¹ Ap gwogwo i rîmön, nî mönö diba yadön, pîl pal niŋniŋö, röyîx aku, ipöxöyöx; makwam nî pîl pal niŋöyîxa. Ji mönö diba yadön, mönö il i midöl aku, nöbö i nî Juda nöbö mö ñigö nöliŋ maga midöl. Makwam, nagö nî Sisa mid yöra yad abanŋ, nuŋ keir mönö kî nugwönniŋö,” röŋa.

¹² Pol aliö rîmîŋ, nöbö dib Pestas du nöbö nuŋ piaku piŋan mönö aku niŋip du pörön, höbkal hön yadöŋa, “ ‘Sisa mönö dib na aku nugwönniŋö,’ rîlö makwam, nagö Sisa mid yöra yad abnö,” röŋa.

Kiŋ Agripa nölöunîŋ nuŋwa Benis yöŋö

¹³ Makwam hör wop mös piŋmîŋ nugugiŋrön, Kiŋ Agripa nölöunîŋ nuŋwa Benis yöŋö, Pestas yöudöŋdöŋ ör gapna höŋ aku du nugunö, rön, Sisaria duön, Pestas piŋan wop midöy uplöp midmä. ¹⁴ Ñiŋ wop miŋa yöŋaku midîba rîm nugugiŋrön, Pestas nuŋ Kiŋ Agripa nugwo yadöŋa, “Höd Piliks gapna midöŋ wop aku, nuŋ nöbö i nag niŋöŋa. Makwam gapna mabö nuŋ aku röböxön,

nöbö aku nag nıgıb yöraku röböx duöña. ¹⁵ Nı Jerusalem dumıdmön, Juda nöbö God ap höjöpäl ur nölıb nöbö dib bla aipam, Juda nöbö mö mönö pı nuöm nıgıb nöbö dib bla aipam, nöbö aku nugwo nı mönö diba yadön yadmä, ‘Nagö yadañ, Pol nugwo pıl pal nıgıñ,’ me rıma. ¹⁶ Jı mönö il i yadölim nugwön nı ñıgö yadma, ‘An Rom nöbö mö lo i aliö mıdöl. Nöbö mö hör pıl pal nıgöinıñ. Mönö diba yadıñ, nöbö mönö mıjön piaku duön, nöbö ñıgö rı gwogwam röñ mämäg il nuñ yöra mönö aku wöxnö yajöña. Nuñ painjö yadañ, mönö il i mıjön aku, nugwo pıl pal nıgıñ, me cınıñö,’ rıma. ¹⁷ Aliö rön, Juda nöbö bla nı pısañ Sisaria kı hön, aiañ nı du mönö diba yadıb ram möl yuadö möl aku römidön, Pol nugwo du pön hönö, rımön, pön hömä. ¹⁸ Nı rıbyöx nuguma, mönö dib i mıdö, rım aku, jı mönö diba yadmä akuyöbö mönö yadmın nugumön mönö dib i mıdölöñ, wöhö. ¹⁹ Ñıñ hör yadmä, ‘God mönö aku, an yad ri aböl akuyöbö yadöl. Makwam Jisas mödö wöröxöñ nöbö aku, Pol yada, nuñ kömö mıdö, rö,’ rıma. ²⁰ Mönö yadmıdım nı nugw ri abölım makwam, nı Pol nugwo yad nugumön, ‘Nagö Jerusalem duañ, nagö mönö diba yajöñıñ ä?’ rıma. ²¹ Aliö rımön, nuñ wöhö röña. Nuñ yadöña, ‘Nı nag akwör mıjına. Mai Empra Sisa nuñ keir mönö aku yajönıñö,’ röña. Aliö rımın, nı nugwo Sisa mıd piaku yad abnö, rön, nag nıgmön aliö akwör mıdö,” röña.

²² Pestas aliö rımıdmın, Kın Agripa yadöña, “Pestas. Nöbö aku mönö nuñwa keir yadañ, nı nugunö,” röña. Aliö rımın, Pestas yadöña,

“Makwam, laŋ nugunaŋö,” röŋa.

²³ Aliö rımın, löumın, Agripa nölöunıŋ Benis yöŋö, wölıj wä wä akwör yömön, ami nöbö dib bli aipam, nöbö dib ödöriö bli aipam yöliŋön, nöbö mö diba hömidöliŋö, rön, wahax pı gırön mönö diba niğıb rama ram möl yuadö dumä. Hö midım nugugırön, Pestas nöbö nuŋ bli niğö yadöŋa, “Niŋ du Pol nugwo pön höi,” röŋa. ²⁴ Aliö rımın, pön hömın, Pestas yadöŋa, “Kiŋ Agripa aipam, nöbö mö hö midöi pik aipam, nöbö kı nugwo nugwi. Juda nöbö mö nugwo mönö diba yadön, nöbö kı aŋadö pıl pal niğıbım, me röia. Ni Jerusalem midmön, ni paŋ mönö akwör yadmä. Yörık hömön, paŋ aliar yadöia. ²⁵ Ni nugula, nöbö mö piaku ap gwogwam ödöriö rım, wop bli pıl pal niğöi aku, ji nöbö kı nugwo mönö diba yadön nugumön, ap akuyöbö i rölöŋ, wöhö. Makwam nuŋ keir yadöŋa, ‘Empra nuŋ keir mönö ni yajönıŋö,’ röŋa. Makwam, ni nugwo Empra yad abıba rımidla. ²⁶ Nöbö kı Empra nugwo yad abın aku, ji nuŋ ap agap apım rı mönö il aku, köp aliğ kai kıt nöliıb maga niğöl. Makwam, nagö Kiŋ Agripa aipam, nöbö mö bilık aipam, nöbö kı ap agap apım rı mönö il aku nugwöña. Niŋ mönö nuŋ aku nugwön, mönö il mag aku ni yadıŋ ni kai kıtön, Empra mid yöra abna. ²⁷ Rıb na yöx nugul aku, kilabıs nöbö Empra mid yöra hör yad abön, lo pödpödiö röd abön aku yadölım aku wä röinıŋö,” röŋa.

26

Pol Kiŋ Agripa nugwo mönö yadöŋa

¹ Makwam Kiŋ Agripa nuŋ Pol nugwo yadöŋa, “Ni nagö audiöx nugugu midla; mönö yadö!” röŋa.

Aliö rim+n, Pol imaga pab+lön yadöŋa, ² “Kiŋ Agripa. Nagör ni mönö yadö, rim+dman aku, Juda nöbö mö mönö ni yadm+döi aku, weik nagö yad+ba rim+d+l ki, ni wä ra. ³ An Juda nöbö mö röŋ röŋ adaku aipam, mönö nuö nuö yadöl yadöl adaku aipam, naŋ magal+g mödö nugulö makwam, nagö yad+ba rim+d+l ki, ni wä ra. Makwam, ni mönö yadmön rödm+j+nö.

⁴ “Ni ha ulm+dö mögöri+b ni keir piaku mid+m wop aku aipam, mai du Jerusalem mid+m wop aku aipam, ni nöbö pödiöm mid+m aku, Juda nöbö mö bla magal+g mödö nugwöia. ⁵ Niŋ ni m+x+l magi nugum+döia. Ni Perisi nöbö, Juda lo mönö nugwön, m+ usüsör rön, hölul ri ri abön mid+m+dla. Niŋör mönö aku wöxnö yadm+jöŋ aku, ni mönö mi yadm+d, aku me rön, nugunö. ⁶ Makwam God maduar ör nöso auso nöbö niŋö mönö wä yadm+n, ri+byöx gi+ba pöx mid+m+döi mönö akwör nugw p+l makwam, niŋ ni mönö diba yadm+döia. ⁷ An Juda il hör+rör akuyöbö möŋ sö magal+g, God nöso auso nöbö niŋö yad niŋöŋ mönö wä aku pöxm+döla. God nuŋ ap wä nöinö, röŋ ap wä aku p+n+ŋö, rön, mil p+xmag yuö bö nugwo höjöpäl gi+r mid+döla. Makwam Kiŋ Agripa, nagö nugwö! God nuŋ mönö yadöŋ aku mönö mör yadö, rön, nugw pön mid+l makwam, ni mönö diba yadm+döi m+k. ⁸ Makwam niŋ

pödpöd rımın nöbö mö wöröxöi akuyöbö, God ran öbıleñıñö, rı rıbyöx nugwöi?

⁹ “Makwam höd nı keir, Jisas Nasaret yöbö mönö yad nölmıdim nöbö mö piaku ñıgö rı gwogwam cınö, rön, rıb aku yöx nugumıdla.

¹⁰ Makwam nı Jerusalem mıdön pañ mag akwör rıma. God ap höjöpäl ur nölıb nöbö dib piaku nı yadmın, nöbö mö Jisas nugw pim akuyöbö mıga akwör du pön hömön, naga nıgmıdmä. Nı keir mönö pı nuöm nıgıb nöbö akuyöbö pısañ yöwö rımön, bli añadö pıl pal nıgmın wöröxim, nı päja yadmıdma. ¹¹ Juda mögum rıb ram piaku yönön, nöbö mö Jisas nugw pıııdöi piaku ñıgö rıb gwogwo yöxön, ñıñ Jisas mönö nuñ aku röböxıñ, me rön, ñıgö rı gwogwam rıııdma. Nı rıb adö pañyöbö iör nugwön, wop bli nöbö mö piaku ñıgö hölu nugunö, rön, mögörıb dib pad piaku yönıdma.

Jisas nuñ Pol pöñ haiwo aku uröña

¹² “Makwam wop i Damaskas nöbö mö Jisas nugw pıııdöi piaku ñıgö nag nıg pön hönö, rımön, God ap höjöpäl ur nölıb nöbö dib piaku ñıñ, yöwö rön, köp bli kıt nölmın, pön duma.

¹³ Makwam kın wä na nugwö! Nı naiö mibıl yör kıpısö höñ mag aku, ödöi mibıl yöra du gırön nugumön, mil mag keiryöbö adöx yöd röul adö kau sebö nı nöbö bli pısañ dumıdmıñ yöra ab nölöña. Mil aböñ aku, naiö mil akuyöbö yöi; mil keiryöbö ödöriö aböña. ¹⁴ Almın, an magalıg mıgrö bö hö pın palön, nı nugumön, mönö i, mönö ödöriö ana Arameik mönö yadön,

nɪ yadõŋa, ‘Sol! Sol! Nɪ pödþöd rɪmɪn õim rɪ gwogwam rɪmɪdlö? Nagö õim ödöi wä yabunö, rɪl aku, jɪ naŋ nɪ þisaŋ nuö nuö rɪmɪdlö aku, naŋ keir öliŋ höb þmɪdlaŋö,’ rõŋa.

¹⁵ “Aliö rɪmɪn, nɪ yadma, ‘Nöbö Dib, nagö agö nöböm?’ rɪma.

“Aliö rɪmɪdmön, Nöbö Diba yadõŋa, ‘Nɪ Jisas, õim rɪ gwogwam rɪmɪdlö Nöbö akwör yadmɪdlö,’ rõŋa. ¹⁶ Aliö rön nɪ yadõŋa, ‘Makwam wopik nagö öbɪlö! Nɪ nagö mönö yadɪba hömɪdla. Nagö mabö rɪ nöliþ nöbö na mɪdön, nɪ weik mämäga nugulö aku aipam, nɪ nagö mai yabun aku aipam, nöbö mö piaku ñigö yad nöinö. ¹⁷ Nɪ nagö yad abmön, nagö duön, Juda nöbö mö bla aipam, Juda nöbö mö yöi piaku aipam yad nölaŋ, nagö rɪ gwogwam rɪmɪdɪŋ nugugɪrön, nɪ nagö nugwidɪx mɪdön þɪ asɪx abna. ¹⁸ Nagö mönö wä na ñigö yad nölaŋ, mämäg we mɪdöi aku mämäga ix nugwõña. Nagö mönö wä na ñigö yad nölaŋ, cɪcɪbö yuö piaku mɪdöi aku röböxön mila höña. Nagö mönö wä na ñigö yad nölaŋ, Seten ölsö mag nunwa mo piaku mɪdöi aku röböxön God pöl höña. Aliö almɪjõñ aku, ap kib mag gwogwo röi piaku, Acö nugwön röböxaŋ, nöbö mö höd nɪ nugw pöi akuyöbö þisaŋ paŋör kömö mɪjõñiŋö,’ rõŋa.

Pol God mabö rɪ nölmɪd mönö aku yadõŋa

¹⁹ “Makwam Kiŋ Agripa. Nɪ rɪba nugwön nugumön, mögöriþ adöx yöd röul adö kau sebö hön yadõŋ mönö maga nugum aku röböxölm. ²⁰ Damaskas duön, nöbö mö piaku ñigö mönö wä aku yad nöлма. Mai du Jerusalem nöbö mö ñigö

yad nölön, mögöriþ Juda nöbö mö midöi piaku magaliþ ñigö yad nölön, Juda nöbö mö yöi piaku yad nölön, rima. Ñigö yad nölön yadma, ‘Ap kib mag gwogwo röi aku, pödpöd rimin aliö alöliþö, rön, röböxön, God paþyöbö akwör nugw pön, ap gwogwo piaku mödö röböxöl aku nugwþiþ, me rön, God nuþ riþ yad mag akwör cine,’ rima. ²¹ Ni aliö alim makwam, wop i God höjöpaliþ ram aku dumidmön, Juda nöbö yörik ñiþ ni pi cici niþgön pil pal niþiba rimä. ²² Makwam God ni öim öim nugwidix mid makwam, ni wopik yörik öbiþ gi midön, mönö wä nuþ aku, nöbö mö ib mid piaku aipam, nöbö mö ib midöl piaku aipam yad nölmidla. Mönö yad nölmidil aku, adöi keir wöhö; God mönö yadþ nöbö bla aipam, Mosiþ aipam, mai cöniþö, rön, kai kitim mönö akwör yad nölmidla. ²³ God mönö yadþ nöbö Aisaia God Mönö kai kitön yadöþa, ‘Krais hön, öliþ höb pön wöroxön aku, ji nuþ nöbö höd höbkal öbiön makwam, Juda nöbö mö bla aipam, Juda nöbö mö yöi bla aipam nugwöña, God ñigö algör ör kömö þiþ maga ra. Aliö aiön aku, nuþ ñigö mil ab nöiönþö,’ rö,” röþa.

²⁴ Pol mönö aku yadim nugugiþrön, Gapna Pestas mönö diba yadön yadöþa, “Pol, nagö nöbö mönö adö hörþrör nugulö akuyöbö, yöcmac þipi nagö gwogwo rim u þilön yadmıdlanö,” röþa.

²⁵ Aliö rimin, Pol painö yadöþa, “Nöbö dib wä na Pestas. Ni u þilim yadmıdöi. Riþyöþ nugwön nugw ri abön, mönö mi ödöriö aku yadmıdla.

²⁶ Ni agö mönöm yadmıdıl ki, Kiþ Agriþa nuþ

keir mödö nugwa. Jisas nugwo agap apim rön, mönö kai kai rön rim aku umadön rölim. Wöxnö akwör rimä aku, ni nugula, Kiñ Agripa nuñ magaliḡ mödö nugwa. Alm+n nugwön ni nugwo ipöxön yadm+döi, wöhö,” röña. ²⁷ Pol aliö rön Kiñ Agripa nugwo yadön yadöña, “Kiñ Agripa. Nañ God mönö yad+b nöbö bla mönö yadim aku, mi yadöiñö, rön, ri+byöx nugulö ä? Ni nugula, mönö aku mi yadöiñö, rön nugulañö,” röña.

²⁸ Pol aliö rim+n, Kiñ Agripa painö yadöña, “Pol. Nañ ni, mönö ulm+dö i yadmön, Jisas nöbö nuñ i m+dañ, me rön, ni mönö aku yadm+dlanö owa?” röña.

²⁹ Aliö rim+n, Pol yadöña, “Mönö m+x+la yaj+nönö mönö metyöbö yaj+n, ni ri+b panyöbö iör yöx nugwön, God höjöpälön yadm+dla, nagö aipam, nöbö mö mönö yadmön nugum+döi ki+yöbö aipam magaliḡ, ni riḡ mid+l akuyöbö m+jne, rön, höjöpalm+dla. Makwam ni sen wab+löi akuyöbö ñ+gö niḡöñ+iñö, rön, höjöpalm+döiö,” röña.

³⁰⁻³¹ Pol aliö rim+n, Kiñ Agripa aku, Gapna Pestas aku, Agripa nölöun+iñ Benis aku, nöbö mö m+dim piaku magaliḡ öb+lön, ri+ñö bö duön, yadmä, “Nöbö mö bli ri gwogwam ri+ñ aku, mönö diba yadön, bli nag niḡön, bli aḡadö p+l pal niḡöña. Makwam nöbö ki mag gwogwo i rö, wöhö,” rimä.

³² Aliö rön, Kiñ Agripa nuñ Pestas nugwo yadöña, “Weik ki+lab+is rama röböxön röp+n duöx aku, ji nuñ, ‘Sisa mönö dib na nugwön+iñö,’ ri makwam, nag m+dön, nöbö dib Sisa m+d aku diön+iñö,” röña.

27

Pol Rom duba rön biyöja pöña

¹ Gapna Pestas Pol Rom wopik diön+ñö, rön yadm+n, ami nöbö bla nugwid+x mid+ib nöbö dib Julias aku, Pol aipam k+lab+s nöbö bli kwo aipam pön nugwid+x midöña. Ami nöbö piaku ñigö “Empra Ami Nöbö Nuñ” me r+im+dmä. ² Makwam wop aku, biyöj mögöri+b Adramitiam yöbö aku, Esia Propins duba rön, Sisaria du añöi ñigöña. Makwam, biyöj aku pön röbö yuö bö dum+ña. Nöbö taun dib Tesalonaika, Masedonia Propins yuadö nöbö i p+sañ dum+ña. Ib nuñwa Aristakas.

³ Löum yöbö taun dib Saidon uröp+nön du añöi ñig+m+ña. Julias nuñ Pol nugwo p+ ösös r+ ri abön yadöña, “Du nöböhöd möhöd nöbö ñigö nugwön, nagö ap agap+m miden bla nagö nöliñ,” me röña. ⁴ Makwam an Saidon röböx duba rön nugum+n, hödal diba ödöriö aku hön, röbö diba aipam wöd hömidöña. Alm+n, röbö wödoböñ mögöri+b Saipras pö adöi dum+ña. ⁵ Al g+rön, dum+id dum+id Silisia Propins pedöx pedöx+ip rön, du mögöri+b Pampilia pedöx pedöx+ip rön, du Lisia Propins duön, taun dib Maira uröp+nön añöi ñig+m+ña. ⁶ U añöi ñigön, ami nöbö dib k+lab+s nöbö bla ñigö nugwid+x midöñ nöbö aku nugwöña, biyöj Aleksadria yöbö i mögöri+b Itali duba r+imidöña. Makwam, nuñ an+ñ yadm+n, biyöj aku wöl dum+ña. ⁷ Biyöj aku möla wölön, röbö yuö dib bö duön, höimöliö am+n dum+id dum+id taun dib Kinidos uröp+n+m+ña. Makwam hödal diba dum+idm+ñ adö höm+n paxdöriö dub

maga niḡölöŋ. Makwam, pö adakwör dumid dumid mögöriḡ Salmoni pedöx pedöxiḡ ḡirön, röbö wödöböh mögöriḡ Krit sinaŋ ada pal duön, ⁸ öliöxiḡ dumid dumid mögöriḡ ulmidö röbö pö yöra, “Biḡyöj Miḡ Ri Abiḡ Kau,” me riḡmidöi yöra u aŋöi niḡmiŋa. Mögöriḡ aku Lasia taun il yöra.

⁹ An akuyöbö alön, höimöliö akwör riḡ yönmidim nugugirön, Juda nöbö mö ap niḡmölüm wop aku hö padixmiḡ, röbö diba wödḡ wop aku mödö höŋa. ¹⁰ Makwam Pol nuŋ niḡgö yadöŋa, “Nöbö ruai. Dub maga niḡöl aku, dumidḡ mönö, ap ömdö yogw ap bla magaliḡ gwogwo rön, biḡyöja aipam gwogwo raŋ, an magaliḡ röbö niḡmiḡ maga rö,” röŋa. ¹¹ Pol aliö röŋ aku, ji nöbö biḡyöj mabö riḡmidim nugwidix midöh nöbö dib aku aipam, biḡyöj miḡnöbö aku aipam, mönö hör yadmidmiḡ nugwön, ami nöbö dib Julias, Pol mönö röböxön mönö niḡŋa yöxöŋa. ¹² Nöbö miḡa akwör yadmä, “Mögöriḡ ki mögöriḡ gwogwo. Hödal diba höb wop ki, mögöriḡ gwogwo ki pöx midöiniḡ; Piniks womiöx mid aku du miḡniḡa. Hödal diba hön wop aku, biḡyöja pön du mögöriḡ aku niḡiḡ, gwogwo rölaŋ,” me riḡmä. Piniks taun aku, röbö wödöböh mögöriḡ Krit miḡa. Biḡyöj Piniks hömid aku, hödal diba naiö wöl hömid adö hömidan mönö, biḡyöja tar naiö rödiḡ piḡn dumid adö diöna; ji hödal diba naiö rödiḡ piḡn dumid adö hömidan mönö, biḡyöja tar naiö wöl hömid adö diöna.

Hödal diba hön, röbö diba wödöŋa

¹³ Makwam niḡŋ aliö riḡmiḡ, yöraḡ miḡdmiḡ nugugirön, hödal ulula hömidöh aku nugwön,

“Weik duön din+ñö,” rön, biyöj mabö r+im+dim nübö piaku, anka abmä aku p+ix+im wöl+im, rübö wödoböñ mögöri+ib Krit pö rübö rola dum+ña. ¹⁴ Al g+rön dum+id+im nugug+rön, r+ib pia hödal dib ödöriö, mögöri+ib Krit adöi yöbö, biyöj duba r+im+ñ adö hön, biyöja p+ höuöilmel röña. ¹⁵ Alm+in, biyöj mabö r+im+dim nübö piaku nugwön, pön paxdöriö duñö, rön, r+ nöi nugwön, rüböxm+in, an+ñ aipam pön ban yuö mib+la duöña. ¹⁶ Hödal aliö rön pön dum+in, dum+id dum+id rübö wödoböñ mögöri+ib ulm+idö Kauda me r+im+idöi aku, pö adöi dum+in nugwön hödal diba höm+idöñ aku ödör pöña. Alm+in nugug+rön, yadm+ña, “Hödal ulm+idö höm+id aku, biyöj ulm+idö m+id aku pön, biyöj dib möl aku p+ n+gn+ñö,” rön, p+ öliöx m+idön n+gm+ña. ¹⁷ Biyöj ulm+idö aku pön biyöj diba möla n+g ri abön, biyöj diba pal g+li+x+ib maga rö, rön, biyöja naga p+li+m+ñaxiö n+g gö n+gmä. Makwam, “Hödal öñöñ diba höm+id k+ biyöj an aku pön du r+g j+mi Sötis me r+im+idöi piaku duön, r+g j+mi gwogwo aku p+nan, gwogwo cön+ñö,” rön, ap uñ sel wab+lim aku yau abön, ölölö r+im+in ipöx g+r dum+ña. ¹⁸ Hödal diba hö gör m+idöñ makwam, löum+in biyöj aku womiöxan, me rön, ömdö yogw ap piaku p+ rübö yuö abmä. ¹⁹ Löum yöbö aku kwo algör ör, hödal diba hö gör m+idöñ makwam, biyöja m+id ri aban, me rön, ap pödpödiö biyöj möla n+g g+im m+idöñ ap bla, magal+g nugwogwo p+ rübö yuö abmä. ²⁰ Makwam an öim öim naiö gupö bla nugum+idölä, wöhö. Hödal diba algör hö gör m+idöñ makwam, r+ib i yöx nugwön, yadm+ña, “Mögöri+ib i duöin+ñ; wöröx pöcn+ñö,” rön, r+ib aku

yöx nugumiŋa.

²¹ Makwam mi+xil magi ñiŋ ap mag ni+mmidölim. Mai Pol midim mib+l yöraku öbilön yadöŋa, “Nöbö ruai, mönö ni yadim aku nugwöyix aku, an röbö wödoböŋ mögöri+b Krit ör midön, ömdö yogw ap piaku pi röbö yuö bö abölölix. ²² Makwam ni ñigö yadm+dla, wopik ri+b mi+ga yöxm+jeñ; wahax pön ri+b wä yöx nugu girön mijöña. An i wöroxöiniŋ. Bi+yöj akwör anadö gwogwo cöna. ²³ Ni God nugwo mabö ri nöl+ib nöbö nunwa mid+l aku mi, weik ci+ci+bö yuö God ejol nun i agal abm+n, ni mid+l il yöra hön ni yada, ²⁴ ‘Pol, nagö ipöxm+jinö! Midön, nöbö dib Sisa mid yöra duön, mönö diba nugunö. Makwam bi+yöj möla midöi nöbö mö akuyöbö, God ñigö algör nugwidix midan bli wöroxëñ. God nun nagö uliöxon mönö, kömö mid+ib mag ñiŋa nan nölö,’ ra. ²⁵ Makwam, ha ruai, ñiŋ ipöxm+jeñ; ri+byöx gi+ba ali+g mijöña. Ni nugula, ni nugw pil God aku, nun ri+g yad mag akwör cöna. ²⁶ Makwam an dum+d dum+d, röbö wödoböŋ mögöri+b i dun, bi+yöja ri+g j+mi rola pin gö ni+göni+ŋö,” röŋa.

Bi+yöja anadö gwogwo röŋa

²⁷ Makwam hödal aku aniŋ aliö pi+rag dum+d dum+d wop akuyöbö ragpi+d adokwebö kwo (14) duöŋa nugwön pi+mag yuö bö aku, ban yuö dib Edriatik, ri+midöi aku, mib+l yöra du girön, bi+yöj mabö ri+midim nöbö piaku, ri+b i nugwön, mögöri+b i womiöx uröpi+n+ib maga rö, ri+mä.

28 Ñiŋ riþ aku yöx nugwön, riþ jimi rola womiöx miðönö wöhö, rön, ap röbö niþ nugwöi i niþön nugumiþ miþil dib dib 40 mita miðöŋa. Hör ulul mag miþi duön, ap aku iswob niþön nugumiþ miþil dib dib 30 mita miðöŋa. 29 Almiþ, an riþ dib aso rol yöra dub maga rö, rön, ipöxön, anka hogwa mös abmiþ nugwön, biþöja gö niþöŋa. Gö niþmiþ nugugiþrön, God höjopalön yadmä, “Ruö yadkap löuaŋ naiö niþaŋ,” me riþmä. 30 Makwam biþöj mabö riþmiþim nöbö piaku, röbö wödöböh mögöriþ aku hör il yöra duba, nöbö mö bli nugugu miþim aku nugwön mönö wai nölon, yadmä, “Biþöj ulmiðö aku pön du biþöj yöcmac adö kwo abön, anka bli aliþ abiþ,” me riþmä. 31 Ñiŋ wai nölon aliö almiþ nugugiþrön, Pol nugwön, Julias ami nöbö nuþ bla piþaŋ niþö yadöŋa, “Biþöj mabö riþmiþim nöbö kþ, niþ biþöj ulmiðö aku pön bör dumþjöñ aku, niþö magaliþ wörox pöcöñiþö,” röŋa. 32 Pol aliö riþmiþ, ami nöbö piaku, biþöja röbö yuö bö abiba riþmiþim nag aku, aþadö römaxdör abmiþ, röbö yuö bö piþöŋa.

33 Makwam ruö löuba röŋ mag aku, Pol niþö yadöŋa, “Wop akuyöbö ragpið adokwebö kwo (14) riþ miþa yöx nugwön, ap mag niþmölöi; hör ör miðöia. 34 Makwam, wopik ap bli niþmöña. Nöi miþön aku, pödiö miþjöñ? Nöbö mö paþyöbö i yöcmac panö paþyöbö i röð piþneniþö,” röŋa. 35 Pol aliö rön, bred bli pön, niþ miþim miþil yöra God nugwo ri ablaþe rön, pi giþixön, ap bli niþmöŋa. 36 Pol nuþ niþmiþ nugugiþrön, niþ kwo algör höbwab niþa wä riþmiþ, ap bli piþ

nimimä. ³⁷ An nöbö mö padokwo padök akuyöbö möl sö (276) nöbö mö biyöj möl aku midmija. ³⁸ Makwam ap nim pörön, biyöja womiöxañ, me rön, wit midöñ piaku pi röbö yuö bö abmija.

³⁹ Ruö löum+n nugugirön, mögörib aku nugumija, ji biyöj mabö rim+dim nöbö piaku mögörib aku pikai, me rön, yualöbmä. Makwam ñiñ nugum+n, ban yuö dib adö sö bir dum+döñ aku, röbö halai wä akwör midöñ adö makwam, yadmä, “Biyöj rol ödöriö akwör dinijö,” rimä.

⁴⁰ Makwam, biyöj anka abmä nag piaku anadö römaxdörön, biyöj adöi adöi nigim stiö hogwa yauio röböxon, ap uñ sel diba yau nigmä aku, iswob pirag wöl wabilön, dumä. ⁴¹ Dumid dumid, biyöj yöcmac adö du rig jimi rola pinön, anadö pilö röb gö nigöña. Aliö pilö röb gö nigm+n, ban yuö dib aku wöd hön, biyöj höbaj adö anadö pal gilix ab gilix ri pön duöña.

⁴² Alm+n, ami nöbö bli hön, nöbö dib ñiña Julias nugwo yadmä, “Biyöj ki gwogwo rimida. Kilabis nöbö piaku bör dumid+ñ, an+ñ yadyöxöña. Makwam, ñigö pil pal nignijö,” rimä. ⁴³ Aliö rimä aku, ji Julias, Pol nugwo ribyöx nugwön, ñigö wöhö rön, yadöña, “Nöbö röbö p+xdör nugwöi piaku höd röbö p+xdör diöña. ⁴⁴ Mai nöbö röbö p+xdör nugwölöi piaku, bapö rib rib bla pön, pi cici nigön yaxip duñ,” me röña. Aliö rim+n, rig yadöñ mag akwör rimija. Nöbö i röbö nimölm+ñ; magalig kömö dumija.

28

Pol mögörib Molta du midöña

¹ Makwam an rëbö wëdoböŋ mögöriþ dumina, nöbö mö piaku midim bla anin yadmä, “Kï mögöriþ Molta,” me rimä. ² Aliö rön, anin pön ösös ri ri abmä. Anin ruö pil pal nigim lid pilöŋ makwam, anin pi ösös ri ri abön, rin rag hö urm+n, mauön rimina. ³ Pol piönö du bi löx löx bli hölu rag hö urm+n nugug+rön, hakai i bi löx löx rag höm+dön alebö piaku midön makwam, rin aña abm+n, wölön Pol nugwo imag wab aku öbix rip alig nigöŋa. ⁴ Alm+n, nöbö mö mögöriþ aku midim piaku nugwön, ñin keir yadmä, “Kilabïs nöbö kï nuŋ gwogwam ri makwam, kömö dubä maga nigöl. Ban yuö yöra midön, biyöj aku gwogwo rim+n wöröxöl aku, weik wöröxoninö,” rimä. ⁵ Aliö rim+n mönö, Pol imag nuŋwa palgwañ rim+n, hakai aku kitu pinön, rin yönöŋa. Makwam Pol nugwo ap i rölöŋ. ⁶ Alm+n, nöbö mö piaku ñin keir yadmä, “Nöbö kï nugwo hakai öbix aku dixöninönö dixölan rimgör wöröxoninönö,” rön, miji uplob nugugu midmä. Makwam aliö nugugu midim, nugwo ap i rölöŋ, wöhö. Ñin nugwön, yadmä, “Nöbö aku nöbö ödöriö i yöi; nuŋ god i midö,” me rimä.

⁷ Makwam mögöriþ aku nugwidix midön nöbö dib aku ib nuŋwa Pablias. Mögöriþ nuŋ aku il yöra ku midön makwam, an pön ram nuŋwa duön, wop mös paŋ nugwidix mid ri aböŋa. ⁸ Nöbö dib aku nuö nuŋwa ap rim+n, mixiñ nuŋwa rin abim, höba yuö röbim, wöröxm+döŋa. Ji Pol nuŋ Pablias nuö nugwön, God höjöpälön, nugwo imaga nigm+n nugug+rön, ap röŋ aku anadö kömö

nigöŋa. ⁹ Almın mönö, nöbö mö mögöriþ aku ap rön piaku audiöx nugwön hömın nugugirön, Pol nuŋ God höjöpalmın, ñigö kömö nigöŋa. ¹⁰ Pol almın mönö, anıŋ nugwidıx mid ri abön, biyöja pön duba rımidmıŋ wop aku, ap agap apım midölöŋ bla anıŋ amnımab nölmä.

Pol taun dib Rom uröpinöŋa

¹¹ Makwam mögöriþ aku, biyöj Aleksadria yöbö i hö midöŋa. Biyöj aku ib nuŋwa “Ha Wab” me rımä. Wop aku hödal diba höb wop aku höŋ makwam, dub maga nigölmın, yöraku midöŋa. An aipam mögöriþ akwör midmın, mılmej mös paŋ röd pöŋa. ¹² Biyöj Ha Wab aku möla wöl duön, taun dib Sairakius uröpinön aŋöi nigmıŋa. U aŋöi nigön, wop mös paŋ yöraku midmıŋa. ¹³ Biyöj akwör pön, Sairakius röböxön, taun dib Regium dumıŋa. Löum yöbö hödal dib i höglöm adö hö pıraiumın, biyöja rımgör pön dumın, wop mösör röbö yuö yöra midön, Putiolai taun uröpinön aŋöi nigmıŋa. ¹⁴ Mögöriþ aku Jisas nugw pim nöbö mö bli midim makwam, anıŋ yadmä, “An pısaŋ hölım midön, dine,” rımä. Aliö rımın, ñigö pısaŋ wop akuyöbö mij sö hölım midön, “Rom duŋö,” rön, dumıŋa. ¹⁵ Makwam Rom nöbö mö Jisas nugw pim bla, “Pol nöbö piaku höñıŋö,” rımın nugwön, bli hö anıŋ Apias Sımaim mibıl aku möigw palmä; bli hö anıŋ Hölımıþ Ram Mös Paŋ midöŋ mögöriþ aku möigw palmä. Pol ñigö nugumın, höbwab nuŋwa wä rımın, God nugwo ri ablaŋe röŋa. ¹⁶ Makwam an du Rom midmıŋa, gapman nöbö dib aku Pol nugwo yadöŋa, “Ram naŋ i keir

hölīmanö,” röŋa. Aliö rīm+n, Pol nuŋ ram i hölu nugwön hölīmön mīdīm nugugīrön, ami nöbö i nugwo nugwidix mīdöŋa.

Pol Jisas mönö wä aku taun dib Rom yöra yad nölöŋa

¹⁷ Pol wop mös paŋ mīdön, Juda nöbö dib mögöriḅ aku mīdim piaku ñīgö wö rīm, hö mögum rīm+n, yadöŋa, “Nöböhöd nöbö. Nī nöbö mö an piaku ap gwogwo i rön, nöso auso nöbö mönö rīg yadim akuyöbö i röd aböi aku, jī Juda nöbö dib Jerusalem yöbö piaku nī pī cīcī nīgön, pön du Rom gapman nöbö dib piaku nölmä. ¹⁸⁻¹⁹ Rom gapman nöbö piaku nī mönö diba yadön nugum+n mönö il i mīdölöŋ. Nī pīl pal nīgīḅ maga nīgölöŋ. Makwam, nī, yau abnīŋö, rön, nugumä aku, jī Juda ada mīdim piaku mī ususör rön, nī iswob mönö diba yadmä. Akuyöbö almīdm+n mönö, nī yadma, ‘Sisa nuŋ keir mönö na nugwönīŋö,’ rīma. Makwam nī nöbö mö nī Juda bla ñīgö mönö i yadība höi. ²⁰ An Juda ada Nöbö Diba nugwo rībyöx gība aliŋ mīdöl mönö wä nuŋwa akwör yad nölmön, nī nag nīgöi kī. Mönö aku yadība mī ñīgö wö rīmön höiŋö,” röŋa.

²¹ Pol aliö rīm+n, nugwo painö yadmä, “Nöbö mögöriḅ Judia yöbö piaku, kī hön mönö köp nölm+n höm, mönö gwogwo bli yadm+n, nugwölöl. ²² Makwam an nugum+n, Juda nöbö mö piaku piaku magaliŋ yadöia, ‘Nöbö mö rīḅ nagö yöxlö akuyöbö nugwöi piaku, nöbö mö waiö

28:18-19: Apos 25:11; 26:31
Apos 24:14

28:20: Apos 26:6-7

28:22:

yöi,' me röia. Makwam, naŋ mönö naŋa keir yadaŋ, an keir nugunö," rima.

²³ Ñiŋ aliö rön, wop i mönö yajniŋö, rön, yad niŋmä. Yad niŋim wop akwör, nöbö mö höd hem akuyöbö yöi, mi nöbö mö miŋa Pol midöŋ ram aku cicibö yuö aliŋ hö mögum rima. Alön hö mögum rim nugugirön, Pol nuŋ, God nöbö mö piŋa rön, Ha nuŋwa yad abmiŋ, Kiŋ röxg höŋ mönö aku yad nöliŋa, Mosiŋ aipam, God mönö yadiŋ nöbö piaku aipam, maduar ör Jisas al aliö cöniŋö, rön, kai kitim mönö aku ñigö yad nölöŋa. Jisas mönö aku yadmön nugwiŋ, me rön, Pol mönö aku yad nölmidmiŋ nugugirön, naiö röd pöŋa. ²⁴ Makwam mönö yadöŋ aku, bli yadöŋ akuyöbö nugw piŋa ji bli nugw pölim. ²⁵ Pol nöbö mö nugw pölim bla ñigö yadöŋa, "Maduar ör Inöm Leia nuŋ Aisaia piŋaŋ midim nugugirön, nuŋ nöso auso ñiŋ bla mönö ma yadöŋa. ²⁶ Mönö aku Aisaia nuŋ God Mönö riŋ miŋi kai kitön yadöŋa,

'Naŋ duön Juda nöbö mö bla ñigö yajniö,

"Mönö yadiŋ nugwöŋ aku,

ji mönö riŋ yada maku, me rön, röx nugweñ.

Mämäga nugwöŋ aku,

ji ap i nugweñ.

²⁷ Nöbö mö bilik mönö na yadiŋ aku

ñigö ipitmiŋ nugwölöi.

God Mönö nugwiŋ, aniŋ raŋ,

nöbö mö nuŋwa keir midib maga rö, rön,

rimij möla pidixön, mämäga ipax gi

midöiŋö," rane,' röŋa.

28 “Makwam, Juda nöbö mö bilik nugwi! Ñiñ Juda ada, God mönö wä aku röböxöi aku, nuñ yadm+n, mönö wä aku Juda nöbö mö yöi möl bli duañ nugwön ñiñ mönö aku pöñiñö,” röña. 29 Pol ñigö mönö aku yad pörm+n nugug+rön, Juda nöbö mö piaku ñiñ keir du girön, painjö yad+m painjö yad+p dumä.

30 Pol taun dib Rom hölmön m+dm+id ram aku wobön hölm gir m+id+m, k+m mös yönöña. Nöbö mö nugwo nuguba höm+dim piaku ñigö magaliğ yad wahax pön, p+ ösös r+ ri aböña. 31 Nöbö mö nugwo hem piaku, God nöbö mö p+ba rön, Ha nuñwa yad abm+n, Kiñ röxg höñ mönö aku ñigö yad nölön, Nöbö Dib Jisas Krais mönö wä aku yad nölön, r+m+da. Nuñ alön r+m+dm+n, Rom gapman nöbö dib bla nugwo yadyöxölim makwam, nuñ m+ ususör rön nöbö mö piaku ñigö mönö yadön, ödöriö akwör yad nölm+da.

MÖNÖ KÖMÖ
The New Testament in the Haruai language of Papua
New Guinea
Nupela Testamen long tokples Haruai long Niugini
copyright © 2010 Wycliffe Bible Translators, Inc.

Language: Haruai

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-05-07

PDF generated using Haiola and XeLaTeX on 11 Nov 2022 from source files dated 8 May 2021
9e954707-a711-5aaf-8460-3e8220e0e211